

Jág₁ Dse₃ quió'₅ Diú₄ a₂ca₂tó'₂ San Marcos ne₄ Si₂

*'Ĕ₂ Juan₅₄ jág₁ quió'₅ Diú₄ caun₂ 'uĕ₃ co₂'ñiog₅
(Mateo 3:1-12; Lucas 3:1-9, 15—17; Juan 1:19-28)*

¹ Le₂la₂ bá₄ ca₂rĕ₃lióg₃ jág₁ dse₃ quió'₅ Jesucristo, Ja₁ñi'₅₄ Diú₄. *

² Ju₁lia'₂ lĕ₅ tio'₅₄ ne₄ si₂ quió'₅ dsa₂ i₂jme₁'ĕ₂ jág₁ quián₂ Diú₄ ma₂líg'₂, ja₁juá'₂ le₂la₂:

Tsing₅₄ jan₂ dsa₂ quiáng₃

ne₄ ju₁ quiáng'₂, jón₃,

a₂dsi₃can₅ jág₁ dse₃ jin₄ dsa₂ mi₂güig₃,

jaun₂ jmo₃ co₂ñia₅₄ ju₁ quiáng'₂. †

³ Jaun₂ né'₂ 'ĕ₂ dsa₂ 'éi₂ jág₁ co₂mi'₅₄

caun₂ 'uĕ₃ quein₂ co₂'ñiog₅, jaun₂ i₂'éi₂ juá'₂:

“Jmo₄ 'nia'₂ co₂ñia₅₄

ju₁ quió'₅ Te₁gui'₅₄ i₂jiá₃.

Nia₄ 'nia'₂ caun₂ ju₁ co₂dsau₅.” †

⁴ Jaun₂ le₂la₂ ca₂rĕ₃ti₃ jág₁ nĕ₅: Ca₂guan₃

Juan₅₄ caun₂ ja₁lĕ₄ 'uĕ₃ co₂'ñiog₅ ca₂choin₃

jmig₂ dsa₂, qui₂ca₂'ĕ₂ jág₁ a₂tsón₃ dsa₂ jmig₂,

jĕ₁ma₂ca₂dsi₃quén'₅ dsí₅ ia₁jaun₂ le₃'én₂ dsáu₁.

⁵ Jaun₂ ca₂le₃jín₃ dsa₂ chan₂ juig₂ Judea quian'₅₄

dsa₂ i₂chan₂ Jerusalén nĕ₃, ca₂i₁lein₅₄ ja₁jme₁'en₅₄

* **1:1** A₂lin₅₄ chog₅₄ si₂ tsá₃ chi₁ton₅ “Ja₁ñi'₅₄ Diú₄.”

† **1:2**

Malaquí₃ 3:1. † **1:3** Isaías 40:3.

Juan₅₄. Qui₂ca₂jmo₃ dsa₂ qui₂ñí₃ quió'₅ ca₂le₃jě₃ dsá_{u1}. Jaun₂guě₄ ca₂cho₃ Juan₅₄ jmig₂ § Cuá₃ Jordán.

⁶ Ni₁tsin'₅₄ Juan₅₄ 'éi₂ jme₁lě₄ quian'₅₄ ni₁ñí₁ já'₂ camello. A₂jme₁jén'₅ tú'₅ guě'₂ ně₃, lo₄ já'₂. Má₃ a₂jme₁guě'₅ guě'₂, jmá'₃ i₁ni'₂ tia₄ quian'₅₄ jmí₁tá'₄ cha₂ ja₁nau₂. ⁷ Caun₂ ca₂ñi₃ bá₄ 'ě₂ já_{g1} dse₃, juá'₂:

—I₂jiá₃ chi₁co'₅₄ quió'₃, i₂'éi₂ bá₄ i₂'uan'₂ i₂tin₂ guě₄ lia'₂ con'₂ guě₄ jniá₂, ca₂lia'₂ jñia'₅₄ lau₂ ton₅ tag₅₄ tsá₃ ca₂ting₂ tsi'₅₄. ⁸ Jniá₂ ně₂tiáng₃ 'nia'₂ jmig₂; la₁ 'éi₂ guě'₂ ně₃ tióg₂ Jme₂dsí₂ Jñi₃ó₅.

*Ca₂chon₃ Juan₅₄ jmig₂ Jesús
(Mateo 3:13-17; Lucas 3:21-22)*

⁹ Jmig₄ jaun₂ o₂'ín₃ Jesús juig₂ Nazaret, ja₁tén₄ Galilea. Nó₃ ja₁'en₅₄ Juan₅₄. Ja₁jaun₂ ca₂cho₃ Juan₅₄ jmig₂ ca₂choin₃ Jesús* Cuá₃ Jordán. ¹⁰ Jaun₂ dsi₂jui₅ jme₁ca₂'ñio₂ Jesús ne₄ jmig₂, ca₂jág₃ ca₂niá₃ dsi₄ mi₂güí₃. Jaun₂ ca₂sión₃ Jme₂dsí₂ quián₅ Diú₄ i₂lín₅ lia'₂ lín₅ jan₂ i₁ju₂, ne₄ quió'₅. ¹¹ Jaun₂ ca₂né'₂ já_{g1} a₂já₅ guei'₅₄ i₂juí₃ a₂juá'₂:

—'Ne₂ bá₄ líng'₅ jón₃ quiáng₃, i₂ñí₄ lě₃ 'nióg₃ guě₄ lín₃; 'E₂ bá₄ 'ñio₂ dsi₃ quian'₅₄ 'ne₂.

*Ca₂caun₃ i₂sě₃dsen₃ táu₂ quió'₅ Jesús
(Mateo 4:1-11; Lucas 4:1-13)*

¹² Dsi₂jui₅ jaun₂ ca₂jio₃ Jme₂dsí₂ quián₅ Diú₄ caun₂ jui₅ 'uě₃ co₂'ñiog₅. ¹³ Jaun₂ ja₁jaun₂ ca₂'í₃ tě₂láu₃ jmig₄ ia₁jaun₂ cáun₂ táu₂ i₂sě₃dsen₃. Ja₁jaun₂ jme₁tion'₅₄ já'₂ tsau₂ dsí₅. La₁ ca₂o₃lén₂ ángeles ca₂jme₃'o₅₄.

§ 1:5 lit. “ca₂tióg₃ Juan₅₄ jmig₂” * 1:9 lit. “ca₂tióg₃ Juan₅₄ ca₂tiáin₂ jmig₂ Jesús.”

Ca₂jme₃lióg₃ Jesús jme₂t̃in₂₃ dsa₂jág₁ dse₃
(Mateo 4:12-17; Lucas 4:14-15)

¹⁴ Jme₁ma₂ca₂ton' ₂ dsa₂ Juan₅₄ né' ₃ 'má₃, Jesús ně₃ ca₂ñei₅₄ jui₅ Galilea i₁'ě₄ jág₁ dse₃ quió' ₅ Diú₄, ¹⁵ juá' ₂ η_{i23}:

—Ca₂dsin₃ jmig₄ a₂ja₂quián₃ a₂jme₃gón₃ Diú₄.
 Jaun₂ lě₃ jui₁dsi₂quén' ₅ 'au' ₂, jui₁le₂'én' ₂ 'nia' ₂ jág₁ dse₃.

Ca₂tě' ₃ Jesús quén₂ dsa₂ i₂jme₁tion' ₅₄ tsán' ₂ ju₄
(Mateo 4:18-22; Lucas 5:1-11)

¹⁶ Co₂ráun₂ ca₂ñi₅ Jesús chei' ₅₄ jmi₁ñí' ₄ Galilea. Ja₁jaun₂ ca₂j̃in₂ Si₂mu₅₄ quiain' ₅₄ Drě₄ riin' ₅₄. Jme₁tioin' ₅₄ táun₂ 'má₅ dsi₂jmig₂, ia₁ jme₁l̃in₄ dsa₂ i₂jmo₅ ta₁ tsán' ₂ ju₄. ¹⁷ Jaun₂ ca₂juá' ₂ Jesús:

—I₂nó' ₅ 'nia' ₂, jme₁quiong' ₅₄ jniá₂, jaun₂ cuē₅₄ ta₁ a₂chi₁liang' ₂ dsa₂ mi₂güí₃, jui₁lia' ₂ chi₂lián' ₁ 'nia' ₂ ju₄.

¹⁸ Jaun₂ dsi₂jui₅ bá₄ i₃lén₂ quiong' ₅₄; ja₁jaun₂ ca₂dsia₃ bá₄ tsi₁'má₅ quió' ₅.

¹⁹ Me' ₂ bá₄ ja₁i₃lén₂ guě₄ jme₁ca₂j̃in₂ i₂chen₂ Jacobo quiain' ₅₄ Juan₅₄ riin' ₅₄, ja₁ñi' ₅₄ Zebedeo. Jme₁tioin' ₅₄ 'ñió' ₃ tsi₁mu₅ jmóg' ₅ 'má₅ quió' ₅.

²⁰ Dsi₂jui₅ ca₂tě' ₃ i₂'éi₂ ján₃; ca₂tén₂ bá₄ guě' ₂ 'éi₂ ně₃ Zebedeo jmei₂ 'ñió' ₃ tsi₁mu₅ quiain' ₅₄ mozo quiáin₅.

Jan₂ dsa₂ i₂jme₁'en' ₅₄ jme₂dsí' ₂ 'lin' ₅₄ tē₂dsí' ₅
(Lucas 4:31-37)

²¹ Jaun₂ dsi₃lén₂ jui₂ Capernaum. Caun₂ jmig₄ sa₅₄, ca₂'í₃ Jesús guá' ₅ sinagoga. Jaun₂ ca₂jme₃lióg₃ ca₂jme₃t̃in₂₃ dsa₂ jág₁ dse₃. ²² Ca₂le₃jín₃ i₂ca₂nág₂ ně₃ ca₂i₃gó' ₃ dsí₅ jág₁ quió' ₅, ia₁ ca₂jme₃tag₂₃ jui₁lia' ₂

jëjme₂tag₅ jan₂ i₂'io₅ 'éi'₃, on₃jua'₅₄ rë'₂ ju₁lia'₂
jme₂tag₅ tẽ₅juá'₅. 23 Jë₄ jaun₂ ca₂dsióg₃ jan₂ dsa₂
i₂'en₅₄ jme₂dsí₂ 'lin'₅₄, ca₂juá'₂ guió'₅ tiá₂:

24 —¿'E₂ lë₃ tián'₅ 'ne₂ Jesús Nazarenof jë₄ quián₂
jnia'₅₄? A₂jnia'₅₄ 'niog'₂ 'éng'₄ jnia'₅₄ bá₄ 'ne₂ ñe'₃,
Guion₄ jniá₂ 'ein₂ líng'₅. 'Ne₂ líng'₅ dsa₂ jñiós quián₅
Diú₄.

25 Jaun₂ ca₂jén₂ Jesús i₂'lin'₅₄ i₂'en₅₄ tẽ₂dsí₅ dsa₂ 'éi₂,
ca₂juá'₂:

—Tei₄ jmo₄. Jú₅ quió'₅ dsa₂ nẽ₅.

26 Jaun₂ ca₂jmo₃ i₂'lin'₅₄ ca₂ba₂ca₂lín'₂ dsa₂ 'éi₂ 'uë₃,
ca₂guió'₃ tiá₂. Jaun₂ guë₄ o₂'íin₃ jaun₂ nẽ₃. 27 Jaun₂
ca₂le₃jín₃ dsa₂ i₂ca₂tẽ₂ ne₄ ca₂i₃gó'₃ dsí₅, qui₂ca₂ñii'₃
riin'₅₄, ca₂juá'₂:

—¿'E₂ bá₄ nẽ₅? ¿'An₁ a₂nẽ₅ bá₄ juá'₅ 'mí₂? ¡'Io₅
'éi'₃ i₂nẽ₅ ca₂tẽ₂ ne₄ quió'₅ i₂'lin'₅₄, jaun₂ 'éi₂ nẽ₃ nag₂₃
gau₂ jág₁ quió'₅!

28 Jaun₂ dsí₂jui₅ bá₄ ca₂i₃ág₃ jág₁ quió'₅ ca₂le₂con₂
ja₁tén₄ Galilea.

Ca₂jme₃'lión₂ Jesús ma₂chog₅₄ Si₂mu₅₄
(Mateo 8:14-15; Lucas 4:38-39)

29 Jaun₂ dsí₂jui₅ jme₁ca₂'uñ₂ guá'₅, ca₂ñó₃
quiain'₅₄ Jacobo, Juan₅₄ nẽ₃, ja₁quió'₄ Si₂mu₅₄
quian'₅₄ Drë₄. 30 Ma₂chog₅₄ Si₂mu₅₄ nẽ₃ jme₁roin₂₃
dso'₅₄, 'i₄ dséi₂. Jaun₂ dsí₂jui₅ ca₂'in₃ dsa₂ dsa₂ dso'₅₄
'éi₂ ca₂tsí'₃ Jesús. 31 Jaun₂ nẽ₃ ca₂jme₃quiáin₃ con₂
dsa₂ dso'₅₄, ca₂jña'₃ gu₂, ca₂chó'₂ jaun₂ nẽ₃. Jaun₂
dsí₂jui₅ bá₄ ca₂o₃'ág₃ dséi₂ dsa₂. Jaun₂ 'io₅₄ 'éi₂ nẽ₃
ca₂jme₃lióg₃ ca₂jme₃ti₃ ta₁ ne₄ 'éi₂ tiain'₅₄.

† 1:24 o₃, “i₂chan₂ Nazaret.”

*Ca₂jme₃'lión₂ Jesús juin₅ dsa₂ dso'₅₄
(Mateo 8:16-17; Lucas 4:40-41)*

³² Jme₁ma₂rin₂ 'iog₂ jmi_g₄ jaun₂, ca₂o₃jñia₃ dsa₂ ne₅₄ ca₂le₃jín₃ dsa₂ dso'₅₄, dsa₂ i₂tion'₅₄ jme₂dsí₂ je₂na'₅₄ ně₃. ³³ Ca₂le₃jín₃ dsa₂ juig₂ bá₄ ca₂ñi'₂ o₄'né₄. ³⁴ Jaun₂ Jesús ně₃ ca₂jme₃'lióin₂ dsa₂ ca₂le₃jě₃ ne₅₄ dso₄ a₂jme₁lín₄. Qui₂ca₂'uúin'₂ rē'₂ juin₅ je₂na'₅₄ ně₃. La₁ tsá₃ ma₃ca₂cuē₃ Jesús jmi_g₄ jua'₅₄ a₂juá'₂ guē₄ je₂na'₅₄ jág₁, ia₁ ñi₅ bá₄ je₂na'₅₄ 'ein₂'éi₂.

*Ca₂'ě₂ Jesús jág₁ dse₃ dsi₂néi₂ guá'₅ sinagogas
le₂tan₅₄ juig₂ ja₁tén₄ Galilea
(Lucas 4:42-44)*

³⁵ Le₁né₃ guē₄ jme₁jnia₃ jaun₂, ca₂nau₂ Jesús o₂'ín₃ 'ni'₂ juig₂, caun₂ ja₁lě₄ co₂'ñiog₅, i₁chi'₄ Diú₄. ³⁶ Jaun₂ ñó₃ Si₂mu₅₄ quiain'₅₄ riin'₅₄ i₁'niong'₂. ³⁷ Jme₁ca₂dsáu'₂ ně₃, ca₂juá'₂:

—Ca₂le₃jín₃ dsa₂ i₂nioi₅₄ 'nai'₂ 'ne₂.

³⁸ La₁ Jesús ně₃ ca₂ñag₃:

—Ma₃dsau₅₄ dsi₂i₁nio₁ le₂tan₅₄ juig₂ ma₂quián₅ ně₅, dsi₁'ě₄ jág₁ dse₃, ia₁ ta₁ jaun₂ bá₄ guio₃ jniá₂.

³⁹ Jaun₂ le₂ně₅ ca₂i₁ñi₂ Jesús le₂tan₅₄ juig₂ tio'₅₄ ja₁tén₄ 'uě₃ Galilea, qui₂i₁'ě₄ jág₁ dse₃ dsi₂néi₂ guá'₅ sinagogas le₂caun₂ juig₂. Qui₂ca₂'uúin'₂ je₂na'₅₄ tē₂dsí₅ dsa₂ ně₃.

*Ca₂jme₃'lión₂ Jesús dsa₂ i₂lín₅ 'mé'₅ 'iog₅
(Mateo 8:1-4; Lucas 5:12-16)*

⁴⁰ Ca₂guan₃ jan₂ dsa₂ dso'₅₄ i₂lín₅ 'mé'₅ 'iog₅ coin₂. Jaun₂ ca₂chi₃jnë₃ ne₅₄, ca₂juá'₂:

—Chi₂jua'₂ 'ñio₂ 'au'₂, jñia'₅₄ lia'₂ 'ne₂ bá₄ qui'₅₄ jmi_g₄ jmó'₂ le₁jě₃ quió₃.

41 Jaun₂ ca₂dsia₃ Jesús ηéi₂ dsí₅ dsa₂ 'éi₂, ca₂néi'₃ gu₂ ca₂ní'₂ quió'₅, jaun₂ ca₂juá'₂:

—'Nio₂ bá₄ dsi₃. Jui₁le₅₄ le₁jě₃ quiáng'₂.

42 Dsi₂jui₅ le₂jaun₂ ca₂jñia'₃ 'mé'₅ 'iog₅, ca₂'lón₂ dsa₂ 'éi₂. 43 Jaun₂ ca₂dsióg'₂, ca₂juá'₂:

44—La₁ tē₃ñi'₅₄ tsá₃ 'ein₂ i₂juig'₂ 'i₁jan₂. Jñia'₅₄ gua₂ o₂jme₁jñia₅ ne₄ jme₂dsa₂, o₂jen'₅₄ ne₄ Diú₄ o₂jmo₄ con'₂ lě₅ 'Éi'₃ quió'₅ Moisés, † o₂jang'₅₄ jág₁ dsau₅ jin₄ dsa₂ juig₂ a₂ma₂'lóng'₂.

45 La₁ dsa₂ 'éi₂ ně₃ tē₂le₃ i₂jui'₂ guě₄ ca₂dsia₃ bá₄ jme₁o₂'ín₃, qui₂ca₂'ě₂ jág₁ ca₂le₂con₂. 'Uig₅₄ jaun₂ tsá₃ ma₃lé₂ 'i₂ Jesús jē₄ juig₂ tē₃ jág₅ dsa₂; jmá'₃ lia'₂ ja₁co₂'ñiog₅ bá₄ jme₁jñia₂₃. La₁ tion₅₄ bá₄ jme₁dsi₂lén₂ dsa₂ coin₂ i₂ja₂lén₂ ca₂le₂con₂ jaun₂.

2

*Ca₂jme₃'lión₂ Jesús jan₂ dsa₂ i₂rě₂já'₃ quió'₅
(Mateo 9:1-8; Lucas 5:17-26)*

1 Cang₂ jaun₂ ca₂'í₃ táng₃ Jesús jē₄ juig₂ Capernaum. Jaun₂ ca₂rě₃ñi₅ dsa₂ a₂ma₂dsiáin'₃. 2 Jaun₂ dsi₂jui₅ bá₄ ca₂ñi'₂ dsa₂ juin₅ lin₃, ca₂lia'₂ jñia'₅₄ tsá₃ ma₃tē₂ ja₁'éin'₄ dsi₂néi₂, le₂tan₅₄ o₄'né₄ ně₃. Jaun₂ ca₂ton₃ jág₁ dse₃ ca₂tsí'₃ dsa₂. 3 Jaun₂ ca₂dsi₃lén₂ co₂nió'₃; jē₄ jaun₂ i₃lén₂ quén₂ le₁jñia'₂₃ jan₂ dsa₂ i₂rě₂já'₃ quió'₅. 4 Ia₁ tsá₃ lé₂ ηí₃ tē₂ dsi₂néi₂ ja₁'en₅₄ Jesús, ia₁ juin₅ dsa₂ tion'₅₄, jaun₂ jui₅ co'₅₄ tsi₁'né₅ bá₄ ca₂niá₃ caun₂ tau₂ pa₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsíin₂ caun₂ tsi₁jēin₁. 5 Jme₁ca₂rě₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:

† 1:44 'Éi'₃ quió'₅ Moisés: 'Í₂ Levítico 14.

—Jón₃, ma₂rë₂'én₄ bá₄ dsáu'₂.

⁶ Jaun₂ i₂lin₅₄ tēs₅juá'₅ i₂jme₁tián'₄ jë₄ jaun₂, ca₂i₃jio₅ dsí₅: ⁷ “¿'E₂ lë₃ juá'₂ i₂në₅ le₂në₅? A₂'in₅ 'lig'₅₄ Diú₄ bá₄ i₂në₅. 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jñia'₅₄ lia'₂ jan₂ Diú₄ bá₄.” ⁸ La₁ ma₂ñi₅ bá₄ Jesús dsi₂jui₅ a₂dsi₂jio₅ dsí₅ dsa₂ 'éi₂ tiáin'₅, jaun₂ ca₂juá'₂:

—¿'E₂ lë₃ dsi₂jio₅ 'au'₂ 'nia'₂ le₂në₅? ⁹ ¿'E₂ a₂quian₅ guë₄ ta₁, a₂juig₅₄ jniá₂ dsa₂ 'lian'₂ në₅: “Ma₂rë₂'én₄ dsáu'₂”, o₃ a₂juig₅₄ 'e₂ jniá₂: “Nau₂ guan'₂ ñi₄ quion₂ tsi₁jein₁ quiáng'₂?” ¹⁰ La₁, ia₁jaun₂ le₃ñi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güí₃ ne₄ gua'₅₄ 'uë₃ a₂lé₂ le₃'éin₂ dsáu₁ dsa₂ —jaun₂ ca₂tsí'₃ dsa₂ 'lian'₂ 'éi₂:

¹¹ —'Ne₂ juí₂g₂ jniá₂, nau₂ quion₂ tsi₁jein₁ quiáng'₂, guan'₂.

¹² Jaun₂ ca₂nau₂ 'éi₂, ca₂cáun₃ tsi₁jein₁ quió'₅, të₃ jág₅ dsa₂. Jaun₂ ca₂i₃gó'₃ dsí₅ ca₂le₃jín₃, qui₂jme₂juin'₂ Diú₄, tsí'₅ rñin'₅₄:

—'I₁co₂ráun₂ tsá₃ 'ein₂ ma₂jág₃ jniog₄ le₂në₅.

Ca₂të'₃ Jesús Leví

(Mateo 9:9-13; Lucas 5:27-32)

¹³ Con'₂ siá'₂ táng₃ ca₂ñó₃ Jesús chei'₅₄ jmi₁ñi'₄. Jaun₂ dsi₃lén₂ dsa₂ juin₅ ca₂ñi'₂. Jaun₂ qui₂ca₂jme₃tag₅ Jesús jág₁ dse₃. ¹⁴ Jme₁ca₂ñi₅ ja₁jaun₂, ca₂jín₂ Leví* ja₁ñi'₅₄ Alfeo, guá₅ 'éi₂ gue₂₃ 'lia'₅₄ a₂ca₂tín₂ dsi₂tan₅₄ romano. Jaun₂ ca₂juá'₂ Jesús:

—Jme₁quiong'₅₄ jniá₂.

Jaun₂ ca₂nau₂ 'éi₂, ca₂ñó₃ quiong'₅₄.

* **2:14** Leví i₂të'₂ Mateo ján₃.

15 Jme₁ma₂'en₅₄ Jesús guě'₅ ja₁quió'₄ Leví; ja₁jaun₂ jme₁le₁ñi'₂ juin₅ dsa₂ i₂cán₂ 'lia'₅₄ quián₅ dsi₂tan₅₄ ján₃, quian'₅₄ dsa₂ sián'₂ “i₂le₁cán'₄ dso₄” ně₃, tián'₅ co₂lě₅ guě'₅ quian'₅₄ Jesús quian'₅₄ dsa₂ quián₅, ia₁ i₂juin₅ lin₃ i₂le₂'éi₂ ma₂quian'₅₄ ñi₂₃. 16 Jaun₂ jme₁ca₂jág₃ tē₅juá'₅ quián₅ dsa₂ fariseos a₂guě'₅ Jesús co₂lě₅ quian'₅₄ dsa₂ le₂'éi₂, jaun₂ ca₂tsí'₃ dsa₂ quián₅ Jesús:

—¿'A₂ bá₄ lia'₂ guě'₅ tē₅ quián'₂ 'nia'₂ quian'₅₄ dsa₂ 'lin'₅₄ i₂le₁cán'₄ dso₄, quian'₅₄ i₂cán₂ 'lia'₅₄ quián₅ dsi₂tan₅₄ ně₃? 17 Jaun₂ jme₁ca₂nág₂ Jesús jág₁ ně₅, jaun₂ ca₂ñag₃:

—Tsá₃ tē₅mí₅ 'nió'₅ quió'₅ dsa₂ dsen₃ i₂tsá₃ le₁dso'₅₄, jñia'₅₄ lia'₂ dsa₂ i₂le₁dso'₅₄ bá₄ 'nió'₅ tē₅mí₅ quió'₅. Ia₁ tsá₃ ta₁ jaun₂ guio₃ jniá₂ a₂tě₄ dsa₂ dsen₃, a₂tě₄ dsa₂ i₂qui₂le₁cán'₄ dso₄ bá₄ jniá₂ guio₃.

*Ca₂ñi'₃ dsa₂ Jesús jui₁lia'₂ jág₁ a₂jme₂'in₅₄ dsa₂
(Mateo 9:14-17; Lucas 5:33-39)*

18 Co₂ráun₂ dsa₂ i₂jme₁i₂nio₄ quian'₅₄ Juan₅₄, quian'₅₄ dsa₂ i₂tén₅ le₃quió'₅ dsa₂ fariseos ně₃, jme₁jme₂'iin₅₄. Jaun₂ dsi₃lén₂ i₂lin₅₄ ca₂ñi'₃ Jesús:

—¿'E₂ 'ui_g₅₄ jme₂'in₅₄ dsa₂ i₂i₂nio₄ quian'₅₄ Juan₅₄, dsa₂ quián₅ fariseos ně₃, ton'₂ tsá₃ jme₂'in₅₄ guě'₂ dsa₂ quián'₂ 'ne₂?

19 Jaun₂ ca₂ñag₃ Jesús:

—¿Lé₂ le₃jme₃'in₅₄ jui₁lia'₂ dsa₂ i₂té₄ ja₁niog₅ jmi_g₄ ja₁jen'₂ gu₂ dsa₂, tē₁lia'₂ quiong'₅₄ dsa₂ ñe'₂ i₂jén'₂ gu₂? Ma₁ tsá₃ le₂jaun₂ jmo₅ dsa₂, tē₁lia'₂ quiong'₅₄ 'éi₂. 20 La₁ jiá₃ caun₂ jmi_g₄ a₂jñia'₃ dsa₂ i₂jén'₂ gu₂ 'éi₂. Jaun₂ guě'₄ lé₂ le₃jme₃'iin₅₄.

21 'Ma₁ tsá₃ jmo₅ dsa₂ jua'₅₄ a₂tióng₅ quian'₅₄ 'nau₅₄ 'mi'₂ 'mí₂ tsi₁'mi'₂ gui'₅₄, ia₁ dsáu'₅ tsi₁'mi'₂ 'mí₂ jë₁ma₂jñ₂. Jaun₂ juë'₂ guë'₄ jë₁gag₂ lë₂ tsi₁'mi'₂ gui'₅₄. 22 On₃ guë'₄ jmo₅ dsa₂ jua'₅₄ a₂tia'₂ vino 'mí₂ 'ñió'₃ ni₁lau₂ gui'₅₄. Ia₁ guéi₃ ni₁lau₂ gui'₅₄ quian'₅₄ dsió'₁ vino 'mí₂. Dsi₂'én₂ bá₄ vino, lia'₂ ni₁lau₂ në₃. Jaun₂ 'ñió'₃ ni₁lau₂ 'mí₂ bá₄ 'nió'₅ tia'₃ dsa₂ vino 'mí₂ ia₁jaun₂ tsá₃ dsi₃'én₂.

*Ca₂gág₃ dsa₂ quián₅ Jesús mí'₂ trigo jmíg₄ sa₅₄
(Mateo 12:1-8; Lucas 6:1-5)*

23 Caun₂ jmíg₄ sa₅₄ ca₂ñi₅ Jesús quiain'₅₄ dsa₂ quiáin₅ caun₂ ja₁nau₂ ja₁jnia₄ trigo. Dsa₂ i₂jme₁quiain'₅₄ në₃ ca₂jme₃lióg₃ qui₂ca₂gág₃ mí'₂ trigo jme₁ca₂ñi₅ja₁jaun₂. 24 Jaun₂ në₃, ca₂juá'₂ dsa₂ fariseos:

—¿'E₂ lë₃ jmo₅ dsa₂ i₂quiang'₅₄ ta₁ a₂tsá₃ 'i₄ 'éi'₃ jmo₃ jmíg₄ sa₅₄?

25 Jaun₂ ca₂ñag₃ Jesús:

—¿Tsa₁ ma₂'í'₂ 'nia'₂ 'i₁cón'₂ a₂ca₂jmo₃ David ma₂líg'₂ quian'₅₄ riin'₅₄ lia'₂ con'₂ jme₁ca₂rë₃'ín₂ quió'₅, a₂ca₂lë₃ i₁cón'₅?† 26 Ca₂'í₃ David dsi₂néi₂ quió'₅ Diú₄, lia'₂ con'₂ jme₁lín₄ Abiatar juig₅₄ jme₂dsa₂. Ca₂guë'₃ i₁ñí'₄ jñió₅ a₂'i₄ 'éi'₃ a₂guë'₅ jmá'₃ jme₂dsa₂. Jaun₂ ca₂cué'₃ dsa₂ i₂jme₁quiain'₅₄ në₃.

27 Ján₃ bá₄ ca₂juá'₂ Jesús ca₂tsí'₃ dsa₂:

—O₄quió'₄ dsa₂ mi₂güig₃ bá₄ ca₂lë₃ jmíg₄ sa₅₄, on₃jua'₅₄ rë'₂ o₄quió'₄ jmíg₄ sa₅₄ ca₂jmó'₂ Diú₄ dsa₂ mi₂güig₃. 28 Jaun₂ lë₃, Jaun₅ dsa₂ mi₂güig₃ bá₄ i₂'io₅ 'éi'₃ ne₄ quió'₅ jmíg₄ sa₅₄.

† 2:25 'Nio'₂ ja₁ton₅ 1 Samuel 21:6.

3

Jan₂ dsa₂ i₂'lia'₂ caun₂ mi₂gu₂

(Mateo 12:9-14; Lucas 6:6-11)

¹ Con'₂ siá'₂ táng₃ ca₂'í₃ Jesús guá'₅ sinagoga. Ja₁jaun₂ jme₁'en₅₄ jan₂ dsa₂ i₂'lia'₂ caun₂ mi₂gu₂.
² Jaun₂ ca₂tiog₃ dsa₂ ca₂tiain₃ Jesús, o₁ne₄ chi₂jua'₂ jme₃'lióin₂ dsa₂ 'éi₂, tē₃ jmig₄ sa₅₄, ia₁jaun₂ chain₂ bí₂ a₂bóin'₂ dso₄ Jesús. ³ Jaun₂ ca₂tsí'₃ Jesús dsa₂ i₂'lia'₂ mi₂gu₂:

—Nia₅, dsi₂jo₂ la₂ nau₂.

⁴ Jaun₂ ca₂ḡag₃ Jesús ca₂ḡí'₃ dsa₂ i₂tion'₅₄ jág₅:

—Jui₁lia'₂ jmig₄ sa₅₄, ¿'e₂'i₄'éi'₃ jmo₃ dsa₂? ¿A₁dse₃, o₃ a₂'lig'₅₄ 'e₂? ¿A₂lión₂ dsa₂ jme₂dsí₂ riin'₅₄, o₃ a₂jḡí'₃ dsa₂ riin'₅₄ 'e₂?

Jaun₂ jḡia'₅₄ lē₁tióin₂ tei₄ le₂jaun₂ bá₄ dsa₂. ⁵ Jaun₂ 'ne₂ Jesús ca₂jḡin₂ dsa₂ i₂tion'₅₄, co₂'na₂ guē'₂ qui'₂ dsí₅, ia₁ a₂ḡí₄ lē₃ tsá₃ ḡí'₂ dsí₅ dsa₂. Jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃ 'éi₂ gu₂; ca₂lág₃ bá₄ jaun₂ ně₃.

⁶ Dsi₂jui₅ le₂jaun₂ ca₂'uin₂ dsa₂ fariseos ca₂i₁jmo₅₄ jág₁ quián'₅₄ dsa₂ quián₅ Herodes a₂jḡí'₃ Jesús.

Jui₅ dsa₂ tion'₅₄ chei'₅₄ jmig₂

⁷ Jaun₂ ca₂ḡó₃ táng₃ Jesús jui₅ chei'₅₄ jmi₁ḡí'₄ quián'₅₄ dsa₂ i₂quaiin'₅₄. Jaun₂ jui₅ lin₃ dsa₂ chan₂ Galilea ca₂jme₃quiong'₅₄ ně₃. ⁸ Jme₁ca₂rē₃ḡi₅ dsa₂ ca₂le₃jě₃ 'e₂ a₂niog₅ lē₂ a₂jmo₅ Jesús, ca₂o₃lén₂ jui₅ lin₃ dsa₂ chan₂ Judea, dsa₂ chan₂ Jerusalén, dsa₂ chan₂ Idumea, dsa₂ chan₂ le₂'ḡo'₅₄ Cuá₃ Jordán, dsa₂ chan₂ Tiro, dsa₂ chan₂ Sidón ně₃, a₂ca₂o₃jḡin₅₄ Jesús. ⁹ Jaun₂ ca₂tsí'₃ Jesús dsa₂ quián₅, a₂jmo₃ co₂jḡia₅₄ caun₂ tsi₁mu₅, ia₁ con'₂ tsá₃ ḡó₅ ně₃jua'₂

ca₂quíin'₃ jin₄ dsa₂. ¹⁰ Ia₁ juin₅ lin₃ dsa₂ dso'₅₄
 ma₂ca₂jme₃'lióin₂ le₂jníá₅. Jaun₂ ně₃, ca₂le₃jín₃ dsa₂
 dso'₅₄ tíoín'₅₄ co₂'liain'₂ ríin'₅₄ ca₂lia'₂ qui₂co₂dsiin'₅₄
 Jesús, ia₁ a₂'nio₃ qui₃níi'₃ quió'₅. ¹¹ Jme₁ca₂jág₂
 jme₂dsí₂'lin'₅₄ i₂tion'₅₄ tē₂dsí₅ dsa₂, jaun₂ ca₂chi₃jnë₃,
 tíoín'₅₄ co₂mí'₅₄, juá'₂:

—i'Ne₂ líng'₅ Ja₁ñi'₅₄ Diú₄!

¹² Jaun₂ lē₃ ca₂jmo₃ Jesús 'éi'₃ a₂tsá₃ jme₃jniog₂₃.

Ca₂quió'n'₂ Jesús chi'₂ dsí₂guia₃-tín₂
(Mateo 10:1-4; Lucas 6:12-16)

¹³ Cang₂ jaun₂ ca₂i₃lén₂ caun₂ ja₁lě₄ dsí₂con'₂.
 Ja₁jaun₂ ca₂quió'n'₂ Jesús dsa₂ i₂'nioi₃ jme₃quiong'₅₄.
 Jaun₂ ca₂o₃lén₂ 'éi₂ ja₁chéin'₄. ¹⁴ Jaun₂ ca₂'iin₃ guia₃-
 tín₂ dsa₂ 'éi₂, ia₁jaun₂ jme₃quiong'₅₄ ton'₂ ia₁jaun₂
 chei₃ a₂dsi₃lén₂ 'éi₂ a₂qui₂dsi₃'ě₃ jág₁, ¹⁵ ia₁jaun₂ 'io₃
 'éi₂ bí₂ ján₃* a₂le₃'uín'₂ je₂na'₅₄ dsí₅ dsa₂. ¹⁶ I₂la₂ bá₄
 dsa₂ i₂guia₃-tín₂ i₂ca₂'in₃ Jesús: Si₂mu₅₄ i₂tě'₂ Jesús
 Pe₄; ¹⁷ Le₂on₃ ja₁ñi'₅₄ Zebedeo: Jacobo quian'₅₄
 Juan₅₄, i₂ca₂tě'₃ Jesús Boanerges, co₂'nió'₄ a₂juá'₂,
 jaun₅ ñí'₃; ¹⁸ Drě₄, Fe₂li₄, Bartolomé, Tě₅₄, To₁má₄
 ně₃; Jacobo ja₁ñi'₅₄ Alfeo. Tadeo, Si₂mu₅₄ i₂lín₅
 cananista;† ¹⁹ Judas Iscariote ně₃, dsa₂ i₂ca₂jín'₂
 Jesús.

Juá'₂ dsa₂ a₂'io₅ Jesús jui₅bí₂ quió'₅ Be'elzebú
(Mateo 12:22-32; Lucas 11:14-23; 12:10)

Jaun₂ ca₂dsián'₃ Jesús jme₁ca₂dsiáin'₃ caun₂
 dsí₂néi₂. ²⁰ Con'₂ guě'₂ siá'₂, ca₂ñi'₂ táng₃ dsa₂ juin₅

* **3:15** A₂lín₅₄ chog₅₄ si₂ juá'₂ ján₃: “a₂jme₃'lióin₂ dsa₂ dso'₅₄.”

† **3:18** cananista: partido quió'₅ dsa₂ i₂'nio₃ táun₂ 'uě₃ 'éi'₃ quió'₅
 Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ mei'₂ tsá₃
 ca₂ne₅₄ a₂chein₂.

lin₃, jñia'₅₄ tsá₃ jiin'₅₄ guě'₃ quiaín'₅₄ chi'₂ dsi₂guia₃-
tín₂. ²¹ Jme₁ca₂rě₃ñi₅ o₁rñin'₅₄, jaun₂ ca₂o₃lėin₂
a₂jme₁tsáun'₂ tē₂, ia₁'ei₅ jág₁ a₂lė₁ma₂tē'₂₃ ñi₂₃.

²² Ján₃ bá₄ le₂jaun₂ tē₅juá'₅ i₂ja₂lén₂ Jerusalén,
ca₂juá'₂:

—Quian₅ dsa₂ nē₅ Be'elzebú, i₂lín₅ juig₅₄ je₂na'₅₄.
A₂jaun₂ bá₄ qui'₅₄ jmig₄ 'uín'₂ je₂na'₅₄ tion'₅₄ dsi₅
dsa₂.

²³ Jaun₂ lė₃ ca₂tē'₃ Jesús tē₅juá'₅ 'éi₂, jaun₂ ca₂juá'₂
tē₂le₃ quian'₅₄ jág₁ a₂jáng'₅ léi₄:

—¿'A₂ lia'₂ le₃lé₂ jua'₅₄ jmo₃ Satanás a₂dsein₂₃
'ñiog₅ quió'₅ dsa₂? ²⁴ Nē₁jua'₂ co₂nió'₃ dsi₂tan₅₄
ca₂nió'₃ mi'₅₄ quiaín'₅₄ rñin'₅₄, dsi₂tan₅₄ 'éi₂ tsá₃ uě₂
lé₂ le₃tóin'₃. ²⁵ Nē₁jua'₂ dsa₂ dsi₂néi₂ tioin'₅₄ mi'₅₄
quín'₂, ján₃ bá₄ le₂jaun₂ tsá₃ uě₂ tió'₅. ²⁶ Nē₁jua'₂
ca₂dsia₃ Satanás 'nei₂ a₂jmo₃ le₁dsoin'₅₄ 'ñiog₅, ján₃
bá₄ le₂jaun₂ tsá₃ uě₂ 'oin₅₄ bí₂ quió'₅; ja₁jaun₂
ca₂dsan₃ bá₄ quió'₅ nē₁jua'₂ le₂jaun₂.

²⁷ 'I₁jan₂ tsá₃ 'ein₂ lé₂ le₃'í₂ tion₅₄ dsi₂néi₂ quió'₅
ju₁lia'₂ jan₂ dsa₂ 'uan'₂, jua'₅₄ a₂jñiá'₂ dsa₂ a₂te'₁
quió'₅, jñia'₅₄ lia'₂ a₂'nei'₂ bá₄ de'₂ jñiá'₅ dsa₂. Jaun₂
bá₄ lé₂ le₃jñia'₃ a₂cha₂ quió'₅.

²⁸ 'A₂dsi₂jó'₃ juá'₅ jniá₂, a₂lé₂ le₃'én₂ ca₂le₃jě₃ bá₄
dsáu₁ dsa₂, ca₂le₃jě₃ 'e₂ a₂'lig'₅₄ juá'₂ nē₃. ²⁹ La₁
nē₁jua'₂ ca₂juá'₂ 'lig'₅₄ 'iin₂₃ Jme₂dsi₂ Jñió₅, tsá₃
ma₃a₁jaun₂ lé₂ le₃'én₂ dsáu₁. A₂rě₂cáin'₄ ca₂le₃jě₃
jmig₄ chain₂ bá₄ jaun₂.

³⁰ Le₂nē₅ ca₂juá'₂ ia₁ dsia₅ dsa₂ 'ag₂₃ 'ein₅₄ jme₂dsi₂
'lin'₅₄.

*Chi'₂ rñin'₅₄ Jesús quian'₅₄ chog₅₄
(Mateo 12:46-50; Lucas 8:19-21)*

31 Jaun₂ ca₂dsilén₂ chi'₂ rin'₅₄ Jesús, quian'₅₄ chog₅₄ ně₃. La₁ ca₁'né₄ bá₄ ca₂tóin'₂. Jaun₂ ca₂chein₃ jág₁ a₂tě'₂ Jesús. 32 Jaun₂ ca₂juá'₂ dsa₂ i₂jme₁tián'₄ cau₅ quió'₅ Jesús:

—Chog'₂ quian'₅₄ chi'₂ ríng'₂, ně₅ tián'₅ ca₁'né₄, a₂'nai'₂ 'ne₂.

33 Jaun₂ ca₂ḡag₃:

—ġ'Ein₂ 'éi₂ lín₅ cha₃ jniá'₂, rín'₃ jniá'₂ ně₃?

34 Jaun₂ ca₂jíin₂ dsa₂ i₂tián'₅ cau₅ quió'₅, jaun₂ ca₂juá'₂:

—jJag₄! I₂la₂ bá₄ lín₅ cha₃, ríng'₃ ně₃. 35 Ia₁ ju₁'ein₂ guě₃ i₂jmo₅ a₂'ḡio₂ dsí₅ Diú₄, i₂'éi₂ bá₄ lín₅ ju₁lia'₂ ríng'₃, cha₃ ně₃.

4

Jág₁ jáng'₅ léi₄ ju₁lia'₂ dsa₂ i₂séi₂ míg₂ jon₂
(Mateo 13:1-9; Lucas 8:4-8)

1 Con'₂ siá'₂ táng₃, co₂ráun₂ ca₂jme₃lióg₃ Jesús ca₂jme₃tiin₂₃ dsa₂ chei'₅₄ jmi₁ḡí'₄. Ia₁ ju₁n₅ lín₃ dsa₂ ca₂lě₃ ně₃ ca₂ḡi'₂ ja₁chéin'₄, jaun₂ ca₂'í₃ 'ḡió'₃ tsi₁mu₅ 'ei₅ chei'₅₄ jmíg₂; jaun₂ ja₁jaun₂ ca₂guá'₂. Dsa₂ guě'₂ ně₃ ca₂tóin'₂ chei'₅₄ jmíg₂. 2 'Lióng₂ jág₁ dse₃ ca₂jme₃tag₂₃ tě₂le₃ quian'₅₄ jág₁ a₂jáng'₅ léi₄. Jě₄ juá'₅ quió'₅ a₂jme₂tag₂₃, ca₂juá'₂:

3 —Nei₂ 'nia'₂: Jan₂ dsa₂ ca₂ḡe₄ ja₁nau₂ ca₂i₁séi₄ míg₂ jon₂. 4 Jme₁ma₂'ein₅₄ séi₂ ně₃, a₂lín₅₄ míg₂ jon₂ i₂ga'₅₄ le₂'í₄ ju₁. I₁tan₅ bá₄ ca₂dsilén₂ ca₂cág'₃ a₂jaun₂. 5 A₂lín₅₄ guě'₂ míg₂ jon₂ táng₃, ca₂i₃to'₅₄ jě₄ ni₁cang₁, ja₁tsá₃ gua'₅₄ lín₄ cha₂. A₂jaun₂ ně₃ tsá₃ uě₂ ca₂rě₃ag₄, ca₂'ia₂, ia₁ tsá₃ ji'₂ gua'₅₄ ja₁i₃to'₅₄. 6 La₁ jme₁ca₂jnióg₃ 'iog₂ ně₃, ca₂rě₃juing₅ ca₂rě₃quéin₃

bá₄, ia₁ tsá₃ jmú₄ 'lióng₂ jme₁cha₂. ⁷ A₂lin₅₄ guè'₂ ca₂séi'₂ ja₁lě₄ ni₁taun₅. Jme₁ca₂i₃cón₃ ni₁taun₅ ně₃, ca₂jlě₃ bá₄ a₂jaun₂, tsá₃ 'e₂ ca₂rau₂. ⁸ La₁ a₂lin₅₄ guè'₂ ně₃ ca₂tín₂ ja₁dse₃ 'uě₃. A₂jaun₂ ca₂rau₂ bá₄ dse₃. A₂lin₅₄ ca₂'ág₂ jma₃guióg₂-guiá'₂ míg₂, lia'₂ ca₂míg₂ jon₂. A₂lin₅₄ guè'₂ jma₃'nag'₂ ne₂guióg₂ míg₂; a₂lin₅₄ guè'₂ jma₃caun₂ 'ñiá₂-láu₂ míg₂.

⁹ Jaun₂ ně₃, ca₂juá'₂ Jesús:

—Ca₂le₃jín'₃ 'nia'₂ i₂le₁dsi₅₄ rě₂gua₄, rě₂ nei₂ 'nia'₂.

Ta₁ qui'₅ jág₁ a₂jáng'₅ léi₄

(Mateo 13:10-17; Lucas 8:9-10)

¹⁰ Jme₁ma₂i₂len₃ dsa₂, jme₁ma₂tě₁'ñiái₄ quiain'₅₄ chi'₂ dsí₂guia₃-tín₂, quiain'₅₄ i₂lin₅₄ guě'₄ dsa₂ sián'₂, jaun₂ ca₂ñag₃ 'éi₂ 'e₂ jág₁ dsau₅ jáng'₅ jág₁ jaun₂. ¹¹ Jaun₂ ca₂juá'₂ Jesús:

—Diú₄ bá₄ jmo₅ a₂rě₂ñí'₂ 'au'₂ 'nia'₂ jág₁ a₂rě₂'ma₄ 'a₂ lia'₂ lě₅ ja₁goin₂, la₁ dsa₂ i₂tsá₃ i₂nio₄ quian'₅₄ jniá₂ ně₃, 'nió'₅ juá'₂ dsa₂ tě₂le₃ quian'₅₄ jág₁ a₂jáng'₅ léi₄:

¹² ia₁jaun₂ i₂ně₂jág₃,

la₁ tsá₃ ca₂rě₃lí'₄ 'e₂ ně₂jág₃.

I₂ně₂néi₂ ně₃,

la₁ tsá₃ ca₂rě₃lí'₄ 'e₂ ně₂néi₂,

on₃ guě'₂ ca₂ñí'₂;

con'₂ tsá₃ ñó₅ ně₁ca₂jéin'₃ dsí₅,

ia₁jaun₂ jme₁'lioin₁₂ jniá₂.*

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ míg₂ jon₂

(Mateo 13:18-23; Lucas 8:11-15)

¹³ Ca₂juá'₂ ján₃:

* **4:12** Isaiás 6:9-10.

—¿Tsa₁ ŋí'₂ 'nia'₂ jág₁ a₂jáng'₅ léi₄ nē₅? ¿'A₂ bá₄ guè'₂ lé₂ le₃ŋí'₂ 'nia'₂ juí₁lia'₂ jág₁ a₂jáng'₅ léi₄ siá'₂?
 14 Juí₁lia'₂ lín₅ dsa₂ i₂séi₂ míg₂ jon₂, le₂jaun₂ bá₄ lín₅ juí₁lia'₂ dsa₂ i₂'ě₂ jág₁ dse₃ quió'₅ Diú₄. 15 I₂lín₅₄ dsa₂ lín₅ juí₁lia'₂ míg₂ jon₂ a₂i₃ga'₅₄ le₂'i₄ juí₅. Nag₂₃ jág₁ dse₃, la₁ dsí₂juí₅ jaun₂ ja₂ Satanás jñiá'₂ jág₁ a₂ma₂jnia₄ tē₂dsí₅ dsa₂. 16 I₂lín₅₄ guè'₂ dsa₂ lín₅ juí₁lia'₂ lē₅ míg₂ jon₂ a₂i₃ga'₅₄ jē₄ ni₁cang₁. Nag₂₃, gue₂₃ jág₁ a₂'ŋio₂ dsí₅. 17 La₁ia₁ tsá₃ uē₂ tió'₅, ia₁ tsá₃ lín₄ jmú₄ cha₂ jua'₅₄ a₂chan'₂ tiá₂ jág₁. Jaun₂ jē₂ma₂ca₂can₃ o₂i₁ dsí₅, a₂co₂'ein₅ dsa₂ 'uig'₅₄ jág₁ dse₃, dsí₂juí₅ bá₄ tí₂ táng₃ jág₁. 18 I₂sián'₂ guè'₂ nē₃ lín₅ co₂'nió'₄ míg₂ jon₂ a₂i₃ga'₅₄ jē₄ ni₁taun₅. Nag₂₃ jág₁ dse₃, 19 la₁ 'ŋio₅ guē₄ 'i₅ dsí₅ o₂me'₅₄ dsí₅ a₂cha₂ mi₂güig₃ la₂; ne₄ 'uig'₅₄ ia₁ a₂'ín₅ dsí₅ juí₅ ja₁le₃cha₂ cu₄, ja₁nē₅ bá₄ ja₁rē₂gain₂ táng₃; tsá₃ caun₂ a₂'ín₅ dsí₅. Ca₂le₃jē₃ a₂jaun₂ nē₃ jmo₅ jlē₅ jág₁ dse₃, tsá₃ ma₃cuē₂₃ jmíg₄ a₂ráu₃. 20 La₁ i₂lín₅₄ guē₄ nē₃ nag₂₃, gue₂₃ bá₄ jág₁, chan'₂ tiá₂. Lín₅ juí₁lia'₂ lē₅ míg₂ jon₂ a₂i₃ga'₅₄ ja₁dse₃ gua'₅₄. 'Lióng₂ rau₂. I₂lín₅₄ guè'₂ lín₅ co₂'nió'₄ míg₂ a₂qui₂ca₂'ág₂ guió₂-guiá₂; i₂lín₅₄ guè'₂ co₂'nió'₄ a₂qui₂ca₂'ág₂ 'nag'₂ ne₂guió₂, o₃ caun₂ 'ñiá₂-láu₂ míg₂ lia'₂ ca₂míg₂ míg₂ jon₂ a₂i₃jnia₄.

Jág₁ jáng'₅ léi₄ juí₁lia'₂ ni₁tsí₅ chi₁gui'₂ si₂
(Lucas 8:16-18)

21 Jaun₂ ca₂juá'₂ táng₃ Jesús:

—Nē₁jua'₂ quian₅ dsa₂ caun₂ ni₁tsí₅ a₂gui'₂ si₂, ¿'a₂ chi'₃? ¿né'₃ tsi₁mi'₂, o₃ né'₃ tsi₁cama? Jan₂'ón₄. A₂'ag₅ guei'₅₄ bá₄ dsa₂ si₂. 22 Ia₁ 'i₁caun₂ cosa tsá₃ cha₂ jua'₅₄

a₂lín₂ dsa₂ rē₂'ma₄, a₂tsá₃ le₃jniá₂; tion₅₄ bá₄ rē₂jniá₂.
 Ján₃ guē'₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃
 'ein₂ le₃ŋi₅; tion₅₄ bá₄ rē₂ŋi₅ dsa₂. ²³ Chi₂jua'₂ 'ein₂
 dsi₅₄ rē₂gua₄, jui₁nei₅₄ rē₂.

²⁴ Con'₂ siá'₂ táng₃ ca₂juá'₂ Jesús:

—Tion'₂ 'nia'₂ jui₅ 'e₂ a₂nag'₂. Quian'₅₄ 'éi'₃ a₂cau'₂
 'nia'₂ guiong'₅₄, 'éi'₃ jaun₂ bá₄ quió₃ Diú₄ quián'₂
 'nia'₂ ján₃, ŋjia'₅₄ tē₂le₃ lě₅ guě₄. ²⁵ Ia₁ jui₁lia'₂
 dsa₂ i₂ŋio₂ dsí₅ le₃ŋíi'₂, Diú₄ bá₄ jmo₃ le₃ŋíi'₂ guě₄
 dse₃. La₁ i₂tsá₃ 'nio₃ le₃ŋí'₂ ně₃, Diú₄ bá₄ jmo₃ a₂tsá₃
 ma₃le₃ŋíi'₂ co₂ŋei'₅₄.†

Jág₁ jáng'₅ léi₄ ju₁lia'₂ 'a₂ lia'₂ 'ia₂ míg₂ jon₂

²⁶ Jaun₂ ca₂juá'₂ Jesús:

—Le₂jaun₂ bá₄ lě₅ ja₁gon₂ Diú₄, ju₁lia'₂ lě₅
 quian'₅₄ dsa₂ i₂jne₅ 'e₂ jne₂₃. ²⁷ Jē₁ma₂ca₂'ia₂,
 qui₂dsi₂cón₃ a₂jaun₂. La₁ ju₁lia'₂ dsa₂ i₂jne₅ 'éi'₂
 ně₃, o₁ŋjia'₅₄ a₂'uē₂-jmi₂ güi_{in}₂, nau₂ ně₃, la₁ tsá₃
 jaun₂ ŋi₅ 'a₂ lia'₂ lě₂ a₂dsi₂cón₃. ²⁸ 'Uē₃ bá₄ lia'₂ lě₅,
 jaun₂ bá₄ rau₂. Le₂'uig₅₄, tag₄ de'₂ ŋjia₅ 'ia₂; ŋó₅
 jaun₂ 'ia₂ ni₁la₁, lě₂ ni₁guein₂. Nó₅ jaun₂ lě₂ ni₁cuig₂
 lá₅ ně₃. ²⁹ Jē₁ma₂ca₂ron₂, jaun₂ guě₄ dsi₂'áun₂ dsa₂;
 ia₁ ca₂tě₂ jmig₄ a₂ca₂rau₂.‡

*Jág₁ jáng'₅ léi₄ ju₁lia'₂ míg₂ jon₂ quió'₅ ni₁'ma₂
 mostaza*

(Mateo 13:31-32; Lucas 13:18-19)

³⁰ Con'₂ siá'₂ táng₃ ca₂juá'₂ Jesús.

† 4:25 lit. “Ia₁ ju₁lia'₂ dsa₂ i₂cha₂ quió'₅, ŋei₂; la₁ i₂tsá₃ cha₂ quió'₅
 ně₃, le₂jio₅ a₂cha₂ quió'₅, ŋjia'₃.” ‡ 4:29 lit. “'Uē₃ bá₄ lia'₂ lě₅, jaun₂
 bá₄ rau₂. Le₂'uig₅₄, tag₄ de'₂ ŋjia₅ 'ia₂; ŋó₅ jaun₂ 'ia₂ mí'₂. Nó₅ jaun₂ tó'₅
 míg₂ mí'₂ trigo. Jē₁ma₂ca₂ron₂, jaun₂ guě₄ dsi₂cag'₅₄ dsa₂ quian'₅₄ ŋí,
 hoz; ca₂tě₂ jmig₄ a₂ca₂rau₂.”

—¿'A₂ lia'₂ lě₅ ja₁gon₂ Diú₄, o₃ 'e₂ quian'₅₄ lé₂ le₃quin₃? ³¹ Lě₅ ju₁lia'₂ lě₅ mǐg₂ ni₁'ma₂ mostaza. § Mǐg₂ jon₂ jaun₂ lě₅ a₂pí'₁ guě₄ 'ñio₅ lin₃, lia'₂ con'₂ guě₄ ca₂le₃jě₃ jon₂ a₂jne₅ dsa₂. ³² Jě₁ma₂ca₂l₃jnia₄ ně₃, dsi₂cón₃ dsiog₅ lě₂ caun₂ ni₁'ma₂ pa₁, ca₂lia'₂ qui₂rě₂já₂ ni₁gu'₂ quió'₅. Jaun₂ tian'₅ i₁tan₅ ja₁lě₄ 'en'₂ quió'₅.

*Ta₁ a₂qui'₅ jág₁ a₂jáng'₅ léi₄ a₂ca₂jme₃tag₅ Jesús
(Mateo 13:34-35)*

³³ Ca₂jme₃tin₅ Jesús dsa₂ jág₁ dse₃ tē₂le₃ quian'₅₄ 'lióng₂ jág₁ a₂jáng'₅ léi₄ le₂ně₅. ³⁴ 'I₁caun₂ jág₁ tsá₃ jme₁cuě₂₃ jua'₅₄ tsá₃ tē₂le₃ quian'₅₄ jág₁ a₂jáng'₅ léi₄. La₁ jě₁ma₂tě₁'ñiá₄ con'₂ guoin₅₄ quian'₅₄ chi'₂ dsi₂guia₃-tín₂ quiáin₅, jme₁juá'₂ lia'₂ rě₂jiá₃ jág₁.

*Ca₂jmo₃ Jesús ca₂'ág₂ tei₄ jmi₁ñí'₄, ca₂jñia'₃ dsí₂ ně₃
(Mateo 8:23-27; Lucas 8:22-25)*

³⁵ Le₃ca₂nei₂ jmig₄ jaun₂ ca₂tsí'₃ chi'₂ dsi₂guia₃-tín₂ quiáin₅:

—Ma₃ le₃ñó'₅₄ jmi₁ñí'₄ le₃ó₃.

³⁶ Tion'₅₄ jaun₂ dsa₂ chei'₅₄ jmi₁ñí'₄, ca₂ñó₃ Jesús ca₂jio₃ chi'₂ dsi₂guia₃-tín₂ 'ñió'₃ tsi₁mu₅ ja₁jme₁'ein₅₄ táun₂ jág₁. Ján₃ bá₄ i₂lé₂ guě₄ tsi₁mu₅ siá'₂ quiong'₅₄, tion'₅₄ dsa₂. ³⁷ Jme₁co₂lág₂ jaun₂ ca₂'ág₂ dsí₂ tiá₂lin₃, jaun₂ qui₂ca₂jná'₃ jmig₂ 'ñio₅ lin₃ ca₂lia'₂ ca₂l₃'a₄ jmig₂ 'ñió'₃ tsi₁mu₅, jñia'₅₄ mei'₂ tsá₃ ca₂can'₂. ³⁸ Jme₁rě₂güín₃ bá₄ Jesús ñó₃ le₃chi₁co'₅₄ rě₂dsin₅ 'mi'₂ dsi₅₄. Jaun₂ ca₂ñei₃ dsa₂, ca₂juá'₂:

—¡Tě₅! ¿Tsa₁ dsan₂ 'au'₂ jua'₂ dsi₃'éin₂ jnia'₅₄ ja₁lá₃?

§ 4:31 mostaza: On₃jua'₅₄ mi₂jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tě'₂ tě₅sí₃ Brassica nigra.

39 Ca₂nau₂ Jesús jaun₂ ně₃, ca₂jéin₂ dsí₂, ca₂jéin₂ jmi₁ńí'₄ ně₃, ca₂juá'₂:

—jme₁'ua₅₄! ¡Tei₄ jmo₄!

Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmi₁ńí'₄, dsí₂ ně₃ ca₂jńia'₃. 40 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—¿'E₂ lě₃ ńí'₄ 'ńio₅ gan'₃ 'nia'₂? ¿'A₂ bá₄ lia'₂ ńí'₄ tsá₃ rě₂'én'₂ 'nia'₂?

41 Jaun₂ i₃gó'₃ dsí₅ 'ńio₅ lín₃, qui₂ca₂tsí'₃ riin'₅₄:

—¿'Ein₂ bá₄ lín₅ i₂ně₅ ca₂tě₂ jmi₁ńí'₄, ca₂tě₂ dsí₂ ně₃ qui₂nag₅ gau₂ jág₁ quió'₅?

5

Jan₂ dsa₂ i₂'en₅₄ jme₂dsí₂ 'lín'₅₄

(Mateo 8:28-34; Lucas 8:26-39)

1 Jaun₂ dsi₃léin₂ jme₁dsi₃léin₂ 'ńo'₅₄ jmi₁ńí'₄, go₄ dsa₂ Gadarenos.* 2 Jaun₂ dsi₂jui₅ jme₁ca₂o₃'ín₃ Jesús 'ńio'₃ tsi₁mu₅, dsió₃ jan₂ dsa₂ i₂o₂'ín₃ ja₁le₁'on₅ 'lag₄, dsa₂ i₂'en₅₄ jme₂dsí₂ 'lín'₅₄ dsí₅. 3 Jme₁guá₄ dsa₂ 'éi₂ jě₄ tau₂ 'ńio₅; jaun₂ tsá₃ ma₃'ein₂ jme₁qui'₅₄ jmi₂g₄ tió'₅ 'nei'₂ quian'₅₄ ńí₁ cadena, 4 ia₁ 'líong₂ ráun₂ jme₁ma₂'nei'₂ dsa₂ le₂jńiá₅, jme₁ma₂tó'₂ dsa₂ cadena mi₂tag₅₄, mi₂gu₂ ně₃. La₁ jě₂ bá₄ jńia'₅₄ ma₂gág₃; ma₂juin₃ ni₁ńí₁ jme₁chi₁quí'₅ mi₂tag₅₄ ně₃. Jaun₂ 'i₁jan₂ tsá₃ ma₃'ein₂ jme₁tio₃. 5 Jaun₂ ně₃, jme₁i₂ńi₅₄ lia'₂ 'uě₂-jmi₂ dsi₂guio'₂ ja₁le₁'on₅ 'lag₄ lia'₂ jui₅ má'₂ ně₃, qui₂jmái'₂ uig₅ 'ńiog₅ qui₂uing₂ quió'₅ quian'₅₄ ni₁cang₁. 6 La₁ jme₁ca₂jín₂ Jesús já₅ uíng₂, ńó₃ jaun₂ ně₃ co₂chi'₅₄ le₃ne₄ ja₁ńó₄ Jesús, jaun₂ ca₂chi₃jné₃. 7 Jaun₂ ca₂'í₃ co₂mi'₅₄ ca₂juá'₂:

* 5:1 A₂lín₅₄ chog₅₄ si₂juá'₂: “uě₃ Gerasa.”

—ǰ'E₂ lē₃ tián'₅ 'ne₂ jē₄ quió'₃ jniá'₂, 'ne₂ Jesús Ja₁ŋí'₅₄ Diú'₄ juin'₂? Ca₂Diú'₄, jnag₅₄, mi₅ jniá'₂ ne'₅₄ tsá'₃ lē₁'ē₅ uig₅.

⁸ Ca₂juá'₂ le₂nē₅, ia₁ jme₁ma₂nē₂chí'₃ Jesús jme₂dsí'₂ 'lin'₅₄, ca₂juá'₂: “ǰú'₅ quió'₅ dsa₂ nē₅, 'ne₂ jme₂dsí'₂ 'lin'₅₄!”

⁹ Jaun₂ ca₂ŋag₃ Jesús:

—ǰ'A₂ lia'₂ cheng'₂?

Jaun₂ ca₂ŋag₃:

—Juin₅† bá₄ cheng₂, ia₁ a₂juag₅ jnia'₅₄ lē₂.

¹⁰ Jaun₂ ca₂mi₃ tion₅₄-jan₃ ne₄ Jesús a₂tsá'₃ chein₂ jme₂dsí'₂ 'lin'₅₄ ja₁siá'₂. ¹¹ Ia₁ jme₁tion₅₄ juin₅ i₁ŋí'₅, guě'₅ quián₅ 'uig₅₄ má'₂, ¹² jaun₂ qui₂ca₂mi₃ i₂'lin'₅₄ ne₄ Jesús, ca₂juá'₂:

—Chei₅ jnia'₅₄ ja₁tion₅₄ i₁ŋí'₅, jaun₂ dsi₁tió'₄ jnia'₅₄ quió'₅ 'éi₂.

¹³ Jaun₂ ca₂cuē₃ bá₄ Jesús jmig₄. Jaun₂ ca₂'u₁in₂ ca₂i₃lén₂ i₃toin'₅₄ quió'₅ i₁ŋí'₅. Jme₁lě₂ con'₂ t₁n₃ mei₅ i₁ŋí'₅ jme₁tion₅₄. Ca₂le₃j₁n₃ 'éi₂ ca₂i₁nioi₁₂ co₂chi'₅₄ cu₁ng₂₃ ca₂sein₃ siá'₅ i₃toin'₅₄ jmi₁ŋí'₄, ca₂dsain₃.

¹⁴ Jaun₂ ca₂i₃lén₃ dsa₂ i₂jme₁jmo₅ 'í₁ cu₁ng₂₃ ca₂i₁chi'₄ dsa₂ jē₄ juig₂, quian'₅₄ i₂tion₅₄ ja₁nau₂ ně₃. Jaun₂ i₃lén₂ dsa₂ i₁jag₅₄ 'e₂ ca₂lě₃ ja₁jaun₂.

¹⁵ Jme₁ca₂o₃lén₂ ja₁'en₅₄ Jesús, ca₂j₁in₂ dsa₂ i₂jme₁tion₅₄ juin₅ jme₂dsí'₂ je₂na'₅₄ quió'₅. Jaun₂ ma₂guá'₅ ma₂qui'₂ tsin'₅₄, ma₂'en₅₄ bá₄ dsí'₅. Tioin'₅₄ ca₂jág₂ dsi₂gó'₃ dsí'₅. ¹⁶ Jaun₂ dsa₂ i₂ca₂jág₃ ca₂dsia₃ 'e₂ ca₂lě₃ quian'₅₄ dsa₂ i₂jme₁tion₅₄ je₂na'₅₄ quió'₅, 'e₂ ca₂lě₃ quian'₅₄ i₁ŋí'₅ ně₃. ¹⁷ Jaun₂ ca₂jme₃lióg₃ qui₂ca₂mi₃ tion₅₄ ne₄ Jesús a₂o₃'i₁n₅ 'uē₃ go₅₄.

† 5:9 griego: legión

18 Jme₁ma₂ηó₅ Jesús 'í₂ tsi₁mu₅, jaun₂ jme₁mi₅ dsa₂ i₂jme₁tion'₅₄ je₂na'₅₄ quió'₅, jme₁mi₂₃ jág₁ ne₄ Jesús a₂dsó₃ quiong'₅₄. 19 La₁ tsá₃ ca₂cuë₃ 'éi₂ jmig₄. Jaun₂ ca₂tsí'₃ dsa₂ 'éi₂:

—Guan'₂ ja₁quiáng'₂, ja₁tián'₄ ríng'₂, o₂dsia₄ ca₂le₃jě₃ 'e₂ nē₂jmo₃ Te₁gui'₅₄ o₄quiáng'₂, 'a₂ lia'₂ nē₂dsia₃ ηéi₂ dsí₅.

20 Jaun₂ ηá'₃ bá₄ dsa₂ 'éi₂ dsi₂néi₂ quió'₅, jaun₂ ca₂jme₃lióg₃ ca₂i₁dsia₂ jë₄ juig₂ tén₅ Decápolis ca₂le₃jě₃ 'e₂ ca₂jmo₃ Jesús o₄quió'₄. Ca₂le₃jín₃ dsa₂ i₂ca₂nág₂ ca₂i₃gó'₃ dsí₅.

Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús (Mateo 9:18-26; Lucas 8:40-56)

21 Jme₁ca₂dsián'₃ táng₃ Jesús le₃ηo'₅₄ jmi₁ηí'₄ quian'₅₄ tsi₁mu₅, juin₅ lin₃ dsa₂ i₂ca₂dsi₁lén₂ táng₃ jme₁dsián'₃. Të₁lia'₂ ηi₂₃ chei'₅₄ jmig₂, 22 jaun₂ ca₂dsióg₃ jan₂ dsa₂ i₂niog₅ gu₂ guá'₅ sinagoga, i₂chen₂ Jairo. Jme₁ca₂jín₂ Jesús, jaun₂ ca₂chi₃jnë₃ ne₄ 'éi₂. 23 Ca₂mi₃ ca₂juá'₂:

—Ma₂i₁jón₂ jan₂ chi'₂ quiáng₃. ¿Tsa₁ gog'₅₄ o₁jín₁ o₁quiog'₂ gog'₂ ne₄ quió'₅, jaun₂ 'lióin₂, le₃chain₂?

24 Jaun₂ ně₃ ca₂ηó₃ Jesús quiong'₅₄; juin₅ lin₃ guë₄ dsa₂ sián'₂ i₃lén₂ ca₂lia'₂ co₂'liain'₂ bá₄ Jesús.

25 Jë₄ jaun₂, ηó₃ jan₂ 'io₅₄ i₂ma₂tě₂ guia₃-tín₂ ηi₂ a₂dso'₅₄ a₂tiin₂. 26 'Lióng₂ a₂ma₂i₃ηí₂ o₄gú₃ juin₅ tē₅mí₅; jme₁ma₂'éin₂ ca₂le₃jě₃ cu₄ a₂jme₁cha₂ quió'₅.

La₁ tsá₃ 'e₂ ta₁ jmo₃, ia₁ tē₂le₃ ca₂i₃ja₃ bá₄ quió'₅.

27 La₁ jme₁ca₂nág₂ a₂'in₅ dsa₂ Jesús, jaun₂ ηó₃ ca₂jme₃quiáin₃ le₃ja₁ηó₄ 'éi₂, jín₄ dsa₂. Jme₁ca₂dsióg₃ cau₅ quió'₅ Jesús ně₃, jaun₂ ca₂ní'₃ ni₁tsin'₅₄ 'éi₂.

28 Ia₁ lín₂: “Tsá₃ a₂nag₅₄ a₂ŋja'₅₄ níg'₄ ca₂juig₄ tsin'₅₄,
 ŋja₃ quió₃.” 29 Co₂tan₅₄ dsi₂jui₅ le₂jaun₂ bá₄ ca₂'ná₂
 tein₂₃ jmi₂, ca₂rë₃lí'₄ ca₂'lón₂ dso₄ quió'₅. 30 Jaun₂
 dsi₂jui₅ bá₄ ca₂rë₃lí'₄ Jesús a₂o₃'ág₃ bí₂ quió'₅. Jaun₂
 ca₂jéin'₃ jin₄ dsa₂, ca₂ŋag₃:

—ǵ'E_{1n2} bá₄ nē₂ní'₃ tsín'₅?

31 Jaun₂ ca₂ŋag₃ chi'₂ dsi₂guia₃-tín₂ quiáin₅:

—Jua'₂ jág'₂ bá₄ 'ne₂ 'a₂ lia'₂ co₂'liog'₂ dsa₂ ja₂léin₂.
 ǵ'E₂ lë₃ juá'₂ “ein₂ nē₂ní'₃ quió₃?”

32 La₁ qui₂ja₂né₂ Jesús jin₄ dsa₂ a₂'nai'₂ 'ein₂ nē₂ní'₃
 quió'₅. 33 'Io₅₄ 'éi₂ nē₃ ma₂jlein₂₃ bá₄ chéin'₅ gó'₅,
 ia₁ ŋi₅ bá₄ 'e₂ ma₂iŋí₂. Ca₂ŋó₃ co₂ŋei'₅₄ ne₄ Jesús,
 ca₂chi₃jné₃, ca₂juá'₂ ca₂le₃jě₃ lia'₂ tí₅ jág₁ dsón'₂.
 34 Jesús nē₃ ca₂juá'₂:

—Jón₃, ia₁ 'éng'₂, ca₂'lóng'₂ bá₄. Guan'₂ tei₄
 quiáng'₂. Co₂nē₅ ca₂ŋja₃ dso₄ quiáng'₂.

35 Të₃ dsia₅ bá₄ guě₄ Jesús jág₁ jaun₂
 jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅
 ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jon₃ bá₄ ja₁míg'₄. ǵ'E₂ ta₁ ma₂cuë'₂
 o₂me'₅₄ dsi₅ tē₅?

36 La₁ tsá₃ ca₂tón'₃ Jesús jui₅ jág₁ quió'₅ dsa₂ 'éi₂,
 jaun₂ ca₂tsí'₃ Jairo:

—Tsá₃ lë₃jmo₂ gang'₃; ŋja'₅₄ lia'₂ 'én₃ bá₄.

37 Tsá₃ ca₂cuë₃ jmíg₄ Jesús a₂dsi₃lén₂ juin₅ dsa₂
 quiong'₅₄. ŋja'₅₄ lia'₂ Pe₄, Jacobo, quian'₅₄ Juan₅₄
 riin'₅₄ bá₄ i₃lén₂. 38 Jme₁ca₂dsi₃lén₂ ja₁quió'₄ Jairo,
 ca₂jág₃ tion'₅₄ dsa₂ go₂'i₃ qui'₂-o₂₃ co₂mi'₅₄, 'lia'₂ dsí₅.

39 Ca₂'í₃ Jesús dsi₂néi₂, ca₂juá'₂:

—ǵ'E₂ lë₃ ŋí₄ lë₃ tó'₂ 'nia'₂ mi'₅₄, 'au'₂ 'nia'₂ le₂nē₅?
 Tsá₃ rë₂jon₅₄ guein₂ nē₅. ŋja'₅₄ lia'₂ a₂rë₂güin₃ bá₄.

40 La₁ njia'₅₄ ca₂ŋí'₂ bá₄ dsa₂ Jesús tioen'₅₄. Jaun₂ ně₃ ca₂'uín'₂ Jesús ca₂le₃jín'₃ dsa₂ 'éi'₂ ca₁'né₄. Jaun₂ ca₂ŋiai₃ chog₅₄-jmei'₂ 'lag₄, dsa₂ ún₂ i₂jme₁quian'₅₄ ně₃. Ca₂i₃toin'₅₄ ja₁rě₂quian'₅ guein'₂ 'lag₄. 41 Jaun₂ ca₂ŋja'₃ gu₂i₂bě'₅₄, jaun₂ ca₂juá'₂:

—Talita, cumi —co₂'nió'₄ a₂juá'₂: 'Io₅₄ bě'₅₄, 'ne₂ juíg₂ jniá'₂, nau₂.

42 Dsi₂jui₅ le₂jaun₂ bá₄ ca₂nau₂, ca₂ŋi₃. Jme₁ma₂'ein'₅₄ guia₃-tín'₂ ŋi₂. Jaun₂ ca₂i₃gó'₃ dsí'₅ tioen'₅₄. 43 La₁ Jesús ně₃ ca₂jmo₃ 'éi'₃ a₂tsá₃ 'ein₂ tsí'₃ 'i₁jan₂. Jaun₂ ca₂juá'₂ a₂cuě'₃ dsa₂ a₂guě'₃ i₂bě'₅₄ 'éi₂.

6

Ca₂dsián'₃ Jesús juíg₂ Nazaret go₅₄ ja₁tsá₃ ca₂guei₃ dsa₂

(Mateo 13:53-58; Lucas 4:16-30)

1 Jaun₂ ca₂o₃'ín₃ bá₄ Jesús ja₁jaun₂. Jaun₂ ca₂dsián'₃ táng₃ juíg₂ go₅₄ quian'₅₄ chi'₂ dsi₂guia₃-tín'₂ quián'₅. 2 Jme₁ca₂tě₂ jmi₄g₄ sa₅₄, jaun₂ ca₂jme₃lióg₃ ca₂jme₃tiin₂₃ dsa₂ dsi₂néi₂ guá'₅ sinagoga. Juin₅ bá₄ dsa₂ i₂ca₂nág₂ dsi₂gó'₃ dsí'₅, jaun₂ ca₂tsí'₃ riin'₅₄:

—¿A₂já'₄ ca₂i₂jme₁tin₅ i₂ně₅ jág₁ ca'₅₄ a₂juá'₂ ně₅? ¿I₂'e₂ bá₄ jág₁ a₂ŋí'₂ dsí'₅ a₂ma₂ŋi₂ ně₅, ca₂tě₂ léi₄ juě'₂ ně₃ tiin₂ jmo₃? 3 ¿On₁jua'₅₄ i₂ně₅ tě₅'má₃ ja₁ŋi'₅₄ María, dsó₂ rin'₅₄ Jacobo, quian'₅₄ José, quian'₅₄ Judas, quian'₅₄ Si₂mu₅₄ ně₃? Ně₅ bá₄ tián'₅ 'io₅₄ riin'₅₄ ja₁lá₃ ján₃.

Jaun₂ tsá₃ ca₂rě₃jei₅₄ dsa₂ ja₁jaun₂. 4 Jaun₂ ca₂juá'₂ Jesús:

—Ca₂le₂con₂ bá₄ ja₁siá'₂ guen₅ dsa₂ dsa₂ i₂'ě₂ jág₁ quián₅ Diú₄. Jñia'₅₄ lia'₂ dsa₂ go₅₄ bá₄ tsá₃ guei₅, on₃ guë'₂ o₁r₁in'₅₄, on₃ guë'₂ r₁in'₅₄ dsi₂néi₂ ně₃.

⁵ Jaun₂ tsá₃ 'lióng₂ léi₄ juë'₂ lé₂ le₃jmo₃ juig₂ go₅₄. Jñia'₅₄ lia'₂ i₂lin₅₄ bá₄ dsa₂ dso'₅₄ ca₂dsia₃ gu₂, jaun₂ ca₂jme₃'lió₂. ⁶ Jaun₂ i₃gó'₃ dsí₅ ia₁ a₂ñí₄ lë₃ tsá₃'e₂ 'én₂ dsa₂.

Ca₂chen₃ Jesús dsa₂ guia₃-tín₂ quián₅ ca₂i₁'ě₄ jág₁ dse₃ juig₂ siá'₂

(Mateo 10:5-15; Lucas 9:1-6)

⁷ Jaun₂ ca₂tě'₃ chi'₂ dsi₂guia₃-tín₂, jaun₂ ca₂chei₃ jma₃on₃ jma₃on₃. Ca₂cuë₃ bí₂ 'éi'₃ a₂'uín'₂ 'éi₂ jme₂dsí₂ 'lin'₅₄ quió'₅ dsa₂. ⁸ Jaun₂ ca₂tsí'₃ 'éi₂ a₂tsá₃ 'e₂ cán₂ 'i₁caun₂ le₁'i₄ jui₅, jñia'₅₄ lia'₂ jma₃cáun₃ 'ma₂'i₅₄ bá₄. 'I₁caun₂ a₂siá'₂ tsá₃ cán₂, on₃ guë'₂ tě₂'mi'₂, on₃ guë'₂ i₁ñí'₄, on₃ guë'₂ cu₄ 'ñió'₃ ni₁lau₂ le₁jén'₅ tú'₅ ně₃. ⁹ Jñia'₅₄ lia'₂ jma₃co₂dsán'₃ ni₁lau₂ con'₂ a₂ma₂le₁ton₅ tag₅₄ bá₄ cán₂, ton'₂ tsá₃ cán₂ tin₃ dsán'₃ tsin'₅₄ ně₃. ¹⁰ Jaun₂ ca₂juá'₂ ně₃:

—Jë₁ma₂tě₂ rë₁tón'₄ 'nia'₂ lia'₂ caun₂ dsi₂néi₂ quió'₅ dsa₂ ja₁o₁nóg'₅, ja₁jaun₂ jñia₄ 'nia'₂ ca₂lia'₂ ca₂tě₂ jmig₄ i₁'uín'₃ 'nia'₂ táng₃ juig₂ jaun₂. ¹¹ Në₁juá'₂ cha₂ ja₁lin₅₄ tsá₃ guei₅ dsa₂, on₃ guë'₂ 'nio₃ dsa₂ nag₃ jág₁ quián'₂ 'nia'₂, 'uín'₂ 'nia'₂ ja₁jaun₂, séi'₄ 'nia'₂ 'liog₂ tag'₅₄ co₂'nió'₄ jmó'₂ 'nia'₂ léi₄ co₂jaun₂ ma₂le₁cán'₄ dsa₂ 'éi₂ guioin₅₄.*

* **6:11** A₂lin₅₄ chog₅₄ si₂ juá'₂ le₂la₂ ján₃: “A₂dsi₂jó'₃ juá'₅ jniá₂, jë₁ma₂tě₂ jmig₄ i₁qui₅dsi₅ Diú₄ 'éi'₃, tsá₃ jua'₅₄ ñí₄ uig₅ gue₃ dsa₂ jme₁chan₂ Sodoma quián'₅₄ Gomorra, con'₂ guë'₄ dsa₂ i₂tsá₃ guen₅ 'nia'₂.”

12 Jaun₂ ca₂'uín₂ bá₄ chí'₂ dsi₂guia₃-tín₂ ně₃,
ca₂i₃léin₂ ca₂i₁'ě₄ jág₁ a₂dsi₃quén'₅ dsi₅ dsa₂. 13 Jaun₂
qui₂ca₂'uín'₂ juín₅ je₂na'₅₄, qui₂ca₂tsín₂ no'₅₄ juín₅
dsa₂ dso'₅₄, qui₂ca₂jme₃'lóin₂ dsa₂ ně₃.

Ca₂jon₃ Juan₅₄ i₂chon₅ dsa₂ jmi₂g₂

(Mateo 14:1-12; Lucas 9:7-9)

14 Ca₂rě₃ŋi₅ Rag₅₄ Herodes jág₁ a₂'ei₅ quió'₅ Jesús,
ia₁ ca₂le₂con₂ bá₄ ma₂le₁ŋi₅ dsa₂ 'e₂ a₂jmo₅ Jesús ŋi₂₃.
Jaun₂ juá'₂ Rag₅₄ Herodes:

—Ma₂ca₂jen'₅₄ Juan₅₄, dsa₂ i₂jme₁chon₅ dsa₂
jmi₂g₂; 'uig₅₄ jaun₂ qui'₅₄ jmi₂g₄ jmo₂₃ 'e₂ a₂jmo₂₃.

15 I₂lín₅₄ guē'₂ dsia₅ táng₃:

—Elías bá₄ 'éi₂ ŋi₅.

La₁ i₂sián'₂ guē'₂ juá'₂:

—Jan₂ i₂chen₄ quián₅ Diú₄ bá₄ 'éi₂, ju₁lia'₂ dsa₂
i₂jme₁'ě₂ jág₁ quián₅ Diú₄ ma₂líg'₂.

16 Jme₁ca₂nág₂ Rag₅₄ Herodes, jaun₂ ca₂juá'₂:

—Juan₅₄ bá₄ ně₅ ŋi₅, i₂ca₂'nia₃ dsa₂ dsi₂lag₄, 'éi'₃
quió'₃ jniá₂, Ma₂ca₂jein'₅₄ táng₃.

17 Ia₁ 'ŋiog₅ bá₄ Herodes ma₂jmo₅ 'éi'₃ le₂ŋjiá₅
a₂ca₂i₁chan'₅₄ dsa₂ Juan₅₄ ca₂i₁tio'₂ né'₃ 'má₃
rě₂'ŋei'₅₄ 'uig₅₄ quió'₅ 'io₅₄ Herodías i₂lín₅ dsi₂l₂igu₂
Fe₂lí₄ ríin'₅₄. La₁ Herodes ně₃ ma₂jmo₂₃ quián₅.

18 Ia₁ jme₁ma₂qui₂ma₂juá'₂ Juan₅₄ tsí'₅ Herodes:

—Tsá₃ 'i₄ 'éi'₃ jmó'₂ quiáng'₂, 'io₅₄ quián₅ dsó₂
rín'₂.

19 'Uig₅₄ jaun₂ jme₁'i₄ 'nei₂ dsi₅ 'io₅₄ Herodías jíin₂
Juan₅₄. Jaun₂ jme₁'nio₃ jŋag'₃, la₁ tsá₃ ca₂dsó'₂ juí₅
'a₂ lia'₂ jmo₃. 20 Ia₁ jme₁ŋi₅ bá₄ Rag₅₄ Herodes a₂lín₅
Juan₅₄ dsa₂ dsen₃, jaun₂ jme₁jme₂go₃ bá₄; jaun₂
jme₁jmo₂₃ 'í₁. Lia'₂ con₂ jme₁nag₂₃ jág₁ quió'₅ Juan₅₄,

jme₁tě₂tsi_{in}'₅₄ tsá₃ 'e₂ ŋi₅ jmo₃, la₁ 'ŋio₂ bá₄ dsí₅
 jme₁nag₂₃. ²¹ La₁ ca₂cu_{in}₃ jmig₄ ně₃ jme₁ca₂jmo₃
 Herodes jmig₄ a₂ca₂dsí'₃ ŋi₂: ca₂jmo₃ má₃, ca₂tě'₃
 dsa₂ can'₅₄ con'₂ dsa₂ i₂jmo₅ 'éi'₃ juig₂, i₂lín₅ juig₅₄
 'lióg₂ quiáin₅ ně₃, ca₂le₃jín₃ gué₄ con'₂ dsa₂ dse_n₅₄
 quián₅ juig₂ ja₁tén₄ Galilea. ²² Jaun₂ ca₂guan₃
 ja₁míg₄ Herodías ja₁nio_g₅ jmig₄, jaun₂ ca₂dsáin₂.
 A₂jaun₂ ca₂tě₂ dsí₅ Rag₅₄ Herodes, ca₂le₃jín₃ dsa₂
 i₂té₄ i₂tion'₅₄ gué'₅ quiain'₅₄ ně₃. Jaun₂ ca₂juá'₂ rag₅₄
 ca₂tsí'₃ 'io₅₄ bē'₅₄ 'éi₂:

—Mi₄ ca₂le₃jě'₃ 'e₂ 'niog'₂, jaun₂ cuē₅₄ jniá₂.

²³ Jaun₂ ca₂cuē₃ jág₁ quió'₅ ca₂le₃jě'₃ ca₂'i_{in}₃ Diú₄,
 ca₂juá'₂:

—Chi₂jua'₂ 'e₂ caun₂ a₂mí'₁ 'ne₂, cuē₅₄ bá₄ jniá₂,
 ŋjia'₅₄ ca₂dsio₄ 'uē₃ ja₁gong₂.

²⁴ Jaun₂ ca₂o₃'ín₃ 'io₅₄ bē'₅₄ 'éi₂ ca₂l₁ŋag₁₂ chog₅₄,
 ca₂i₁jua'₄:

—ǂ'E₂ mi₅₄ jniá₂, mag₅₄?

Jaun₂ ca₂juá'₂ chog₅₄:

—Mi₄ mi₂dsi₄ Juan₅₄ i₂chon₅ dsa₂ jmig₂.

²⁵ Jaun₂ ca₂'í₃ táng₃ 'éi₂ dsi₂jui₅ ja₁guá₄ rag₅₄, jaun₂
 ca₂juá'₂:

—'Nio₃ cuē'₁ tē₂ně₃ mi₂dsi₄ Juan₅₄ i₂chon₅ dsa₂
 jmig₂, a₂'i₄ 'ŋió'₃ uing₅.†

²⁶ Jme₁ca₂nág₂ rag₅₄ jág₁ ně₅, ca₂jén₂ dsí₅. La₁
 tsá₃ a₂ŋi₅ jmo₃, ia₁ ma₂ně₂cuē₃ jág₁ quió'₅ le₂ŋjiá₅
 a₂cuē₃ chi₂jua'₂ 'e₂ 'nio₃ 'io₅₄ 'éi₂, ton'₂ ia₁ ma₂ně₂néi₂
 a₂mei₅₄ quiáin₅ i₂tián'₅. ²⁷ Jaun₂ dsi₂jui₅ jaun₂
 ca₂chein₃ jan₂ 'lióg₂ a₂dsi₃quián₂ mi₂dsi₄ Juan₅₄.

²⁸ Jaun₂ ca₂ŋó₃ 'lióg₂ jui₅ 'ŋió'₃ 'né₅ 'má₃, jaun₂

† 6:25 lit. “rē₂dsí₂ ne₄ caun₂ ni₁ŋí₁ charola.”

ca₂i₁qui' ₂ dsi₂lag₄ Juan₅₄, jaun₂ quian₅ rē₂'i₄ 'ñi₀'₃
uing₅, ca₂cuē' ₃ 'io₅₄ 'éi₂. Jaun₂ 'io₅₄ ně₃ ca₂gue₃, jaun₂
ca₂i₁cuē' ₂ táng₃ chog₅₄.

²⁹ Jme₁ca₂rē₃ñi₅ dsa₂ i₂jme₁quian' ₅₄ Juan₅₄, jaun₂
ca₂o₃lén₂, ca₂tág₃ 'lag₄, jaun₂ ca₂i₁'ó₄.

Ca₂jme₃tan₅₄ Jesús 'ñi_á₂ mei₅ dsa₂

(Mateo 14:13-21; Lucas 9:10-17; Juan 6:1-14)

³⁰ Cang₂ jaun₂ ca₂o₃len₃ dsa₂ i₂chen₄† 'éi₂, ca₂ñii' ₂
táng₃ quian' ₅₄ Jesús, jaun₂ ca₂dsia₃ 'e₂ niog₅ ca₂jmo₃
ja₁i₁lein₅₄, 'a₂ lia' ₂ i₂ca₂jme₁tiin₂₃ dsa₂. ³¹ Jaun₂
ca₂juá' ₂ Jesús:

—I₂nó' ₅ 'nia' ₂ con' ₂ guiong' ₅₄ caun₂ ja₁co₂'ñiog₅,
i₂ñia₄ ca₂tiá₂.

Ia₁ juin₅ lin₃ dsa₂ i₂o₂lén₂, lia' ₂ i₂dsi₂len₃ ně₃,
ca₂lia' ₂ ñia' ₅₄ tsá₃ cuin₅ jmi_g₄ gué' ₃. ³² Jaun₂
ně₃ ca₂tóin' ₂ tsi₁mu₅ ca₂i₃lén₂ caun₂ ja₁lě₄ co₂'ñiog₅
con' ₂ guoin' ₅₄. ³³ Jaun₂ qui₂ca₂'uin₂ dsa₂ le₂caun₂
le₂caun₂ juig₂, i₃lén₂ co₂chi' ₅₄ jui₅ tag₅₄ a₂'ein₂₃
Jesús. Jaun₂ ñia₅ bá₄ dsi₃lén₂ lia' ₂ con' ₂ gué₄ 'éi₂.

³⁴ Jme₁ca₂si₀n₃ Jesús 'ñi₀' ₃ tsi₁mu₅, ca₂jín₂ juin₅ lin₃
dsa₂, ma₂tion' ₅₄ le₁ñiog₅, ca₂tá' ₂ ñéi₂ dsí₅ dsa₂ 'éi₂, ia₁
i₂nio₄ dsa₂ lia' ₂ jě₁i₂nio₄ já' ₂ cha' ₂ i₂tsá₃ juig₅₄ chan₂,
jiog₃, jmo₃ 'í₁. Jaun₂ ca₂jme₃lióg₃ ca₂jme₃tiin₂₃ dsa₂
'lióng₂ lin₃ jág₁. ³⁵ Jme₁ca₂'láu₂ jaun₂ ca₂o₃lén₂ chi' ₂
dsi₂guia₃-tín₂ quian₅, jaun₂ ca₂juá' ₂:

—Caun₂ ja₁co₂'ñiog₅ bá₄ la₂, ton' ₂ ca₂'láu₂ gué₄
má' ₃. ³⁶ 'Ei' ₂ jág₁ dsa₂, ia₁ jaun₂ dsi₃lein₅ dsi₃'nióg₂
a₂gué' ₃ lia' ₂ con' ₂ juig₂ ja₁nau₂ ma₂quian₅ ně₅.

³⁷ Jaun₂ ca₂ñag₃ Jesús:

—Cué' ₅₄ 'nia' ₂ dsa₂ a₂gué' ₃.

† 6:30 griego: apóstolous.

Jaun₂ ca₂ŋag₃ táng₃ 'éi₂:
 —¿Lé₂ le₃dsi₁liá₄ tǐn₃ 'ŋiá₂-láu₂ 'éi₃ denario i₁ŋí₄
 ia₁jaun₂ dsio₂ a₂guë₃ dsa₂?

³⁸ Jaun₂ ca₂juá₂ táng₃ Jesús:

—O₂jag₄ 'nia₂ je₂liá₂ i₁ŋí₄ 'i₄ quián₂ 'nia₂.

Jaun₂ ca₂i₁jag₅₄ 'éi₂ jaun₂ ně₃, jaun₂ ca₂o₃lén₂
 táng₃, ca₂juá₂:

—'Njá₂ i₁ŋí₄ bá₄ 'i₄, on₃ guë₂ i₁ju₁.

³⁹ Jaun₂ ca₂chein₃ jág₁ a₂tian₃ dsa₂ jma₃co₂nióí₃
 ne₄ ŋi₂ma₂ rē₂, ⁴⁰ jaun₂ ca₂tián₂ dsa₂ jma₃co₂nióí₃
 ja₁lě₂ caun₂ 'ŋiá₂-lón₂, i₂ca₂tián₂ jma₃co₂nióí₃
 jma₃tě₂lón₃-guián₂ ně₃. ⁴¹ Jaun₂ ně₃ ca₂ŋa₃ Jesús

le₃'ŋiá₂ i₁ŋí₄, le₃on₃ guë₂ i₁ju₁ ně₃, ca₂jág₃ guei₅₄
 i₂juíg₃, ca₂cuë₃ ti₁'mag₄ Diú₄. Jaun₂ ca₂jmo₃
 le₁'nau₅₄ i₁ŋí₄, jaun₂ guë₄ ca₂cuë₃ chi₂ dsi₂guia₃-
 tǐn₂ quián₅, ia₁jaun₂ dsia₃ 'éi₂ ne₄ dsa₂. Ján₃ guë₂
 ca₂jmo₃ dsióg₁ quió₅ i₁ju₁ on₃ 'éi₂, ca₂cuë₃ ca₂le₃jǐn₃.

⁴² Jaun₂ le₃jǐn₃ dsa₂ ca₂guë₃ ca₂lia₂ ca₂rě₃tain₅₄.

⁴³ Jaun₂ ca₂cág₃ bá₄ guë₄ dsa₂ guia₃-tǐn₂ tsi₁mi₂
 'nau₅₄ i₁ŋí₄, a₂ca₂chóng₃ quió₅ i₁ju₁ ně₃. ⁴⁴ 'Njá₂
 mei₅ jme₁lě₂ ca₂le₃jǐn₃ dsa₂ ŋe₂ i₂ca₂guë₃ 'éi₂.

Ca₂ŋi₃ Jesús ne₄ jmi₁ŋí₄

(Mateo 14:22-27; Juan 6:16-21)

⁴⁵ Jaun₂ dsi₂jui₅ le₂jaun₂ ca₂jmo₃ Jesús 'éi₃
 a₂i₃ton₅₄ chi₂ dsi₂guia₃-tǐn₂ quián₅ 'ŋi₃ tsi₁mu₅,
 jaun₂ ŋjiá₅ de₂ 'éi₂ ŋí₃ jmi₂g₂ con₂ guë₄ 'ŋiog₅,
 a₂dsi₁lén₂ Betsaida, tē₁lia₂ 'í₁ guë₄ 'ŋiog₅ 'ág₃ jág₁
 dsa₂. ⁴⁶ Jme₁ma₂ca₂lě₃ 'ág₅ jág₁ dsa₂, ca₂ŋó₃ jaun₂
 ně₃ jui₅ má₂ i₁chi₂i₁lein₁ Diú₄. ⁴⁷ Jaun₂ con₂ ca₂tó₂
 nei₂ dé₄, ma₂ŋó₅ tsi₁mu₅ dsi₂jo₂ jmi₁ŋí₄, 'ŋiog₅ guë₂
 Jesús jaun₂ bá₄ 'ein₅₄ 'uë₃. ⁴⁸ Jaun₂ ca₂jág₃ Jesús

'ñio₅ cán₂ ta₁ tioen'₅₄ a₂jein₂₃ ni₁'ma₂ a₂gag₂ jmig₂, ia₁
'liog'₂ dsí₂ le₂ca'₃. Jaun₂ con'₂ le₁né₃ tē₂le₃ ca₂jnia₃,
ca₂jme₃quián₃ Jesús ñi₂₃ ne₄ jmig₂ ja₁ñó₄ tsi₁mu₅.
Jaun₂ ca₂jmo₃ nē₂jag₄ bá₄ i₂jme₁ma₂ñí₃ co₂dsau₅
ja₁tion'₅₄ 'éi₂. ⁴⁹ Jme₁ca₂jág₂ jóin'₅ ñi₂₃ ne₄ jmi₁ñí'₄,
dsa₂ 'lin'₅₄ § bá₄ 'éi₂ líin₂, jaun₂ ca₂tóin'₂ co₂mi'₅₄
ca₂guió'₃, ⁵⁰ ia₁ ca₂le₃jín₃ bá₄ ca₂rē₃gó'₅ 'ñio₅ lin₃
jme₁ca₂jág₂. La₁ dsi₂jui₅ bá₄ ca₂juá'₂ Jesús:

—i₁Tiá₂ dsia₄ 'nia'₂ 'au'₂; jniá₂ bá₄ la₂, tsá₃ lē₁jmo₂
'nia'₂ gang'₃!

⁵¹ Jaun₂ ca₂uíg₂ 'ñió'₃ tsi₁mu₅ ja₁tion'₅₄ 'éi₂. Jaun₂
ca₂'ág₂ táng₃ tei₄ ca₂jñia'₃ dsí₂, jaun₂ i₃gó'₃ dsí₅ 'éi₂
'ñio₅ lin₃. ⁵² Ia₁ tsá₃ 'e₂ ca₂ñí'₂ dsí₅ dsa₂ 'éi₂ jui₁lia'₂ léi₄
juë'₂ a₂ma₂nē₂jág₃ jmo₅ Jesús quian'₅₄ i₁ñí'₄, nē₂jag₄
bá₄ cha₂ a₂jmo₅ jnág₅ a₂tsá₃ rē₂ñí'₂.

*Ca₂jme₃lión₂ Jesús dsa₂ dso'₅₄ 'uë₃ Genesaret
(Mateo 14:34-36)*

⁵³ Jme₁ca₂'ain₂ jmig₂, ca₂dsi₃léin₂ 'uë₃ Genesaret.
Ja₁jaun₂ ca₂'néi₂ tsi₁mu₅ chei'₅₄ jmig₂. ⁵⁴ Dsi₂jui₅
jme₁ca₂'uüin₂ tsi₁mu₅, co₂tan₅₄ lia'₂ ca₂rē₃cuin₅ bá₄
dsa₂ Jesús. ⁵⁵ Jaun₂ ca₂i₁nioi₁₂ co₂chi'₅₄ le₂tan₅₄ juig₂
te₁'i₁ ma₂quián₅ jaun₂. Jaun₂ ca₂i₁quian₅₄ dsa₂ dsa₂
i₂le₁dso'₅₄ quian'₅₄ tsi₁jein₁ 'a₂ guë₃ já'₄ 'en₅₄ Jesús.
⁵⁶ Ca₂le₂con₂ ja₁jme₁ñi₅ Jesús, jē₁ma₂'í₅ jē₄ juig₂, jē₄
ciudad, o₃ le₂'i₄ jui₅ ja₁ñó₄ 'e₂, jme₁qui₂dsi₂jñia₃ dsa₂
dsa₂ dso'₅₄, qui₂ca₂dsiog₃ ja₁niog₅ 'ma'₅₄. Qui₂ca₂mi₃
dsa₂ tsá₃ a₂nag₅₄ o₁jñia'₅₄ a₃tag₄ tsin'₅₄ bá₄ cuë₃ jmig₄
a₂ñí'₃. Jaun₂ ca₂le₃jín₃ dsa₂ dso'₅₄ i₂qui₂ca₂ñí'₃ tsin'₅₄
Jesús, qui₂ca₂'lóin₂.

§ 6:49 griego: fantasma.

7

*Jme₂tag₅ Jesús ju₁lia'₂ 'e₂ jaun₂ a₂jmo₅ a₂rě₂'ňio₅
dsa₂*

(Mateo 15:1-20)

¹ Jaun₂ ně₃ dsa₂ fariseos quian'₅₄ i₂lin₅₄ tē₅juá'₅ i₂ja₂lén₂ Jerusalén, ca₂o₃lén₂ ca₂ňii'₂ ja₁'en₅₄ Jesús.
² Ca₂jág₃ dsa₂ 'éi₂ ca₂jín₂ i₂lin₅₄ chi'₂ ds₂i₂guia₃-tín₂ a₂guě'₅ tē₃ tsá₃ “le₁jě₃” gu₂, tsá₃ jme₂ti₃ jua'₅₄ a₂rang₂₃ lia'₂ con'₂ lě₅ 'éi'₃.* ³ (Ia₁ ca₂le₃jín₃ dsa₂ fariseos, quian'₅₄ ca₂le₃jín₃ dsa₂ chan₂ Judea ně₃, jme₂ti₃ lia'₂ con'₂ lě₅ tag₄ chí'₅ quió'₅ dsa₂ can'₅₄, a₂tsá₃ guě'₃ ně₁jua'₂ tsá₃ ma₂ně₂rang₃ 'lióng₂ ráun₂ gu₂. ⁴ Jě₁ma₂o₃lein₃ 'ma'₅₄, tsá₃ guě'₃ ně₁jua'₂ tsá₃ ma₂ně₂jme₂ti₃ con'₂ tag₄ chí'₅ a₂rang₃ quió'₅. Jaun₂ 'lióng₂ bá₄ guě'₄ tag₄ siá'₂ a₂jme₂ti₃ dsa₂ ju₁lia'₂ a₂rang₅ dsa₂ ni₁vaso, ju₁lia'₂ a₂rang₅ dsa₂ ni₁taza, ni₁dsig₁, tsi₁cama ně₃.)† ⁵ Jaun₂ ně₃ ca₂ňag₃ dsa₂ fariseos quian'₅₄ tē₅juá'₅, ca₂ňii'₃ Jesús:

—Ď'E₂ lě₃ tsá₃ jme₂ti₃ chi'₂ ds₂i₂guia₃-tín₂ quiáng'₂ tag₄ chí'₅ quió'₅ dsa₂ can'₅₄? Guě'₅ bá₄ tē₃ tsá₃ ma₂ně₂rang₃ gu₂.

⁶ Jaun₂ ca₂ňag₃ 'éi₂:

—Dsón'₂ bá₄ dsau₅ ca₂juá'₂ Isaías ca₂'iin₃ 'nia'₂ dsa₂ i₂lě₁jmo₅-dsáu₅ o₁ne₁, ju₁lia'₂ tio'₅₄ ne₄ Si₂:

Dsa₂ ju₁g₂ la₂ jme₂juag'₂ jniá'₂

jmá'₃ lia'₂ quian'₅₄ mi₂'o₅₄ bá₄,

la₁ia₁ uíng₂ bá₄ 'i₄ dsí₅ ja₁con₂ jniá'₂.

⁷ La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃,

* **7:2** A₂lin₅₄ chog₅₄ si₂ juá'₂ le₂la₂ ján₃: “jaun₂ lě₃ ca₂chi₂ca₂'ag₃.”

† **7:4** A₂lin₅₄ chog₅₄ si₂ juá'₂: “ni₁taza, ni₁dsig₁, ni₁ňi₁ ně₃.”

'éi'₃ a₂lě₁lě₅ quió'₅ dsa₂ mi₂güig₃ bá₄.†

8 Ia₁ co₂dsia₅ ma₂ca₂tí'₃ bá₄ 'nia'₂ 'éi'₃ quió'₅ Diú₄, a₂ma₂ja₂nóg'₅ chan'₅₄ tiá₂ 'éi'₃ tag₄ quió'₅ dsa₂ mi₂güig₃. §

9 Ca₂juá'₂ ján₃:

—'Nio₅ tin'₂ 'nia'₂ jmo'₂ cau₅ 'éi'₃ quió'₅ Diú₄, a₂jme₂tí'₁ 'nia'₂ tag₄ quián'₂ 'nia'₂ guiong'₅₄. 10 Ia₁ ca₂juá'₂ Moisés a₂jme₃gan₃ dsa₂ chog₅₄-jmei₂.* Jaun₂ juá'₂, chi₂jua'₂ 'ein₂ ca₂juá'₂ uig₅ ne₄ chog₅₄-jmei₂, juí₁join₅₄.† 11 La₁ 'nia'₂ ně₃ juá'₂ a₂lé₂ le₃juá'₂ dsa₂ tsí'₃ chog₅₄-jmei₂: “Tsá₃ 'nia'₂ lé₂ le₃jme₁'ong₁₂, ia₁ ca₂le₃jě₃ a₂cha₂ quió'₃ a₂lě₅ Corbán”, (co₂'nió'₄ a₂juá'₂, a₂ma₂lě₅ quió'₅ Diú₄ bá₄). 12 Ně₁jua'₂ le₂ně₅ jaun₂ tsá₃ ma₃cuě'₂ 'nia'₂ jmig₄ a₂jme₃'on₅₄ guě₄ dsa₂ chog₅₄-jmei₂. 13 Jaun₂ le₂ně₅ bá₄ tsá₃ ma₃'e₂ quen₅ jág₁ quió'₅ Diú₄, jmo'₂ 'nia'₂, tē₂le₃ quian'₅₄ tag₄ a₂chí'₅, a₂ca₂ṅag₃ dsa₂ can'₅₄ quiáng'₂. 'Lióng₂ bá₄ guě₄ a₂siá'₂ jmo'₂ 'nia'₂.

14 Jaun₂ ca₂tě'₃ Jesús dsa₂, ca₂juá'₂:

—Nei₂ 'nia'₂ dse₃ ca₂le₃jǐng'₃ a₂juá'₄ jniá₂ la₂. 15 'Icaun₂ a₂dsi₂to'₅₄ quió'₅ dsa₂, on₃jua'₅₄ a₂jaun₂ jmo₅ a₂rě₂'iog₅ jme₂dsí₂ quió'₅. Cosa a₂'uě₂ dsí₅ dsa₂ guioin₅₄, a₂jaun₂ bá₄ jmo₅ a₂rě₂'iog₅ jme₂dsí₂.†

17 Jme₁o₂'ín₃ jin₄ dsa₂, ṅái'₃ dsi₂néi₂, jaun₂ ca₂ṅag₃ chi'₂ dsi₂guia₃-tín₂ quián₅ 'e₂ jág₁ dsau₅ jáng'₅ jág₁ ca₂cuě'₃ dsa₂ jaun₂. 18 Jaun₂ ca₂juá'₂:

† 7:7 Isaías 29:13. § 7:8 A₂lin₅₄ chog₅₄ si₂ juá'₂ ján₃: “juí₁lia'₂ a₂qui₂rang'₂ 'nia'₂ ni₁dsig₁, ni₁vaso a₂'ág'₂ jmig₂, ca₂le₃jě₃ guě₄ 'e₂ cosa a₂qui₂jmo'₂ 'nia'₂ ně₃.” * 7:10 Éxodo 20:12; Deuteronomio 5:56.

† 7:10 Éxodo 21:17; Levítico 20:9. † 7:15 A₂lin₅₄ chog₅₄ si₂ chi₁ton₅ versículo 16 bá₄ ján₃, a₂juá'₂: “Ca₂le₃jǐn'₃ 'nia'₂ i₂le,dsi₅₄ rě₂gua₄, nei₂ 'nia'₂.”

—ǂján₃ bá₄ tsá₃ ǂí'₂ 'nia'₂ a₂juá'₅ jniá₂? Ca₂le₃jě₃ 'e₂ a₂guě'₅ dsa₂, on₃jua'₅₄ a₂jaun₂ jmo₅ a₂rě₂'iog₅ jme₂dsí₂. ¹⁹ Ia₁ on₃jua'₅₄ dsí'₅ dsa₂ dsi₂to'₅₄ a₂guě'₅. Rě₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uě'₅₄ táng₃ dsa₂ ca₁'né₄.

(Ca₂'ě₃ co₂'nió'₄ a₂le₁jě₃ ca₂le₃jě₃ bá₄ má₃, jme₁ca₂juá'₂ le₂ně₅). ²⁰ Ca₂juá'₂ ján₃:

—Ca₂le₃jě₃ a₂'uě₂ dsí'₅ dsa₂, a₂jaun₂ bá₄ a₂jmo₅ a₂rě₂'iog₅ jme₂dsí₂. ²¹ Tě₂dsí'₅ bá₄ dsa₂ 'uě₂ ca₂le₃jě₃ ne₅₄ a₂'lig'₅₄: ju₁lia'₂ a₂lě₅ dsí'₅ dsa₂ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂; a₂'ang₅ dsa₂; a₂jme₂dsian₅ dsa₂ riin'₅₄; ²² a₂'ín₅ dsí'₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃ dsi₂ten₅₄ jmái'₂ riin'₅₄; a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄, a₂jmo₂₃ uig₅ dsí'₅, a₂qui₂chi₂ín₅ dsa₂ riin'₅₄; a₂jme₂róin₂ jmái'₂ dsa₂; ca₂le₃jě₃ guě'₄ 'e₂ a₂tsá₃ 'en₅₄ dsí'₅ dsa₂ lín₅. ²³ Ca₂le₃jě₃ a₂ně₅, tě₂dsí'₅ bá₄ dsa₂ lě₂, a₂ně₅ bá₄ a₂jmo₅ a₂rě₂'iog₅ jme₂dsí₂ quió'₅ dsa₂.

*Jan₂ i₁náú₃ i₂ca₂rě₃ 'én₂ tě₂le₃ quió'₅ Jesús
(Mateo 15:21-28)*

²⁴ A₂'ein₅₄ ja₁jaun₂, ca₂o₃'iin₃ ǂó₃ 'uě₃ ma₂quián₅ juig₂ Tiro.Š Jaun₂ ca₂'í₃ con'₂ tě₃co'₅₄ bá₄ dsi₂néi₂ quió'₅ dsa₂ ja₁jaun₂. La₁ tion₅₄ bá₄ ca₂rě₃lí'₄ dsa₂, tsá₃ ma₃ca₂cuin₃ jmig₄ a₂'mai₃. ²⁵ Dsi₂jui₅ jaun₂ ca₂nág₂ chog₅₄ jan₂ 'io₅₄ bě'₅₄ i₂'en₅₄ jme₂dsí₂ 'lín'₅₄. Ca₂dsióg₃, jaun₂ ca₂chi₃jnë₃ ne₄ Jesús. ²⁶ 'Éi₂ jme₁lín₄ jan₂ 'io₅₄ griega, i₂chan₂ Sirofenicia. Jaun₂ ca₂mi₃ ca₂tsí'₃ 'éi₂ a₂dsi₃dsein₂₃ je₂na'₅₄ quió'₅ chi'₂ quián₅. ²⁷ Jaun₂ ca₂ǂag₃ Jesús:

Š 7:24 A₂lín₅₄ chog₅₄ si₂juá'₂ ján₃: “quian'₅₄ Sidón.”

—Ju₁le₂tan₅₄ de'₂ jñiá₅ chi'₂ quiáng₃; ia₁ tsá₃ dsi₂ten₅₄ jua'₅₄ a₂jñiá'₄ jniá₂ i₁ñí'₄ quió'₅ chi'₂, a₂ton₅₄ ne₄ dsi₂jí'₅₄.

28 Jaun₂ ca₂ñag₃ táng₃ 'io₅₄ 'éi₂:

—Dson'₂ bá₄ dsau₅, Te₁gui'₅₄, la₁ia₁ le₂jio₅ dsi₂jí'₅₄ bá₄ gué'₅ né'₃ ni₁mesa 'nau₅₄ a₂tsi₂séi'₂ guein₂.

29 Jaun₂ ca₂ñag₃ táng₃:

—Dse₃ nē₂ñag'₅₄. Ma₂lé₂ guang'₅₄. Ma₂o₂'ín₃ bá₄ je₂na'₅₄ i₂jme₁'en₅₄ tē₂dsí₅ chi'₂ quiáng'₂.

30 Jaun₂ ca₂ñái'₃ bá₄; jme₁dsiáin'₃, ca₂jíin₂ ja₁míg₄ roin₂₃ tei₄ ne₄ tsi₁cama, ma₂o₂'ín₃ bá₄ je₂na'₅₄ tē₂dsí₅.

Ca₂jme₃lión₂ Jesús jan₂ dsa₂ güin₄ i₂tsá₃ lin₄ lé₂ dsia₃ jág₁

31 Ca₂o₃'ín₃ táng₃ Jesús juig₂ Tiro, ca₂ñí₃ jui₅ juig₂ Sidón, jaun₂ ca₂dsióg₃ chei'₅₄ jmi₁ñí'₄ Galilea, jaun₂ ca₂'í₃ 'uē₃ Decápolis. 32 Ja₁jaun₂ ca₂o₃jñia₃ dsa₂ jan₂ dsa₂ i₂tsá₃ lin₄ lé₂ dsia₃ jág₁. Jaun₂ ca₂mi₃ dsa₂ a₂quióg₃ Jesús gu₂ ne₄ quió'₅ dsa₂ 'éi₂. 33 Jaun₂ ca₂jio₃ Jesús ca₂jñiai₃ dsa₂ 'éi₂ caun₂ ja₁co₂'ñio₅, jaun₂ ja₁jaun₂ ca₂tiá₂ chi₁gú₃ rē₂gua₄ dsa₂ 'éi₂, jaun₂ ca₂'ñéi₃ chi₁gú₃, jaun₂ ca₂ñí'₂ le₁tsi'₂ dsa₂ 'éi₂.

34 Jaun₂ ca₂chóg'₃ ne₅₄ guei'₅₄ i₂juíg₃, ca₂choin₃ dsí₅, jaun₂ ca₂juá'₂:

—¡Efata! —co₂'nió'₄ a₂juá'₂: ¡Nia₄!

35 Jme₁ma₂nē₂juá'₂ le₂nē₅, ca₂niá₃ rē₂gua₄ mi₂'o₄ dsa₂ 'éi₂ nē₃, ca₂'lóin₂, ca₂dsia₃ dse₃ jág₁. 36 Jaun₂ ca₂juá'₂ Jesús ca₂tsí'₃ ca₂le₃jín₃ dsa₂ i₂jme₁tion'₅₄ a₂tsá₃ 'ein₂ tsí'₃. La₁ tē₂le₃ i₂juí'₂ gué₄ ca₂dsia₃ bá₄ dsa₂. 37 Jaun₂ 'ñio₅ lin₃ ca₂i₃gó'₃ dsí₅ dsa₂ jme₁ca₂rē₃ñi₅. Jaun₂ qui₂ca₂dsia₃ dsa₂:

—Dse₃ bá₄ ca₂le₃jě₃ a₂jmo₂₃. Jmo₂₃ a₂nag₅ dsa₂
i₂güin₄, lia'₂ dsa₂ i₂con₄ ně₃, lé₂ le₃dsia₃ jág₁.

8

Ca₂jme₃tan₅₄ Jesús quén₂ mei₅ dsa₂
(Mateo 15:32-39)

¹ Jm_{ig}₄ jaun₂ ca₂ŋi'₂ juin₅ lin₃ dsa₂. Ia₁ tsá₃ ma₃'e₂
cha₂ guě'₃, jaun₂ ca₂tě'₃ Jesús chi'₂ dsi₂guia₃-tín₂
quiáin₅, jaun₂ ca₂juá'₂:

² —Néi₂ dsi₃ jing₅₄ dsa₂ ně₅, ia₁ ma₂'ni₅ jm_{ig}₄
tioin'₅₄ ja₁lá₃ quiong'₅₄, tsá₃ ma₃'e₂ cha₂ guě'₃.

³ Ně₁jua'₂ dsiain'₅₄ guě'₂ jniá₂ quió'₅ tě₃ tsá₃
ma₂ně₂guě'₃, 'uáin₂ bá₄ le₂'i₄ jui₅, ia₁ uing₂ bá₄ ja₂lén₂
i₂lin₅₄ ně₅.

⁴ Jaun₂ ca₂ŋag₃ chi'₂ dsi₂guia₃-tín₂ quiáin₅:

—¿A₂já'₄ bá₄ lé₂ le₃dsi₁'nióg₂ ca₂le₃jě₃ i₁ŋí'₄ a₂'nió'₅
le₂tan₅₄ dsa₂ ně₅ ja₁co₂'ŋiog₅ la₂?

⁵ Jaun₂ ca₂ŋag₃ táng₃ Jesús:

—¿Je₂liá'₂ i₁ŋí'₄ 'i₄ quián'₂ 'nia'₂?

—Guio₃ bá₄ —ca₂ŋag₃.

⁶ Jaun₂ ca₂jmo₃ Jesús 'éi'₃ a₂tian'₃ dsa₂ ca₂le₃jín₃
'uě₃. Jme₁ma₂chan'₂ le₂guio₃ i₁ŋí'₄, ca₂cuě'₃ ti₁'mag'₄
Diú₄, jaun₂ ca₂jmo₃ le₁'nau₅₄, jaun₂ guě₄ ca₂cuě'₃
chi'₂ dsi₂guia₃-tín₂ quiáin₅, ia₁jaun₂ 'éi₂ dsia₃ ne₄
dsa₂. Jaun₂ le₂jaun₂ bá₄ ca₂jmo₃. ⁷ Jme₁tion'₅₄ on₃-
ún₂ i₁ju₁ pí'₁, jaun₂ ca₂jme₃jnió'₃ quió'₅ 'éi₂ ján₃,
jaun₂ ca₂jmo₃ 'éi'₃ a₂dsión'₂ 'éi₂. ⁸ Jaun₂ qui₂ca₂guě'₃
ca₂le₃jín₃ dsa₂ ca₂lia'₂ ca₂rě₃tain₅₄. Jme₁ca₂lě₃ jaun₂,
ca₂cág'₃ dsa₂ guio₃ tsi₁mi'₂ 'nau₅₄ a₂ca₂chóng₃.
⁹ Ca₂le₃jín₃ dsa₂ 'éi₂ jme₁lě₂ con'₂ quén₂ mei₅. Jaun₂
guě₄ qui₂ca₂'ág'₃ jág₁ dsa₂. ¹⁰ Dsi₂jui₅ le₂jaun₂ ca₂'í₃

táng₃ 'ñi^o₃ tsi₁mu₅ quiain'₅₄ chi'₂ dsi₂guia₃-tín₂
quiain₅, ca₂dsi₃lén₂ 'uē₃ Dalmanuta.

Mi₅ dsa₂ fariseos a₂jmo₃ Jesús caun₂ léi₄ jué'₂
(Mateo 16:1-4; Lucas 12:54-56)

11 Jaun₂ ca₂o₃lén₂ dsa₂ fariseos ca₂jme₃lióg₃
ca₂tsín₂ quiong'₅₄, a₂mi₂₃ jmo₃ 'éi₂ caun₂ léi₄ jué'₂
a₂já₅ guei'₅₄ i₂juíg₃. 12 Jaun₂ ca₂chon₃ Jesús dsi₅'ñio₅
lin₃, jaun₂ ca₂juá'₂:

—¿'E₂ bá₄ lē₃ 'nio₃ dsa₂ chan₂ jmi_g₄ nē₃ a₂jmo₅₄
jniá₂ léi₄? A₂dsi₂jó'₃ juíg₂ jniá₂ 'nia'₂, tsá₃ léi₄ jaun₂
le₃guéi'₁ 'nia'₂.

13 Tión₂ jaun₂ bá₄ dsa₂ 'éi₂, ca₂'í₃ táng₃ 'ñi^o₃ tsi₁mu₅
ca₂ñó₃ le₃'ño'₅₄ jmi₁ñí'₄ le₃ó₃.

Levadura quió'₅ dsa₂ fariseos
(Mateo 16:5-12)

14 Ca₂'en₃ dsi₅ chi'₂ dsi₂guia₃-tín₂ cán₂ a₂gué'₃,
ñia'₅₄ lia'₂ caun₂ i₁ñí'₄ bá₄ quian₅ i₃lén₂ 'ñi^o₃
tsi₁mu₅. 15 Jaun₂ ti₁ca₂néi'₂ Jesús jág₁, ca₂juá'₂:

—Tē₃ñi'₅₄ quián'₂ 'nia'₂ quian'₅₄ juá'₅ quió'₅ dsa₂
fariseos, quian'₅₄ jág₁ quió'₅ Herodes nē₃. Ia₁ lē₅
lia'₂ lē₅ ju_i₁ levadura.

16 Jaun₂ ca₂dsia₃ chi'₂ dsi₂guia₃-tín₂ quian'₅₄
riin'₅₄:

—'An₁ juá'₂ le₂nē₅ ia₁ tsá₃ i₁ñí'₄ cha₂ quián₂ jniog₄.

17 Ca₂rē₃lí'₄ bá₄ Jesús jág₁ a₂dsia₅ 'éi₂ i₃lén₂, jaun₂
ca₂juá'₂:

—¿'E₂ lē₃ juá'₂ 'nia'₂ a₂tsá₃ i₁ñí'₄ cha₂ quián'₂ 'nia'₂?
¿'E₂ lē₃ ñí'₄ tsá₃ rē₂ñí'₂ 'nia'₂? ¿O₃ a₂tsá₃ len'₅₄ 'e₂
'nia'₂, o₃ a₂cang₄ dsei'₂ 'e₂ 'nia'₂? 18 ¿O₃ bá₄ a₂lē₁tio'₅₄
mi₂ne'₅₄ 'e₂ 'nia'₂, la₁ tsá₃ jniag'₃? ¿O₃ bá₄ a₂lē₁le₁dsi₅₄
bá₄ rē₂guá'₂ 'nia'₂, la₁ tsá₃ nag'₂ gué'₂ 'nia'₂? ¿O₃

bá₄ tsá₃ ma₃dsá₂ 'e₂ 'au'₂ 'nia'₂? 19 Lia'₂ con'₂ jme₁ca₂dsio'₄ jniá₂ quian'₅₄ 'ñiá₂ i₁ñí'₄ bá₄ ca₂lín₅ ca₂guě'₃ con'₂ 'ñiá₂ mei₅ dsa₂, ¿je₂liá'₂ mi'₂ ca₂lě₃ ni₁'nau₅₄ a₂ca₂chóng₃ guě₄ ca₂cag'₅₄ 'nia'₂?

Jaun₂ ca₂ñag₃ 'éi₂:

—Guia₃-tín₂.

20 Con'₂ siá'₂ táng₃, lia'₂ con'₂ jme₁ca₂dsio'₄ jniá₂ guio₃ i₁ñí'₄ ca₂lín₅ ca₂guě'₃ quén₂ mei₅ dsa₂, ¿je₂liá'₂ mi'₂ 'nau₅₄ a₂ca₂chóng₃ ca₂cag'₅₄ guě₄ táng₃ 'nia'₂?

Jaun₂ ca₂ñag₃ táng₃ 'éi₂:

—Guio₃.

21 Jaun₂ ca₂juá'₂ táng₃:

—¿Tsa₁ rě₂len'₅₄ bá₄ guě₄ 'nia'₂ jaun₂?

Ca₂jme₃ 'lión₂ Jesús jan₂ dsa₂ ten₄ juig₂ Betsaida

22 Jaun₂ dsi₃lén₂ juig₂ Betsaida. Jaun₂ ca₂o₃jñia₃ dsa₂ jan₂ dsa₂ ten₄, jaun₂ ca₂mi₃ dsa₂ a₂téi₂ gu₂.

23 Jaun₂ ně₃ ca₂jña'₃ gu₂ dsa₂ ten₄ 'éi₂, ca₂jio₃ jui₅ 'ni'₂ juig₂. Jaun₂ ja₁jaun₂ ca₂tsáng₂ jmi₁'ě₅ quió'₅, jme₁ne₁ dsa₂ 'éi₂, ca₂téi₂ gu₂, jaun₂ ca₂ñag₃ chi₂juá'₂ ma₂lě₂ jág₃. 24 Jaun₂ ca₂chóg'₃ ne₅₄ ca₂jág₃, jaun₂ ca₂juá'₂:

—Jin₄ jniá₂ dsa₂ i₂nio₄, i₂jniá₂ lia'₂ jniá₂ ni₁'ma₂.

25 Con'₂ siá'₂ ca₂tí₂ táng₃ Jesús gu₂ jme₁ne₁ dsa₂ 'éi₂, jaun₂ guě₄ ca₂jág₃ i₁ca'₅₄ mi₂ne₅₄, jaun₂ guě₄ ca₂rě₃jniá₂ dse₃ jme₁ne₁₂, ca₂lóin₂. 26 Jaun₂ ca₂dsióg'₂ Jesús co₂dsau₅ ja₁quió'₄, ca₂juá'₂:

—Tsá₃ 'ú₅ jě₄ juig₂ tě₃ jág₅ dsa₂.

Ca₂cuě₃ Pe₄ jág₁ dsau₅ a₂lín₅ Jesús I₂rě₂ 'ín₁ quián₅ Diú₄

(Mateo 16:13-20; Lucas 9:18-21)

27 Cang₂ jaun₂ ca₂ñó₃ Jesús quian'₅₄ chi'₂ dsi₂guia₃-tín₂ quián₅ le₂tan₅₄ juig₂ Cesarea ja₁tén₄

Filipo. Jaun₂ le₂'i₄ jui₅ ja₁i₃lén₂, ca₂ŋag₃ Jesús ca₂ŋí₃
chi'₂ dsi₂guia₃-tín₂:

—ǂ'Eín₂ lín₅ jniá₂, juá'₂ dsa₂?

28 Jaun₂ ca₂ŋag₃ chi'₂ dsi₂guia₃-tín₂:

—I₂lín₅₄ dsa₂ juá'₂ a₂lín₅ Juan₅₄ i₂jme₁chon₅ dsa₂
jmíg₂. I₂lín₅₄ guè'₂ juá'₂ a₂lín₅ Elías. I₂lín₅₄ guè'₂
juá'₂ táng₃ a₂lín₅ jan₂ i₂sián'₂ i₂chen₄ quián₅ Diú₄.

29 Jaun₂ ca₂ŋag₃ táng₃:

—ǂ'Nia'₂ guè'₂ ně₃? ǂ'E₂ juá'₂ 'nia'₂ 'ein₂ lín₅ jniá₂?
Jaun₂ ca₂ŋag₃ Pe₄:

—'Ne₂ lín₅ I₂rē₂'ín₁ quián₅ Diú₄.

30 Jaun₂ ca₂jmo₃ Jesús 'éi'₃ a₂tsá₃ dsia₃ tsí'₃ 'i₁jan₂
jua'₅₄ a₂'ag₃.

Ca₂'ě₂ Jesús jág₁ a₂jóin₂

(Mateo 16:21-38; Lucas 9:22-27)

31 Jaun₂ ně₃ ca₂jme₃lióg₃ Jesús ca₂'ě₂ jág₁ ca₂tsí'₃
chi'₂ dsi₂guia₃-tín₂, a₂ca₂tín₂ Jaun₅ dsa₂ mi₂güí₃
dsi₃ŋí₂ 'lióng₂ uig₅, a₂tsá₃ le₃jei₅₄ dsa₂ can'₅₄ quián₅
guá'₅, jui₅₄ jme₂dsa₂, tē₅juá'₅ ně₃. Ca₂le₃jín₃ quiin'₃
jág₁ a₂ŋag'₃. La₁ jein'₅₄ bá₄ táng₃ a₂'ni₅ jmíg₄ jaun₂.

32 Ca₂juá'₂ lia'₂ rē₂jíá₃ jág₁. Jaun₂ Pe₄ ně₃ ca₂jio₃
le₂cau₅, jaun₂ ca₂jme₃lióg₃ ca₂ti₂ca₂néi'₂ a₂jme₁jnéi₂
jui₅.

33 Jaun₂ ca₂jén'₃ Jesús ca₂jín₂ ca₂le₃jín₃ chi'₂
dsi₂guia₃-tín₂, jaun₂ ca₂jéin₂ Pe₄ ca₂juá'₂:

—iŋiag'₃ cau₅ quió₃, 'ne₂ Satanás! Ia₁ tsá₃
dsi₂jio₃ 'au'₂ jui₁lia'₂ dsi₂jio₃ dsí₅ Diú₄; lia'₂ dsi₂jio₃
dsí₅ dsa₂ mi₂güí₃ bá₄ dsi₂jio₃ 'au'₂.

³⁴ Jaun₂ ca₂tě₃ Jesús chi₁' dsi₂guia₃-tín₂, ca₂le₃jín₃ guě₄ dsa₂ i₂jme₁tion'₅₄ ně₃. Jaun₂ ca₂juá'₂:

—Chi₂jua'₂ 'ein₂ 'nio₃ 'ein₃ jniá₂, co₂dsia₅ jui₁dsi₂'én₂ dsí₅ guioin₅₄, jui₁jmo₁₂ co₂jñia₅₄ a₂jóin₂,* jui₁'ein₁₂. ³⁵ Ia₁ jui₁'ein₂ guě₃ i₂tsá₃ 'nio₃ jón₂ ia₁ 'ín₅ dsí₅ le₃chain₂ dse₃ mi₂güí₃ la₂, dsi₃'én₂ quió'₅. La₁ jui₁'ein₂ guě₄ i₂tén'₂ dsí₅ gue₃ 'mú₃ 'uig₅₄ quió₃ jniá₂, 'uig₅₄ quió'₄ já₁ dse₃ ně₃, tín'₄, le₃chain₂ dse₃ mi₂güí₃ caun₂. ³⁶ ¿E₂ bá₄ ta₁ jmo₃ a₂lí'₂ dsa₂ 'ñio₅ lín₃ ne₄ gua'₅₄ 'uě₃ la₂, ně₁jua'₂ dsi₃'én₂ bá₄ guě'₂ jme₂dsi₂ quió'₅ mi₂güí₃ caun₂? ³⁷ ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tín'₄ jme₂dsi₂ quió'₅? ³⁸ Ia₁ jui₁'ein₂ guě₃ i₂gui'₅₄ jmóg'₂ jniá₂, quian'₅₄ já₁ dse₃ quió₃, tē₃jín₄ dsa₂ i₂qui₂rě₂cán'₄ dso₄ i₂tsá₃ ne'₅₄ chan₂ jmíg₄ ně₃, já₁n₃ bá₄ le₂jaun₂ Jaun₅ dsa₂ mi₂güí₃ gui'₅₄ jmóg'₂ jě₁ma₂tě₂ rě₁guain'₂ quian'₅₄ ángeles jñió₅ quian'₅₄ ca₂le₃jě₃ bí₂jlá'₁ quió'₅ jmei₂.

9

¹ Jaun₂ ca₂tsí'₃ dsa₂ le₂la₂ já₁n₃:

—A₂dsi₂jó'₃ juá'₅ jniá₂, ia₁ chan₂ i₂lín₅₄ 'nia'₂ i₂tión₂ ja₁lá₃ i₂tsá₃ tñ₅₄ dsián₃ né'₃ a₂tě₅₄ ne₅₄ a₂guá₂ jmíg₄ a₂jme₃gón₃ Diú₄ quian'₅₄ jui₁bí₂ quió'₅.

Ca₂rě₃tsín₃ Jesús lia'₂ jniá₂
(Mateo 17:1-13; Lucas 9:28-36)

² Jñé₂ jmíg₄ cang₂ jaun₂ ca₂jñia₃ Jesús Pe₄, Jacobo, Juan₅₄ ně₃, jaun₂ ca₂l₃lén₂ con'₂ guioin₅₄ jui₅ caun₂ má'₂ ñei₅. Ja₁jaun₂ ca₂jme₃tsín₃ Jesús lia'₂ jniá₂ tē₃ já₁g₅ riin'₅₄. ³ Jaun₂ ni₁tsín'₅₄ ca₂jnia₃ tá₁g₅ co₂'né'₅

* **8:34** lit. “jui₁quian'₅₄ cróg₄ quió'₅.”

tiog₂ jau₂ ca₂lia'₂ 'i₁jan₂ dsa₂ chan₂ mi₂güig₃ tsá₃ tiin₂
rang₃ 'mi'₂ a₂jnia₅₄ tiog₂ le₂jau₂. ⁴ Jau₂ ca₂jág₃
ca₂jnia₃ coin₂, Elías quian'₅₄ Moisés, tióin₂ dsia₂₃ jág₁
quaiain'₅₄ Jesús. ⁵ Jau₂ ně₃ ca₂juá'₂ Pe₄ ca₂tsí'₃ Jesús:

—Tě₅, i'e₂ guě₄ dse₃ lia'₂ tio'₅₄ jniog₄ ja₁lá₃! Ně₃
o₁jmog'₅₄ 'n₅ ts₁'io₅ láu₃: caun₂ quiáng'₂, caun₂
quió'₅ Moisés, caun₂ guě'₂ quió'₅ Elías ně₃.

⁶ (On₃jua'₅₄ jau₂ ca₂rě₃lí'₄ rě'₂ Pe₄ 'e₂ a₂ca₂'ñiai₂,
tě₂'i₂₃ le₂jau₂, ia₁ a₂gó'₅ 'ñio₅ lin₃ tioin'₅₄). ⁷ Tě₃jě₄
jau₂ ně₃ ca₂'ág₂ jnei₅ ja₁tiain'₅₄, ca₂lioin₂. Jau₂ jě₄
jnei₅ jau₂ ca₂né'₂ jág₁ a₂ca₂juá'₂:

—I₂la₂ bá₄ jón₃ quiáng₃, i₂'nióg₃ guě₄ lin₃. Nei₂
'nia'₂ jág₁ quió'₅.

⁸ Dsi₂jui₅ le₂jau₂ jme₁ca₂jág₃ táng₃, tsá₃ ma₃'ein₂
chan₂, jñia'₅₄ lia'₂ jan₂ 'ñiog₅ bá₄ Jesús quióng'₅₄ guě₄.

⁹ Jme₁ma₂tiain'₅₄ jui₅ ja₂lein₃ sióin₅ má'₂, jau₂
ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂ 'e₂ a₂ca₂jág₃
jau₂, a₂jmo₃ tei₄ ca₂lia'₂ ca₂jen'₅₄ táng₃ Jau₅ dsa₂
mi₂güig₃ ne₄ 'mú₃.

¹⁰ Jau₂ ně₃ tei₄ bá₄ ca₂jmo₃, tsá₃ 'ein₂ ca₂tsí'₃,
jñia'₅₄ lia'₂ qui₂ca₂ñí'₃ riin'₅₄ 'e₂ jein₅ jág₁ jau₂
a₂jein'₅₄ ne₄ 'mú₃. ¹¹ Jau₂ ca₂ñí'₃ Jesús:

—¿'E₂ lě₃ juá'₂ tě₅juá'₅, Elías bá₄ i₂ca₂tín₂ jiá₃
le₂'uig₅₄?

¹² Jau₂ ca₂ñag₃:

—Dsón'₂ bá₄ jau₂ Elías bá₄ i₂jiá₃ le₂'uig₅₄, a₂j móg'₃
ca₂le₃jě₃. ¿'E₂ guě'₂ lě₃ jau₂ chi₁ton₅ ne₄ Si₂ a₂ca₂tín₂
Jau₅ dsa₂ mi₂güig₃ a₂tsá₃ caun₂ dsi₃ñí₂, tsá₃ guei₃
dsa₂, 'liog'₃ dsa₂ 'uě₃ co₂ñí₂? ¹³ La₁ jniá₂ juá'₅,
i₂ma₂guan₅ bá₄ Elías, qui₂ca₂j móg'₂ dsa₂ ca₂lia'₂ lě₂
dsí₅, lia'₂ con'₂ lě₅ chi₁ton₅ ne₄ Si₂.

Ca₂jme₃lión₂ Jesús jan₂ chi'₂ i₂jme₁'en₅₄ i₂'lín'₅₄ tē₂dsí₅

(Mateo 17:14-21; Lucas 9:37-43)

14 Jme₁co₂lág₂ jaun₂, ca₂dsi₃lein₃ ja₁tion'₅₄ riin'₅₄.
Jaun₂ ca₂jín₂ juin₅ dsa₂ sián'₂ tion'₅₄ le₃lág'₃ jaun₂.
Tion'₅₄ tē₅juá'₅ ně₃, tsin₂₃ quian'₅₄ 'éi₂. 15 Jaun₂
dsi₂jui₅ jme₁ca₂jág₃ dsa₂ ca₂le₃jín₃ ca₂jín₂ Jesús,
ca₂i₃gó'₃ dsí₅ 'ñio₅ lín₃, jaun₂ i₃lén₂ i₁cuag₃ Diú₄.
16 Jaun₂ ca₂ḡag₃ Jesús:

—ǂ'E₂ jág₁ tsí₂jín'₂ 'nia'₂ quian'₅₄ dsa₂ ně₅?

17 Jaun₂ ca₂ḡag₃ jan₂ dsa₂ i₂'en₅₄ jē₄ jaun₂:

—Tē₅, la₂ ḡḡag₅₄ chí'₂ quiáng₃ a₂'ein₅₄ jme₂dsí₂
'lín'₅₄ i₂tsá₃ cuē₅ jmig₄ dsia₃ chí'₂ jág₁. 18 Chi₂jua'₂
'a₂ guē'₂ já'₄ jmóg'₂, jmo₂₃ tón₂ 'uē₃. Qui₂'uē'₅ chí'₂
jan₅ mi₂'o₅₄, qui₂quig'₂ mi₂jan₅₄ ně₃. Jmo₂₃ a₂rē₂'uá'₃
rē₂juí₂ quió'₅ ně₃. Jaun₂ jme₁ma₂nē₂juíg₂ jniá₂ dsa₂
i₂quiang'₅₄ a₂jme₁dsein₂₃ i₂'lín'₅₄, la₁ tsá₃ tió'₅, juá'₂.

19 Jaun₂ ca₂ḡag₃ Jesús:

—ǂ'En₁ jmá'₃ tsá₃ 'e₂ 'én'₂ 'nia'₂ dsa₂ chan₂ jmig₄
ně₃! ǂJe₂liá'₂ jmig₄ jmá'₃ 'nió'₅ jmo₅₄ jniá₂ tió₅ dsí₃ ḡi₅₄
quian'₅₄ 'nia'₂? O₂quian₅ 'nia'₂.

20 Jaun₂ ca₂i₁quian₅₄ dsa₂ chí'₂ ca₂o₃jiog₃ ne₅₄.
Jaun₂ dsi₂jui₅ jme₁ca₂jág₃ i₂'lín'₅₄ ca₂jín₂ Jesús,
ca₂jmo₃ táng₃ i₃'ín₃ i₂bē'₅₄ qui₂ca₂ba₂ca₂lín'₂ 'uē₃,
'uē'₅ jan₅ mi₂'o₅₄. 21 Jaun₂ ca₂ḡí'₃ jmei₂ chí'₂:

—ǂJma₂je₂liá'₂ jmig₄ jén'₅ le₂nē₅?

Jaun₂ ca₂ḡag₃:

—Lia'₂ con'₂ bin'₅₄ bá₄ i₂nē₅. 22 'Lióng₂ ráun₂
ma₂jmo₃ a₂'nio₃ 'í₂ né'₃ si₂, 'nio₃ 'í₂ né'₃ jmíg₃ ně₃,
a₂jmóg'₂ i₂'lín'₅₄ a₂'nio₃ ḡḡag'₃. La₁ nē₂jua'₂ cha₂ a₂lé₂
le₃jmó'₂, dsia₄ ḡéi₂ 'au'₂ jnia'₅₄.

23 Jaun₂ ca₂juá'₂ Jesús:

—¿'A₂ bá₄ lia'₂ jaun₂ “chi₂jua'₂ cha₂ a₂lé₂?” Lé₂ bá₄, quió'₅ ca₂le₃jín₃ i₂'én₂.

24 Dsi₂jui₅ le₂jaun₂ ca₂ɲag₃ jmei₂ i₂bë'₅₄ ca₂juá'₂ tiá'₂:

—i'Én₂ bá₄ jniá'₂! jme₁'o₁ jaun₂ le₃'éng₂ guě'₄!

25 Jme₁ca₂jág₃ Jesús caun₂ qui₂ca₂ɲi'₂ juin₅ lin₃ guě'₄ dsa₂, jaun₂ guě'₄ ca₂jéin₂ i₂'lin'₅₄, ca₂juá'₂:

—Jú₅ ja₁në₅, 'ne₂ jme₂dsí₂ i₂jmo'₂ con₄ güin₄ chi'₂. Ca₂lia'₂ o₁líg'₂ jmig₄ tsá₃ ma₃'ú'₄ ja₁në₅, ia₁ jniá'₂ juá'₅.

26 Jaun₂ jme₁ca₂o₃'ín₃ i₂'lin'₅₄, ca₂jmo₃ guě'₄ cón'₂ ca₂guió'₃ chi'₂ 'éi₂, ca₂i₃'ín₃, ca₂ba₂ca₂lín'₂ 'uë₃, ca₂quiog₂ tsá₃ lí'₄. “Ca₂join₃ bá₄”, ca₂juá'₂ mei'₂ tsá₃ ca₂le₃jín₃ dsa₂ i₂ca₂jág₂. 27 Jaun₂ ca₂'ín₃ Jesús mi₂gu₂, ca₂chó'₂, jaun₂ ca₂nau₂ chi'₂.

28 Jaun₂ jme₁ma₂'í₅ Jesús caun₂ dsi₂néi₂, ja₁jaun₂ ca₂ɲag₃ chi'₂ dsi₂guia₃-tín₂ con'₂ guoin₅₄:

—¿'E₂ 'uig₅₄ tsá₃ ca₂tián₃ jnia'₅₄ a₂dsén₄ i₂'lin'₅₄?

29 Jaun₂ ca₂ɲag₃ Jesús:

—Jme₂dsí₂ 'lin'₅₄ i₂le₂në₅ lé₂ le₃'uín₃ jmá'₃ lia'₂ quian'₅₄ a₂chi₂lén'₂ dsa₂ Diú₄.*

Ca₂'ě₂ táng₃ Jesús jág₁ a₂jóin₂

(Mateo 17:22-23; Lucas 9:43-45)

30 Jme₁ca₂'uín₂ juig₂ jaun₂, ca₂i₃lein₃ táng₃, ca₂ɲi₅ jui₅'uë₃ Galilea, tsá₃ jme₁'nio₃ Jesús le₃ɲi₅ dsa₂, 31 ia₁ jme₁jme₂tiín₂₃ chi'₂ dsi₂guia₃-tín₂, ca₂juá'₂:

—Ja₂quián₃ jmig₄ a₂jáng'₂ dsa₂ jín'₂ Jaun₅ dsa₂ mi₂güig₃ o₄gú₃ dsa₂ i₂'iog₅₄ jaun₂ ɲag'₃ dsa₂. La₁ a₂'ni₅ jmig₄, jein'₅₄ bá₄ táng₃.

* 9:29 A₂lin₅₄ chog₅₄ si₂juá'₂: “a₂chilen'₂ dsa₂ Diú₄, a₂jme₂'iin₅₄ në₃.”

32 La₁ chi'₂ dsi₂guia₃-tín₂ ně₃, tsá₃ ca₂ŋí'₂ 'e₂ jein₅
jág₁ a₂juá'₂ le₂jaun₂, ton'₂ tsá₃ ma₃ca₂tiá'₃ dsí₅ jua'₅₄
a₂ŋag₃ guě'₄ 'e₂ ŋag₃.

*Tsin₅ chi'₂ dsi₂guia₃-tín₂ 'ein₂ bá₄ i₂lín₅ i₂dsen₅₄ guě'₄
con'₂ quiain'₅₄ riin'₅₄*

(Mateo 18:1-5; Lucas 9:46-48)

33 Jaun₂ ca₂dsi₃lén₂ juig₂ Capernaum.
Jme₁ma₂tiáin'₅ dsi₂néi₂, jaun₂ ca₂ŋí'₃ Jesús chi'₂
dsi₂guia₃-tín₂, ca₂juá'₂:

—ǂ'E₂ jág₁ tsín'₂ 'nia'₂ ja₂nóg'₅ le₂'i₄ jui₅?

34 La₁ tei₄ bá₄ ca₂tiáin'₂, tsá₃ 'e₂ ca₂ŋag₃, ia₁ le₂'i₄
juí₅ ja₂lein₃ tsiin₂₃ 'ein₂ dsón'₂ i₂lén₂ i₂dsen₅₄ guě'₄ jě₄
quió'₅ riin'₅₄. 35 Jaun₂ ca₂guá'₂ Jesús, jaun₂ ca₂tě'₃
ta₁guia₃-tín₂ 'éi₂, jaun₂ ca₂juá'₂:

—Chi₂jua'₂ 'ein₂ 'nia'₂ 'nio₃ lén₂ i₂le₂'uig₅₄, cán₂ ne₄
juí₅, 'nió'₅ lén₂ i₂jě₁ca₂tó'₂ quió'₅ ca₂le₃jín₃, jme₂ti₃
ta₁ ne₄ ca₂le₃jín₃ riin'₅₄.

36 Jaun₂ ně₃ ca₂cain₃ jan₂ guein₂ quián₅ dsa₂,
jaun₂ ca₂dsiain₃ 'éi₂ jě₄ quió'₅, jaun₂ ca₂ŋau'₃,
ca₂juá'₂:

37 —Jui₁'ein₂ guě₃ i₂guen₅ jan₂ guein₂ bě'₅₄ le₂la₂
o₄quió'₃ jniá₂, jniá₂ bá₄ guei₂₃. I₂guei₅ jniá₂, on₃jua'₅₄
jmá'₃ jniá₂ guei₂₃. Guein₂₃ le₂jio₅ i₂ca₂chei₃ jniá₂.

"I₂tsá₃ 'iog₅₄ jniog₄, tě₂le₃ quián₂ jniog₄ bá₄ chéin'₅"

(Mateo 10:42; Lucas 9:49-50)

38 Jaun₂ ca₂juá'₂ Juan₅₄:

—Tě₅, ně₂jín₄ jnia'₅₄ jan₂ dsa₂ i₂ně₂'uín'₂ je₂na'₅₄
quian'₅₄ bí₂ 'éi'₃ quiáng'₂. Tsá₃ ma₃ně₂cuě'₁ jnia'₅₄
jmig₄ jua'₅₄ a₂jmo₃ guě'₄ le₂jaun₂, ia₁ tsá₃ ŋi₂₃ guě'₂
quian'₅₄ jniog₄.

39 Jaun₂ ca₂juá'₂ Jesús:

—Tsá₃ jmó'₂ 'nia'₂ le₂jaun₂, jua'₅₄ a₂jníg'₅₄. Ia₁ 'i₁jan₂ tsá₃ jmo₅ caun₂ ta₁ jué'₂ lia'₂ con'₂ lé₅ 'éi'₃ quió₃ jniá₂, jua'₅₄ a₂lé₂ le₃dsia₃ 'ag₃ 'lig'₅₄ dsi₂jui₅ le₂jaun₂.

40 Ia₁ jui₁'ein₂ gué₃ jui₁lia'₂ i₂tsá₃ 'iog₅₄ jniog₄, i₂tión₂ të₂le₃ quián₂ jniog₄ bá₄ 'éi₂. 41 Ia₁ në₁jua'₂ 'ein₂ ca₂cué'₃ 'nia'₂ tsá₃ a₂léi'₂ o₁jñia'₅₄ caun₂ vaso jmi₂g₂ bá₄, ia₁ a₂tén'₅ 'nia'₂ të₂le₃ quió'₅ I₂rë₂'ín₁ quián₅ Diú₄, a₂dsi₂jó'₃ juá'₅ jniá₂, lí'₂ bá₄ 'liain'₅₄.

A₂go'₂ tsi₃sén'₂ dsa₂ dso₄

(Mateo 18:6-9; Lucas 17:1-2)

42 'Jui₁'ein₂ gué₃ i₂jmo₅ tsi₂sén'₂ dso₄ jui₁lia'₂ i₂me'₂ le₂la₂ i₂én₂ të₂le₃ quió₃ jniá₂, ja₂lin₃ gué₄ dse₃ co₂ñei'₅₄ jua'₅₄ a₂tón₂ dsa₂ ne₄ jmi₁ñí'₄ rë₂quein₅ ca₂míg₂ ni₁to₂ dsi₂lag₅₄. 43 Në₁jua'₂ mi₂gog'₂ jmo₅

a₂tang'₂ dso₄, co₂ñei'₅₄ gué₄ dse₃ 'nia₄, ia₁ ja₂lin₃ gué₄ dse₃ dsiáng'₄ 'nau₅₄ caun₂ gog'₂ ja₁le₃chang'₂ co₂tan₅₄, con'₂ gué₄ a₂jme₁dsiáng'₄ guio₃-juí₃ a₂rë₂'ñia₅ ta₁tín₃ gog'₂ ja₁tsá₃ líg'₂ jmi₂g₄ éi₃ si₂.†

45 Në₁jua'₂ mi₂tag'₅₄ jmo₅ a₂tang'₂ dso₄, 'nia₄ ján₃, ia₁ ja₂lin₃ gué₄ dse₃ dsiáng'₄ guiang'₅₄ ja₁le₃chang'₂ co₂tan₅₄, lia'₂ con'₂ gué₄ a₂jme₁dsiáng'₄ a₂rë₂'ñia₅ le₃tín₃ tag'₅₄ guio₃-juí₃, ja₁tsá₃ líg'₂ jmi₂g₄ éi₃ si₂.†

47 Chi₂jua'₂ mi₂ne'₅₄ jmo₅ a₂tang'₂ dso₄, co₂ñei'₅₄ gué₄ dse₃ dsi₄ ján₃, ia₁ ja₂lin₃ gué₄ dse₃ a₂dsiáng'₄ a₂teng'₅₄ ca₂míg₂ mi₂ne'₅₄ ja₁gon₂ Diú₄, lia'₂ con'₂ gué₄ a₂jme₁dsiáng'₄ a₂rë₂'ñia₅ ta₁tín₃ mi₂ne'₅₄ guio₃-juí₃:

† 9:43 A₂lin₅₄ chog₅₄ si₂ chi₁ton₅ versículo 44, ja₁juá'₂ co₂rë₂ quian'₅₄ versículo 48. ‡ 9:45 A₂lin₅₄ chog₅₄ si₂ chi₁ton₅ versículo 46, ja₁juá'₂ co₂rë₂ quian'₅₄ versículo 48.

48 ja₁tsá₃ líg'₂ jmíg₄ dsián₃ i₁ja'₅₄,
on₃ guë'₂ si₂ éi₃ ně₃, §

49 'Ia₁ ca₂le₃jín₃ bá₄ 'nió'₅ lé₂ 'í₁ tē₂le₃ quian'₅₄ uig₅
a₂lě₅ lia'₂ lě₅ si₂.* 50 Dse₃ bá₄ tsi₁ŋi₁ tē₁lia'₂ ŋi'₅₄,
la₁ ně₁jua'₂ ca₂'en₃ ŋi'₅₄ tsi₁ŋi₁ ně₃, ħ₂A₂ bá₄ lia'₂ lé₂
le₃lei₂ táng₃? Jaun₂ ju₁len'₅₄ bá₄ 'nia'₂ ju₁lia'₂ lě₅
tsi₁ŋi₁. Ju₁le₂chan'₂ bá₄ 'nia'₂ 'ei₅ tei₄ quian'₅₄ ríng'₂
le₂jang'₂ le₂jang'₂.

10

*Jme₂tag₅ Jesús ju₁lia'₂ 'a₂ lia'₂ lě₅ a₂tén₂ dsa₂
dsi₂i₂gu₂*

(Mateo 19:1-12; Lucas 16:18)

1 Jaun₂ ca₂o₃'ín₃ Jesús juig₂ Capernaum
ja₁jme₁'ein₅₄, ca₂ŋó₃ táng₃ ja₁tén₄ Judea quian'₅₄ ju₁'
'uě₃ tē₂le₃ 'ŋo'₅₄ Cuá₃ Jordán. Ja₁jaun₂ ca₂o₃lén₂ táng₃
dsa₂ ju₁n₅ ja₁'ein₅₄. Con'₂ siá'₂ táng₃ ca₂jmo₃ ju₁lia'₂
jmo₂₃ tián₂, ca₂jme₃ti₁n₂₃ dsa₂. 2 Jaun₂ ca₂dsi₃lén₂
i₂lin₅₄ dsa₂ fariseos, ca₂ŋí'₃ Jesús a₂ŋŋia'₅₄ con'₂
'nio₃ cáun₂ táu₂ chi₂jua'₂ 'i₄ 'éi'₃ a₂tén₂ dsa₂ dsa₂ m₁'
quiáin₅. 3 Jaun₂ ca₂ŋag₃ 'éi₂:

—ħ'E₂ 'éi'₃ ca₂cuë₃ Moisés guë'₂?

4 Jaun₂ ca₂ŋag₃ táng₃ dsa₂ 'éi₂:

—Ca₂cuë₃ Moisés jág₁ a₂lé₂ le₃jmo₃ dsa₂ ŋe'₂ caun₂
si₂ tē₃ron₅₄, jaun₂ guë'₄ ma₂lé₂ dsei₂₃.

5 Jaun₂ ca₂ŋag₃ Jesús:

—'Uig₅₄ ia₁ a₂ŋí₄ tsá₃ nág'₁ 'nia'₂ guiong'₅₄ bá₄
ca₂cuë₃ Moisés 'éi'₃ jaun₂, 6 La₁ le₂'uig₅₄ lia'₂ con'₂
jme₁ca₂dsia₃ Diú₄ m₁'güig₃, “ca₂jmo₁'₂ dsa₂ ŋe'₂,

§ 9:48 Isaías 66:24. * 9:49 lit. “Ia₁ ca₂le₃jín₃ 'nió'₅ le₃ŋi'₅₄ quió'₅
quian'₅₄ si₂.” 'Nio'₂ ja₁ton₅ 1 Pedro 1:7; 4:12.

dsa₂ mí₂”. 7 “‘Uig₅₄ jaun₂ ně₃ dsa₂ ŋe'₂, ca₂tín₂ téin₂ chog₅₄-jmei₂, con'₂ tiain'₃ quiain'₅₄ dsa₂ mí₂ quiáin₅. 8 Jaun₂ jē₁le₃oin₃ léin₂ caun₂ bá₄ ni₁ŋí₅.”*
Jaun₂ dsióg₄ lé₂ co₂'nió'₄ jan₂ dsa₂ bá₄, tsá₃ ma₂lē₂ oin₃. 9 Jaun₂ tsá₃ 'i₄ 'éi'₃ jua'₅₄ dsa₂ mi₂güí₃ a₂jmo₃ jma₃quén₅ a₂ma₂dsia₃ Diú₄ rē₂.

10 Jme₁ma₂tioin'₅₄ táng₃ dsi₂néi₂, ca₂ŋag₃ chi'₂ dsi₂guia₃-tín₂ ca₂ŋí'₃ Jesús jág₁ ně₅. 11 Jaun₂ ca₂juá'₂ Jesús:

—Dsa₂ i₂tén₂ 'io₅₄ quián₅, a₂guá₃ táng₃ quiain'₅₄ i₂sián'₂, 'no₂₃ dso₄ ja₁con₂ 'io₅₄ quiáin₅ i₂le₂'uig₅₄.
12 Con'₂ guē'₂ siá'₂ táng₃ ně₃jua'₂ tén₂ 'io₅₄ dsi₂i₂gu₂ a₂guá₃ táng₃ quiain'₅₄ dsa₂ ŋe'₂ sián'₂, ján₃ bá₄ le₂jaun₂ 'no₂₃ dso₄ ja₁con₂ dsi₂i₂gu₂.

Ca₂jme₃gon'₅₄ Jesús chi'₂-guein₂
(Mateo 19:13-15; Lucas 18:15-17)

13 Jaun₂ ca₂dsi₃lén₂ dsa₂ le₁ŋjai₂₃ chi'₂ quiáin₅ ja₁guá₄ Jesús, ia₁jaun₂ qui₃téi₂ Jesús gu₂. La₁ chi'₂ dsi₂guia₃-tín₂ ně₃ ca₂jí₂. 14 Jme₁ca₂jág₃ Jesús, jaun₂ ca₂i₃méi'₂ dsí₅ quian'₅₄ chi'₂ dsi₂guia₃-tín₂, jaun₂ ca₂juá'₂:

—Cuē₄ 'nia'₂ jmí₄ jui₁ja₂lén₂ chi'₂-guein₂ cong₂. Tsá₃ jmó₁ 'nia'₂ le₂ně₅ jua'₅₄ a₂jní₄g'₅₄, ia₁ jui₁lia'₂ i₂le₂la₂ bá₄ guē'₂ i₂dsi₂len₅ ja₁gon₂ Diú₄. 15 A₂dsi₂jó'₃ juí₂ jniá'₂ 'nia'₂, ia₁ jui₁'ein₂ guē₃ i₂tsá₃ gue₅ 'éi'₃ quió'₅ Diú₄, jui₁lia'₂ gue₅ jan₂ i₂bē'₅₄, o₁líg'₂ tsá₃ dsi₁lein₅ ja₁gon₂ Diú₄.

16 Jaun₂ qui₂ca₂ŋai'₃ guein₂ 'ein₅₄, ca₂quiog₂ gu₂ ne₄ quió'₅, ca₂jme₃ŋjió₃.

* 10:8 Génesis 2:24.

Jan₂ dsó₂ chi'₂ cha₂ cu₄ ca₂ dsia₃ jág₁ quiain'₅₄ Jesús
(*Mateo 19:16-30; Lucas 18:18-30*)

17 Jme₁ ma₂ 'en₅₄ Jesús jui₅ ḡó₅ táng₃, jaun₂ já₃ jan₂ dsó₂ co₂ chi'₅₄ ca₂ jme₃ jein'₂ ca₂ chi₃ jné₃ ne₅₄. Jaun₂ ca₂ ḡag₃:

—Tē₅ dsen₃, ħ'e₂ 'nió'₅ jmo₅₄ jniá₂ ia₁ jaun₂ tḡng₅₄ ja₁ le₃ chang₂ co₂ tan₅₄?

18 Jaun₂ ca₂ ḡag₃ Jesús:

—ħ'E₂ lē₃ quiong'₅₄ jniá₂ a₂ dseng₃? 'I₁ jan₂ i₂ dsen₃ tsá₃ chan₂, ḡnia'₅₄ lia'₂ jan₂ Diú₄ bá₄. 19 Cuḡng'₂ bá₄ 'Éi'₃ Juá'₅ quió'₅ Diú₄, ja₁ juá'₂ tsá₃ jme₁ dsiang'₂ dsa₂ mi₂ güí₃ ríng'₂; on₃ guē'₂ nióg'₄ jág₁ quian'₅₄ dsa₂ i₂ tsá₃ lín₅ dsí₂ i₂ gog'₂; on₃ guē'₂ 'áng'₁. Tsá₃ jmó₁ jua'₅₄ jang'₅₄ jág₁ tē₂ jág₁; tsá₃ jme₁ gan₅ dsa₂ jua'₅₄ a₂ ḡnia'₄ a₂ cha₂ quió'₅; a₂ jme₁ gang'₃ chog'₂-ḡéi'₅ ně₃. †

20 Ca₂ ḡag₃ táng₃ dsa₂ 'éi₂:

—Tē₅, ca₂ le₃ jē₃ a₂ ně₅, lia'₂ con'₂ bin'₅₄ bá₄ jniá₂ jme₂ tí₁.

21 Jaun₂ ca₂ jág₂ Jesús ḡéi₂ dsí₅, ca₂ juá'₂:

—Caun₂ guē₄ a₂ 'nió'₅ quiáng'₂. Guan'₂ o₂ 'nag₄ ca₂ le₃ jē₃ a₂ cha₂ quiáng'₂, o₂ dsio'₅₄ cu₄ jaun₂ o₂ cuē'₅₄ dsa₂ te₂ ḡé₂. Jaun₂ guē₄ le₃ cha₂ a₂ jlá'₁ quiáng'₂ guei'₅₄ i₂ juí₃. Jaun₂ guē₄ ḡia₅, 'éin₃. †

22 Jaun₂ ca₂ tá'₂ jén₂ dsí₅ dsa₂ 'éi₂ jme₁ ca₂ nág₂ le₂ ně₅; ḡái'₅ bá₄ jaun₂ 'lia'₂ dsí₅, ia₁ 'ḡio₅ lín₃ jme₁ cha₂ cu₄.

23 Jaun₂ ca₂ jén'₃ Jesús qui₂ ca₂ jín₂ chi'₂ dsí₂ guia₃- tḡn₂ quiáin₅. Jaun₂ ca₂ juá'₂:

† 10:19 Éxodo 20:12-6; Deuteronomio 5:16-20. ‡ 10:21 A₂ lín₅₄ chog₅₄ si₂ juá'₂: “Jmo₄ co₂ ḡniag'₅₄ a₂ jóng'₂,” (lit. quian₂ cróg₄ quiáng'₂), “éin₃ jniá₂.”

—i'E₂ guě₄ 'ŋio₅ quian₅ ta₁ quió'₅ dsa₂ cha₂ cu₄
a₂tín'₄ ja₁gon₂ Diú₄!

24 Jaun₂ i₃gó'₃ dsí₅ chi'₂ dsi₂guia₃-tín₂ jág₁ jaun₂, la₁
ca₂juá'₂ táng₃ Jesús:

—'Nia'₂ jón₃, i'e₂ bá₄ 'ŋio₅ quian₅ ta₁ a₂dsi₁len₅ dsa₂
ja₁gon₂ Diú₄! § 25 Tsá₃ guě₄ 'e₂ ta₁ quian₅ a₂lé₂ le₃ŋi₅
jan₂ já'₂ camello jui₅ tau₂ mi₂cu₄, con'₂ guě₄ dsa₂
cha₂ cu₄ a₂'í₂ ja₁gon₂ Diú₄.

26 Jme₁ca₂nág₂ chi'₂ dsi₂guia₃-tín₂ a₂ně₅, i₃gó'₃ dsí₅
'ŋio₅ lin₃. Qui₂ca₂ŋí'₃ riin'₅₄:

—¿I₂'ein₂ bá₄ guě'₂ jaun₂ ně₃ i₂lé₂ le₃tín'₄?

27 Jaun₂ ca₂jág₂ Jesús, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güí₃,
o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jě₃
bá₄ lé₂ le₃lé₂.

28 Pe₄ ně₃ ca₂jme₃lióg₃ ca₂juá'₂:

—Te₁gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄,
ma₂ca₂tén'₂ dsí₅ jnia'₅₄ ma₂qui₂ma₂tí₄, ia₁ a₂'én₅
jnia'₅₄ 'ne₂.

29 Jaun₂ ca₂ŋag₃ Jesús:

—A₂dsi₂jó'₃ juá'₅ jniá₂ juí₂'nia'₂, ca₂le₃jín₃ i₂táun₂
'ne₄, i₂tén₂ riin'₅₄, chog₅₄-jmei₂, chi'₂ quiáin₅, i₂tí₂
ja₁nau₂ quió'₅, 'uig₅₄ quió₃ jniá₂, quian'₅₄ 'uig₅₄
quió'₄ jág₁ dse₃ ně₃, 30 gue₃ mi₂güí₃ la₂ 'lióng₂
guě₄ 'né₅, juin₅ guě₄ riin'₅₄, juin₅ guě₄ chog₅₄, juin₅
guě₄ chi'₂-guein₂ quiáin₅ ně₃ le₃chan₂; ton'₂ 'lióng₂
guě₄ ja₁nau₂ quió'₅ le₃cha₂, o₁jnia'₅₄ la₂ chain₂ mi'₅₄
co₂'ein₅ dsa₂. La₁ia₁ gue₃ ja₁le₃chain₂ co₂tan₅₄
mi₂güí₃ caun₂. 31 La₁ rē₂ně₃, juin₅ i₂lín₅ i₂quen₅, la₁

§ 10:24 Cha₂ a₂lin₅₄ chog₅₄ si₂ a₂juá'₂ le₂la₂: “a₂dsi₁len₅ dsa₂ cha₂ cu₄
ja₁gon₂ Diú₄.”

jmig₄ jaun₂ léin₂ dsa₂ tē₂le₃ jē₁ca₂tó'₂; le₂jaun₂ bá₄
ján₃, ju₁lia'₂ i₂tsá₃ 'e₂ quen₅ rē₂ně₃ lia'₂ con'₂ niog₅
lín₂ dsa₂ mi₂güí₃, léin₂ i₂le₂'uig₅₄.

Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Lucas 18:31-34)

³² Tioin'₅₄ ju₁₅ uig₂ tso₄ a₂dsi₁léin₂ Jerusalén.
Jesús ně₃ n_ó₃ dsi₂jníá₄ ne₄ ju₁₅. Chi'₂ dsi₂guia₃-
tín₂ guě'₂ i₂léin₂ dsi₂g₃'₃ dsí₅. Ca₂le₃jín₃ guě'₄ dsa₂
i₂jme₁quian'₅₄ ně₃ i₂léin₂ g₃'₅. Jaun₂ ně₃ ca₂tě'₃
Jesús le₃cau₅ ju₁₅ jmá'₃ dsi₂guia₃-tín₂, jaun₂ ja₁jaun₂
ca₂juá'₂ 'e₂ niog₅ dsi₃ñí₂, ³³ ca₂juá'₂:

—Ní₂ 'nia'₂ jaun₂, tio'₅₄ jniog₄ ju₁₅ uig₂ tso₄
a₂dsi₁ná₅ Jerusalén. Ja₁jaun₂ jín'₂ dsa₂ Jaun₅ dsa₂
mi₂güí₃ o₄gú₃ juig₅₄ jme₂dsa₂, ne₄ tē₅juá'₅ ně₃. I₂'éi₂
dsí₃ 'éi'₃ a₂jñag'₃ dsa₂, jaun₂ jáng'₂ dsa₂ o₄gú₃ dsi₂nau₂
ně₃. ³⁴ 'Éi₂ ně₃ a₂lě₁qui₃jmóg'₂, qui₃cuě₃, qui₃'ñéi₂
dsa₂ ně₃. Jaun₂ guě'₄ jñag'₃. La₁ a₂'ni₅ jmig₄, jein'₅₄
bá₄ táng₃.

A₂ca₂mi₃ Jacobo quian'₅₄ Juan₅₄
(Mateo 20:20-28)

³⁵ Jaun₂ ně₃, Jacobo quian'₅₄ Juan₅₄, le₃on₃ ja₁ñi'₅₄
Zebedeo, ca₂jme₃quian'₃ ja₁chén'₄ Jesús, jaun₂
ca₂juá'₂:

—Tě₅, 'niog₂ jnia'₅₄ jmó'₂ 'ne₂ dse₃ 'au'₂ a₂jmó'₂
ju₁'e₂ caun₂ a₂mí₁ jnia'₅₄.

³⁶ Jaun₂ ca₂juá'₂ Jesús:

—¿'E₂ 'niog'₂ 'nia'₂ jmo₅₄ jniá₂ guě'₂?

³⁷ Jaun₂ ca₂juá'₂ táng₃ 'éi₂:

—Jmó'₂ 'io₄ jnia'₅₄ jma₃jáu₃ lia'₂ ca₂ton₂ cau₅
quiáng'₂ jē₁ma₂tě₂ rē₁ne'₅₄ jláng'₁ ne₄ta₁ quiáng'₂.

38 Jaun₂ ca₂ŋag₃ Jesús:

—Tsá₃ a₂jaun₂ ŋi'₅₄ 'nia'₂ a₂mi'₂. ¿Tián'₃ 'nia'₂ dsi₃ŋíg'₂ ca₂le₃jě₃ jui₁lia'₂ a₂dsi₃ŋí'₂ jniá'₂ guě'₂? ¿Tián'₃ 'nia'₂ cán'₁ o₂i₁ dsi₅ jui₁lia'₂ o₂i₁ dsi₅ can₅₄ jniá'₂?

39 Jaun₂ ca₂ŋag₃ táng₃ 'éi'₂:

—Tián₂ bá₄ jnia'₅₄.

Ca₂juá'₂ táng₃ Jesús:

—Dsón'₂ bá₄ jaun₂ dsi₃ŋí'₂ 'nia'₂ 'e₂ niog₅ dsi₃ŋí'₂ jniá'₂. Ján₃ bá₄ cán'₁ 'nia'₂ o₂i₁ dsi₅ jui₁lia'₂ o₂i₁ dsi₅ can₅₄ jniá'₂. ⁴⁰ La₁ jui₁lia'₂ a₂juá'₂ 'nia'₂ a₂tiáng'₄ jma₃ca₂ton₂ cau₅ quió'₃, on₃jua'₅₄ jniá'₂ ca₂tíng₂ cuě'₅₄ a₂jaun₂. Ja₁jaun₂ lě₅ co₂jŋia₅₄ a₂tian'₃ con'₂ i₂ca₂tín₂ bá₄.

⁴¹ Riin'₅₄ i₂guian₃ guě'₄ 'éi'₂ ně₃, ca₂rě₃ 'néi'₃ quian'₅₄ Jacobo quian'₅₄ Juan₅₄, jme₁ca₂nág₂ juá'₂ 'éi'₂ le₂ně₅.

⁴² Jaun₂ ca₂tě₃ Jesús cau₅ quió'₅ ca₂tě'₃ 'éi'₂ ca₂le₃jín₃. Jaun₂ ca₂juá'₂:

—Ni'₅₄ bá₄ 'nia'₂ jui₁lia'₂ dsa₂ can'₅₄ i₂tián'₅ gon₂ juig₂ go₄ dsi₂nau₂, i₂jín₂ dsa₂ co₂'nió'₄ dsi₂tan₅₄ quiáin₅, qui₂toin'₂ dsa₂ 'éi'₃ bėn₂. Le₂jaun₂ bá₄, jui₁lia'₂ dsi₂tan₅₄ i₂sion₅ guě'₄ quiáin₅ ně₃, tián'₅ goin₂ jmo₂₃ 'éi'₃. ⁴³ La₁ jín'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃juin'₂, ca₂tín₂ jme₃tí₃ ta₁ ne₄ riin'₅₄; ⁴⁴ chi₂jua'₂ 'ein₂ 'nia'₂ 'nio₃ cán₂ ne₄ jui₅, 'nió'₅ jme₃tí₃ ne₄ ca₂le₃jín₃ dsa₂. ⁴⁵ Ia₁ le₂ně₅ bá₄ Jaun₅ dsa₂ mi₂güig₃, tsá₃ ta₁ jaun₂ já₅ jua'₅₄ a₂jme₃tí₃ dsa₂ ne₅₄; a₂jme₃tí₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús jan₂ dsa₂ ten₄ i₂chen₂ Bartimeo (Mateo 20:29-34; Lucas 18:35-43)

46 Dsi₃léin₂ juig₂ Jericó. Jme₁o₂íin₃ juig₂ jaun₂ quiain'₅₄ chi'₂ dsi₂guia₃-tín₂ quiáin₅, juin₅ guě₄ dsa₂ sián'₂ ně₃ quiong'₅₄, jaun₂ jan₂ dsa₂ ten₄ i₂chen₂ Bartimeo, (co₂'nió'₄ le₃jua'₅₄ ja₁ŋi'₅₄ Timeo), guá'₅ 'éi₂ cau₅ jui₅ mi₂₃ a₂jme₃'o₅₄ dsa₂ cu₄. 47 Jme₁ca₂nág₂ juá'₂ dsa₂ ŋó₅ Jesús i₂chan₂ Nazaret cau₅ jaun₂, jaun₂ ca₂'í₃ co₂mi'₅₄ tě'₂ Jesús:

—¡Jesús, tsi₁jon₂ David, dsia₄ ŋéi₂ 'au'₂ jniá₂!

48 Jaun₂ ca₂jí₂ bá₄ dsa₂ ia₁jaun₂ dsó₃ tei₄. La₁ tě₂le₃ i₂jui'₂ guě₄ co₂mi'₅₄ ca₂'í₃ bá₄, ca₂juá'₂:

—¡Tsi₁jon₂ David, dsia₄ ŋéi₂ 'au'₂ jniá₂!

49 Jaun₂ ca₂nau₂ Jesús jme₁ca₂nág₂, jaun₂ ca₂tsí'₃ dsa₂ i₂quiain'₅₄:

—Te'₂ 'nia'₂ o₁jia₂ ja₁lá₃.

Jaun₂ ca₂tě₃ dsa₂, ca₂juá'₂:

—Jmo₄ 'io'₂. Nau₂, ia₁ ó₃ tě₂.

50 Jaun₂ ca₂ton₃ cau₅ 'mi'₂ dsióg₂ jme₁chi₁bóin'₅, jaun₂ con'₂ ca₂nau₂ jaun₂ bá₄ co₂chi'₅₄, ca₂ŋó₃ ja₁chén'₄ Jesús.

51 Jaun₂ ca₂ŋag₃ 'éi₂:

—¿'E₂ 'niog'₂ jmo₅₄ jniá₂ o₄quiáng'₂?

Jaun₂ ca₂ŋag₃ táng₃ dsa₂ ten₄:

—Tě₅, a₂jnia₅₄ jme₁ne₃ bá₄ jniá₂ 'nio₃.

52 Jaun₂ ca₂juá'₂ Jesús:

—Ma₂lé₂ guang'₅₄. Ma₂'lóng'₂ ia₁ 'éng'₂ bá₄.

Dsi₂jui₅ jaun₂ bá₄ ca₂jnia₃ mi₂ne₄ dsa₂ 'éi₂. Jaun₂ ca₂ŋó₃ quiain'₅₄ Jesús.

11

Ca₂'í₃ Jesús jě₄ juig₂ Jerusalén

(Mateo 21:1-11; Lucas 19:28-40; Juan 12:12-19)

1 Jme₁ma₂quián₅ dsi₁lén₂ Jerusalén, dsi₃lén₂ quián₅ juig₂ Betfagé quian'₅₄ juig₂ Betania ně₃, a₂nio_g₅ cau₅ Má'₂ Olivos. Ja₁jaun₂ ca₂chen₃ Jesús on₃ dsa₂ i₂guia₃-tín₂ quián₅, ²ca₂juá'₂:

—O₂nó'₅ 'nia'₂ juig₂ pí'₁ niog₅ të₂le₃ ne₄ jui₅ ja₁dsau₅₄ ně₅. Jē₁ma₂ca₂dsi₃nó'₅ 'nia'₂ ja₁jaun₂, dsian'₂ 'nia'₂ jan₂ bú'₄ 'mí'₂ i₂rē₂'ñe'₅₄ i₂tsá₃ 'ein₂ ma₂co₁dsag₅₄. O₂chein'₅₄ 'nia'₂ jaun₂ të'₅₄ ja₁lá₃. ³Nē₁juá'₂ 'ein₂ ca₂juá'₂: “¿'E₂ lē₃ jmo'₂ 'nia'₂ le₂ně₅?” jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂, la₁ ně₃ cón'₅ bá₄ jáng'₂ táng₃.”

⁴Jaun₂ i₃lén₂ dsa₂ 'éi₂. Jme₁ca₂dsi₃lén₂ ja₁chén'₄ bú'₄ rē₂'ñe'₅₄ jē₄ calle cau₅ o₄'né₄ quió'₅ dsa₂, jaun₂ ca₂chéi'₂ jaun₂ ně₃. ⁵Jaun₂ ca₂juá'₂ i₂lín₅₄ dsa₂ i₂ca₂jág₃, i₂tión₂ cau₅ jaun₂:

—¿'E₂ jmo'₂ 'nia'₂ ja₁ně₅? ¿'E₂ lē₃ tsing'₅₄ bú'₄?

⁶Jaun₂ ca₂jéin'₃ bá₄ guē'₂ 'éi₂ jág₁ lia'₂ lě₅ jág₁ ca₂cuē₃ Jesús. Jaun₂ ca₂cuē₃ bá₄ dsa₂ jmig₄ të₂ já'₂. ⁷Jaun₂ jme₁o₃lein₃ te₂ bú'₄, ca₂i₁jiog₃ ja₁'en₅₄ Jesús, jaun₂ ca₂jmo₃ dse₃ qui₂ca₂jlág₂ 'mí'₂ mi₂ca'₄ já'₂. Jaun₂ guē'₄ ca₂co₃dsag₅₄ Jesús. ⁸Juin₅ dsa₂ qui₂ca₂néi'₃ 'mí'₂ le₂'i₄ jui₅ ja₁ñí₃ Jesús. I₂lín₅₄ guē'₂ ca₂dsia₃ gu'₂-nei'₅₄ 'ma₂ a₂ca₂i₁'niai₁₂ ja₁nau₂.

⁹Jaun₂ dsa₂ i₂i₂lén₂ le₃ne₄ jui₅ quian'₅₄ i₂ja₂lén₂ le₃chi₁co'₅₄ ně₃, qui₂ca₂tóin'₂ co₂mi'₅₄, ca₂juá'₂:

—jJui₁le₂juin'₂ bá₄ i₂ně₅!* jJui₁le₂jñi₃ bá₄ i₂ně₅ i₂já₅ o₄quió'₄ Te₁gui'₅₄!† ¹⁰jJui₁le₂jñi₃ bá₄ 'éi'₃ a₂já₅

* **11:9** lit. “Hosana”, a₂jein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jíá₃ I₂rē₂'ín₁ quián₅; la₁ cang₂ jaun₂ táng₃ ca₂jein₃ jág₁ a₂jme₂juin'₂ dsa₂ jan₂ dsa₂. † **11:9** Salmo 118:25-26.

quió'₅ jmei₂ jniog₄ David ně₃! ¡Jui₁le₂juin'₂ bá₄ i₂guá'₅
guei'₅₄ i₂juíg₃!

¹¹ Jme₁ca₂'í₃ Jesús juig₂ Jerusalén, jaun₂ ca₂'í₃
i₁dsi₅ guá'₅ templo. Jme₁ma₂ně₂jág₃ 'a₂ lia'₂ lě₅
ja₁jaun₂, ca₂o₃íin₃, ca₂ŋái'₃ táng₃ jui₅ Betania
quiain'₅₄ ca₂le₃jín₃ chi'₂ dsi₂guia₃-tín₂ quiáin₅, ia₁
ma₂ca₂'láu₂.

*Ca₂juá'₂ Jesús jág₁ uig₅ ca₂tsí'₃ ni'ma₂ higuera
a₂tsá₃ míg₂ cha₂
(Mateo 21:18-19)*

¹² Jme₁jnia₃ jaun₂, con'₂ ma₂'u₁in₂ táng₃ juig₂ Be-
tania, ca₂tá'₂ i₁cón'₅ Jesús. ¹³ Jaun₂ ca₂jág₃ tē₂ uíng₂
caun₂ ni₁'ma₂ higuera, lia'₂ rē₂can'₂ mog'₅₄ jniá₂
chí'₅. Jaun₂ ŋó₃ 'uig₅₄ ja₁dsi₅₄, ia₁ lín₂ jme₁dsio'₂
míg₂. La₁ jme₁dsióg₃ ně₃, jmá'₃ mog'₅₄ bá₄ cha₂, ia₁
on₃jua'₅₄ jein₂ a₂'ag₅ míg₂ higos jaun₂. ¹⁴ Jaun₂ ně₃
ca₂juá'₂ Jesús ca₂tsí'₃ ni₁'ma₂:

—Jui₁le₅₄ ca₂lia'₂ o₁líg'₂ jmig₄ tsá₃ ma₃'ein₂ guě'₃
co₂ŋei'₅₄ míg₂ quiáng'₂.

Ca₂nág₂ bá₄ chi'₂ dsi₂guia₃-tín₂ jme₁ca₂juá'₂ le₂ně₅.

*Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅
guá'₅
(Mateo 21:12-17; Lucas 19:45-48; Juan 2:13-22)*

¹⁵ Jme₁ca₂dsi₃lén₂ táng₃ juig₂ Jerusalén, ca₂'í₃
Jesús i₁dsi₅ guá'₅ templo, ca₂jme₃lióg₃ ca₂'uín'₂
ca₂le₃jín₃ dsa₂ i₂jme₁tion'₅₄ 'nag₅, i₂lá₅ ně₃.
Jaun₂ qui₂ca₂jéin'₃ ni₁mesa jme₁jmó'₂ dsa₂ ta₁
ja₁jme₂tsíin₃ cu₄, qui₂ca₂quí'₂ 'ma₂si₅₄ ja₁jme₁tián'₄

dsa₂ i₂'ni₅ i₁ju₂; ¹⁶ tsá₃ ma₃ca₂cuë₃ jmi_g₄ jua'₅₄
a₂dsi₃can₅ gué₄ dsa₂lio₄ quió'₅ i₁dsi₅ guá'₅.

¹⁷ Jaun₂ ca₂jme₃tiin₂₃ dsa₂'éi₂, ca₂juá'₂:

—Ne₄ Si₂ juá'₂: “Né₅ quió'₃ lě₅ ca₂ne₅₄ 'né₅
ja₁chi₂lén'₂ dsa₂ Diú₄, dsa₂ chan₂ ca₂le₃jě₃ juig₂.” †
La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅
dsa₂'ang₂. §

¹⁸ Jaun₂ juig₅₄ jme₂dsa₂ quian'₅₄ tē₅juá'₅ ně₃
ca₂nág₂ jág₁ ně₅. Jaun₂ ca₂jme₃lióg₃ ca₂'náu'₃ jui₅
'a₂ lia'₂ jñag'₃, ia₁ gó'₅ con'₂ tsá₃ ŋó₅ ně₁juá'₂ 'éi₂ bá₄
jme₃gón₃ lé₂, ia₁ juin₅ lin₃ dsa₂ nag₅ dsi₂gó'₃ dsí₅
jág₁ a₂jme₂tag₅ Jesús. ¹⁹ Tē₂le₃ ca₂nei₂ jmi_g₄ jaun₂,
ca₂'u_{in}₂* juig₂ jaun₂.

Ca₂rě₃quén₃ ni₁'ma₂ higuera

(Mateo 21:20-22)

²⁰ Jme₁jnia₃ jaun₂, ca₂ŋi₅ táng₃ jui₅ ja₁dsi₅₄ ni₁'ma₂
higuera. Jaun₂ ca₂jág₃ co₂dsia₅ ma₂quein₂ ca₂tē₂
cho'₅₄. ²¹ Jaun₂ ca₂dsáu'₃ dsí₅ Pe₄, jaun₂ ca₂tsí'₃ Jesús:
—Tē₅, jag₄ ni₁'ma₂ a₂ca₂chei'₅₄ uig₅. Co₂dsia₅
ma₂ca₂rě₃quén₃.

²² Jaun₂ ca₂ŋag₃ Jesús ca₂tsí'₃ dsa₂:

—Én₃ 'nia'₂ tē₂le₃ quió'₅ Diú₄. ²³ A₂dsi₂jó'₃ juig₂
jniá₂ 'nia'₂, ju₁'ein₂ guě₃ juá'₂ tsí'₃ ni₁má'₂ ně₅:
“Jñag'₃ ja₁ně₅, o₂'ú₅ jmi₁ŋí'₄”, le₂jaun₂ dsón'₂
le₃ti₃ bá₄, ně₁juá'₂ tsá₃ ca₂'ág₂ caun₂-tin₃ dsí₅.

²⁴ Jaun₂ lě₃, juá'₅ jniá₂, ju₁'e₂ guě₃ a₂mí'₂ 'nia'₂
jme₁chi₂leng'₅₄ Diú₄, ně₁juá'₂ jmo'₂ 'nia'₂ 'au'₂
ně₂jag₄ bá₄ a₂ma₂ně₂gue'₅₄ 'e₂ a₂mí'₂, le₂jaun₂ dsón'₂
le₃ti₃ bá₄ ja₁con'₂ 'nia'₂. ²⁵ Jě₁ma₂tě₂ rě₁náu'₁ 'nia'₂

† **11:17** Isaías 56:7. § **11:17** Jeremías 7:11. * **11:19** A₂lin₅₄
chog₅₄ si₂ juá'₂: “ca₂o₃'i_{in}₃.”

chi₁léng'₄ Diú₄, në₁jua'₂ cha₂ 'nei₂ 'au'₂ 'nia'₂ ja₁con₂
 ríng'₂, 'én₃ 'nia'₂ dsáu₁ ríng'₂, ia₁jaun₂ bá₄ Nèi'₅ 'nia'₂
 i₂guá₅ guei'₅₄ i₂juíg₃ 'éin₂ dsáu'₂ 'nia'₂ guiong'₅₄.†

Jesús bá₄ i₂'io₅ 'éi'₃

(Mateo 21:23-27; Lucas 20:1-8)

²⁷ Ca₂dsi₃lén₂ táng₃ juíg₂ Jerusalén. Jaun₂
 jme₁ma₂ñi₅ Jesús i₁dsi₅ guá'₅ templo, jaun₂
 ca₂jme₃quián₃ juíg₅₄ jme₂dsa₂, tē₅juá'₅, dsí₂gui'₅₄
 can'₅₄ ně₃. ²⁸ Jaun₂ ca₂ñag₃ dsa₂ 'éi₂ ca₂ñí'₃ Jesús:

—¿'E₂ ta₁ lín'₅ 'ne₂ a₂jmo'₂ ca₂le₃jě₃ 'e₂ a₂jmo'₂ ñi'₂?
 ¿'Ein₂ cuē₅ bí₂ 'éi'₃ a₂jmo'₂ le₂ně₅?

²⁹ Jaun₂ ca₂ñag₃ Jesús:

—Ján₃ bá₄ ñag₄ jniá₂ caun₂ 'nia'₂. Në₁jua'₂
 ca₂ñag'₅₄ 'nia'₂ lia'₂ tí₅, jaun₂ guē₄ juá'₄ jniá₂ 'ein₂
 cuē₅ bí₂ a₂jmo₂₃ ca₂le₃jě₃ a₂jmo₂₃. ³⁰ Ju₁lia'₂
 a₂ca₂chon₃ Juan₅₄ jmíg₂ dsa₂, ¿'ein₂ quió'₅ 'éi'₃ jaun₂?
 ¿Quió'₅ Diú₄, o₃ quió'₅ dsa₂ mi₂güí₃ 'e₂? Ñag₄ 'nia'₂.

³¹ Jaun₂ ca₂dsia₃ dsa₂ can'₅₄ jág₁ con'₂ guoin₅₄,
 ca₂juá'₂:

—Në₁jua'₂ ca₂chei₅₄ jniog₄ 'éi'₃ quió'₅ Diú₄ bá₄, ně₃
 cón'₅ bá₄ ñag₃: “¿'E₂ lě₃ tsá₃ ca₂rě₃ 'én'₂ 'nia'₂ jág₁
 quió'₅ 'éi'₂?” ³² ¿La₁ në₁jua'₂ ca₂chei₅₄ jniog₄ 'éi'₃
 quió'₅ dsa₂ mi₂güí₃ bá₄...?

La₁ ca₂rě₃gain₃ ca₂le₃jín₃ dsa₂ i₂quian'₅₄ Jesús. Ia₁
 ca₂le₃jín₃ dsa₂ jme₁'éin₂ a₂jme₁lín₄ Juan₅₄ tē₃dsón'₂
 jan₂ dsa₂ i₂'ě₂ jág₁ quián₅ Diú₄. ³³ Jaun₂ ca₂ñag₃ dsa₂
 can'₅₄ ca₂tsí'₃ Jesús:

† 11:25 A₂lin₅₄ chog₅₄ si₂ chi₁ton₅ versículo 26 ján₃, a₂juá'₂ le₂la₂: “Ia₁
 në₁jua'₂ tsá₃ 'én'₅ 'nia'₂ dsáu₁ ríng'₂, ján₃ bá₄ le₂jaun₂ tsá₃ 'én₂ Nèi'₅ 'nia'₂
 i₂guá₅ guei'₅₄ i₂juíg₃ dsáu'₂ 'nia'₂ guiong'₅₄”.

—Tsá₃ a₂jaun₂ ne₄ jnia'₅₄.

Jaun₂ ca₂ŋag₃ táng₃ Jesús:

—Ján₃ bá₄ tsá₃ juá'₄ jniá'₂ 'ein₂ cuë'₅ bí'₂ 'éi'₃ a₂jmo₂₃
ca₂le₃jě₃ 'e₂ a₂jmo₂₃ ŋi₂₃.

12

*Jág₁ jáng'₅ léi₄ ju₁lia'₂ co₂nió'₃ dsa₂ 'lín'₅₄ i₂jmó'₂ ta₁
ja₁nau₂*

(Mateo 21:33-46; Lucas 20:9-19)

¹ Jaun₂ ca₂jme₃lióg₃ Jesús ca₂juá'₂ quian'₅₄ jág₁
a₂jáng'₅ léi₄. Ca₂juá'₂:

—Jme₁chan₂ jan₂ dsa₂ ca₂chéin'₃ uing₂ a₂'ag₅ míg₂
uvas ja₁nau₂ quió'₅. Jaun₂ ca₂jmo₃ jní₁ le₃lág'₃.
Jaun₂ ca₂jmo₃ co₂ŋia₅₄ ja₁jlein'₃ míg₂. Jaun₂ ca₂chi'₃
caun₂ tsi₁'né₅ ŋei₅ ja₁guá'₃ jmo₃ 'í₁.

Jaun₂ ca₂lí'₃ jág₁ quian'₅₄ dsa₂ sián'₂ i₂nio₃
ne₄ ja₁nau₂, Jaun₂ ca₂ŋó₃ bá₄ 'ŋiog₅ i₂ŋí₃ juig₂
siá'₂. ² Jme₁ca₂tě₂ jein₂ a₂ca₂rau₂ míg₂, jaun₂
ca₂chen₃ dsa₂ juig₅₄ ja₁nau₂ jan₂ dsa₂ mozo
quiáin₅ a₂jme₁i₂mí₃ a₂jáng'₃ dsa₂ ca₂dsio₄ míg₂ con'₂
a₂ca₂tín₂ dsa₂ juig₅₄. ³ Dsa₂ jmó'₂ ta₁ ja₁nau₂ ně₃,
'nió'₄ a₂jme₁cuë'₃ a₂mí₅ dsa₂ 'éi₂, ca₂ŋau'₃, ca₂cuë'₃
dsa₂ 'éi₂ tioen'₅₄, ca₂dsióg'₂ bá₄, tsá₃ 'e₂ ca₂jáng'₃
a₂jme₁mí₅ 'éi₂. ⁴ Dsa₂ juig₅₄ ja₁nau₂ ně₃ ca₂chein₃
táng₃ jan₂ dsa₂ mozo sián'₂. I₂'éi₂ ně₃, ca₂cuí'₂
mí₂dsi₅₄, ca₂jmóg'₂ dsa₂ 'éi₂, jě₂ bá₄ ca₂tě₂ca₂'o'₂.
⁵ Jaun₂ dsa₂ juig₅₄ ja₁nau₂ ně₃ ca₂chein₃ bá₄ guě₄
jan₂ dsa₂ sián'₂ táng₃, la₁ i₂'éi₂ guě₄ ně₃ ca₂ŋi'₃. Juin₅
guě₄ i₂sián'₂ ca₂i₁len₅₄ ján₃. I₂lín₅₄ 'éi₂ qui₂ca₂cuë'₃,
i₂lín₅₄ guě'₂ ca₂jme₃dsiain₂₃ tioen'₅₄.

6 'Dsa₂ juig₅₄ ja₁nau₂ ně₃ jme₁chan₂ guě₄ jan₂ ja₁ŋi'₅₄ i₂jme₁'nioi₃ guě₄ lĩn₃. Jaun₂ ca₂chein₃ 'éi₂, ia₁ lĩn₂: “Jme₃gan₃ dsa₂ chi'₂ quiáng₃.” 7 La₁ dsa₂ tion'₅₄ ja₁nau₂ ně₃, ca₂dsia₃: “I₂ně₅ bá₄ tĩn₃ ja₁nau₂ la₂ cang₂; ně₃ o₁ŋi'₄ jniog₄, ia₁jaun₂ jniog₄ bá₄ lé₂ quián₂”. 8 Jaun₂ le₂jaun₂ bá₄ ca₂jmo₃. Ca₂ŋi'₃ bá₄ 'éi₂ tion'₅₄. Jaun₂ ca₂dsei₂₃ le₃co'₅₄ jní₁.

9 'Jaun₂, ħ'e₂ jmo₃ dsa₂ juig₅₄ ja₁nau₂? Jŋi'oi'₂ jme₃dsiain₂₃ ca₂le₃jĩn₃ dsa₂ i₂tion'₅₄ jmó'₂ ta₁ ja₁nau₂ quió'₅, jaun₂ dsia₃ gu₂ dsa₂ sián'₂ táng₃.

10 'ĤTsa₁ ma₂'í'₂ 'nia'₂ Si₂ ja₁juá'₂:
Nĩ₁cang₁ a₂tsá₃ ca₂rě₃ji'₅₄ tē₅'ia'₂,
ca₂dsióg₃ ca₂lě₃ ni₁cang₁ a₂dsen₅₄ guě₄
a₂tē₁ron₅₄ qui'₅₄ 'ia'₂;

11 con'₂ ně₅ lě₅ ca₂jmo₃ Te₁gui'₅₄,
jaun₂ 'ŋio₅ lĩn₃ bá₄ jlá'₁, lág₂ jniog₄?*

12 Jaun₂ jme₁'no'₂ dsa₂ juí₅ a₂jme₁tsáun'₂, ia₁ ca₂rě₃lí'₄ bá₄ guioin₅₄ a₂juá'₂ Jesús jág₁ jáng'₅ léi₄ ně₅ a₂'iĩn₂₃ 'éi₂ bá₄. La₁ ca₂rě₃gain₃ bá₄ dsa₂ juĩn₅ i₂quian'₅₄ Jesús. Jaun₂ i₂lein₃ bá₄, tsá₃ ma₃ca₂ŋau'₃.

Jág₁ juí₁lia'₂ 'lia'₅₄ a₂ca₂tĩn₂ dsi₂tan₅₄
(Mateo 22:15-22; Lucas 20:20-26)

13 Jaun₂ ca₂chen₃ dsa₂ can'₅₄ i₂lĩn₅₄ dsa₂ fariseos, quian'₅₄ i₂lĩn₅₄ dsa₂ quián₅ Rag₅₄ Herodes a₂dsi₃chi'₅₄ 'e₂ dsi₃chi'₅₄ Jesús, ia₁jaun₂ cuĩn₅ jmig₄ jo₅₄ juí₁lia'₂ bá₄ 'ŋiái₃ ca₂jon₄ jág₁ 'lia'₂. 14 Jaun₂ ca₂o₃lėin₂ ca₂juá'₂:

—Tē₅, ne₄ bá₄ jnia'₅₄ a₂dsón'₂ bá₄ juá'₂ 'ne₂ lia'₂ tí₅ jág₁. Jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ 'ag₅ dsa₂, ia₁ tsá₃ gang'₃ jmag'₅₄ juí₁lia'₂ dsa₂

* 12:11 Salmo 118:22-23.

dsen₅₄ ně₃. Caun₂ qui₂jme₂tíng'₁ bá₄ dsa₂ jui₅ quió'₅
Diú₄. ¿'I₄ 'éi'₃ qui₅₄ 'lia'₅₄ a₂ca₂tín₂ dsi₂tan₅₄ César?
¿'Nió'₅ qui₅₄ o₃ tsá₃ qui₅₄ 'e'₂?

15 La₁ ŋi₅ rē₂ bá₄ Jesús a₂lë₁i₂nio₄ juá'₂ o₁ne₁ bá₄
dsa₂ 'éi'₂. Jaun₂ ca₂juá'₂:

—¿'E₂ lë₃ cáun'₂ 'nia'₂ táu₂ jniá'₂? O₂quian₂ de'₂
'nia'₂ caun₂ cu₄ denario jaun₂ jág₄ jniá'₂.

16 Jaun₂ ca₂i₁quian₅₄ dsa₂. Jaun₂ jme₁ca₂jág₃
Jesús, jaun₂ ca₂ŋag₃:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ quió'₅ letra
ně₃?

Jaun₂ ca₂ŋag₃:

—Quió'₅ gui'₅₄ emperador César bá₄.

17 Jaun₂ ca₂juá'₂ táng₃ Jesús:

—Jang'₅₄ 'nia'₂ ne₄ César con'₂ a₂ca₂tín₂ César; ne₄
Diú₄ ně₃ jang'₅₄ 'nia'₂ con'₂ a₂ca₂tín₂ Diú₄.

Jaun₂ ca₂i₃gó'₃ dsí₅ jjin₂ 'éi'₂.

Ca₂ŋag₃ dsa₂ saduceos ju₁lia'₂ a₂jen'₅₄ 'lag₄

(Mateo 22:23-33; Lucas 20:27-40)

18 Jaun₂ ca₂o₃lén₂ i₂lín₅₄ dsa₂ saduceos ca₂o₃jjin₅₄
Jesús. Ia₁ tsá₃ 'én₂ dsa₂ 'éi'₂ a₂jen'₅₄ táng₃ dsa₂
jë₁ma₂dsain₃. Jaun₂ ca₂tsí'₃ Jesús:

19 —Të₅, ca₂quiog₂ Moisés si₂ a₂juá'₂, në₁jua'₂
ca₂jon₃ jan₂ dsa₂ ŋe'₂ të₃ tsá₃ ca₂can₃ 'io₅₄ quiáin₅
guein₂, tion'₅₄ 'nió'₅ jén'₂ gu₂ dsó₂ rin'₅₄ dsa₂ ŋe'₂
i₂ca₂jon₃ quiain'₅₄ 'io₅₄ 'nág₂ 'éi'₂, ia₁jaun₂ guein₂
i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ rin'₅₄. †

20 'Ia₁ jme₁chan₂ guion₃ dsa₂ ŋe'₂ i₂lín₅ jmá'₃ lia'₂
rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄ të₃ tsá₃
guein₂ ca₂can₃ 'io₅₄ quiáin₅. 21 Jaun₂ ca₂jen'₂ táng₃

† 12:19 'Nio'₂ ja₁ton₅ Deuteronomio 25:5-6.

gu₂ 'io₅₄ 'nág₂ 'éi₂ quiain'₅₄ jë₁ca₂të₂ on₃. Ján₃ bá₄ le₂jaun₂ ca₂jón₃ táng₃ dsó₂ 'éi₂, tsá₃ guein₂ ca₂can₃ 'io₅₄. Ján₃ bá₄ le₂jaun₂ ca₂lë₃ quian'₅₄ jë₁ca₂të₂ ún₂.
 22 Le₂jaun₂ bá₄ ca₂lë₃ quian'₅₄ ta₁guion₃ dsa₂ ñe'₂ con'₂ i₂jme₁lë₄ rin'₅₄: ca₂dsain₃ bá₄ të₃ tsá₃ guein₂ ca₂can₃ 'io₅₄ 'i₁jan₂ quiain'₅₄ 'i₁jan₂ dsó₂ 'éi₂. Jaun₂ ca₂jón₃ 'io₅₄ jme₁ca₂join₃ në₃. 23 Jaun₂ në₃, jmig₄ jë₁ma₂të₂ rë₁jen'₅₄ 'lag₄, ç'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guë'₂ dsa₂ ñe'₂ ca₂guá₂ quiain'₅₄.

24 Jaun₂ ca₂ñag₃ Jesús:

—'E₂ guë'₄ tsá₃ rë₂ ñí'₂ 'au'₂ 'nia'₂, ia₁ a₂tsá₃ cuiñ'₂ 'nia'₂ 'a₂ lia'₂ juá'₂ Si₂, on₃ guë'₂ cuiñ'₂ 'nia'₂ 'a₂ lia'₂ lë₅ jui₅bí₂ quió'₅ Diú₄. 25 Jë₁ma₂të₂ jmig₄ a₂jen'₅₄ 'lag₄, on₃jua'₅₄ a₂le₃chain₂ jua'₅₄ a₂qui₃jein'₂ guë'₄ gu₂, on₃ guë'₂ në₅ tóin'₃ guë'₄ jua'₅₄ a₂qui₃cuiñ₃ chi'₂ quián₅ a₂jein'₂ gu₂, ia₁ i₂lén₂ jui₁lia'₂ lín₅ ángeles i₂tion'₅₄ guei'₅₄ i₂juíg₃ bá₄ 'éi₂ jmig₄ jaun₂. 26 La₁ jui₁lia'₂ a₂jen'₅₄ táng₃ 'lag₄, çtsa₁ ma₂'í'₂ 'nia'₂ Si₂ quió'₅ Moisés jui₁lia'₂ ja₁juá'₂ 'ë₂₃ ni₁'ma₂ taun₅, ja₁ca₂juá'₂ Diú₄ ca₂tsí'₃ Moisés: “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob në₃?” †
 27 A₂lín₅ Diú₄ quian₅ dsa₂ jén'₃ bá₄, on₃jua'₅₄ rë'₂ Diú₄ quián₅ 'lag₄. Jaun₂ 'ñio₅ lín₃ tsá₃ rë₂ ñí'₂ 'au'₂ 'nia'₂.

*'Éi'₃ Juá'₅ a₂dsen₅₄ guë'₄ quió'₅ Diú₄
 (Mateo 22:34-40)*

28 Jaun₂ ca₂guan₃ jan₂ të₅juá'₅, ca₂nág₂ jág₁ a₂tsin₅ Jesús quian'₅₄ dsa₂, ca₂rë₃lí'₄ bá₄ a₂ca₂ñag₃ Jesús lia'₂ tí₅ jág₁. Jaun₂ ca₂ñag₃:

† 12:26 Éxodo 3:6.

—¿'E₂ 'Éi'₃ Juá'₅ a₂le₂'uig₅₄ a₂lě₅ a₂dse_n₅₄ guě₄ con'₂ guě₄ ca₂le₃jě₃ juá'₅?

29 Jaun₂ ca₂ηag₃ Jesús:

—'Éi'₃ Juá'₅ le₂'uig₅₄ con'₂ guě₄ ca₂le₃jě₃, juá'₂: “Nei₂ 'nia'₂ dsa₂ chan₂ juig₂ Israel. Jan₂ Te₁gui'₅₄ bá₄ lín₅ Diú₄ quián₂ jniog₄. 30 Jme₁'nió₄ 'nia'₂ Te₁gui'₅₄ Diú₄ quiáng'₂ ca₂le₃jě₃ 'au'₂, ca₂le₃jě₃ jme₂dsí₂ quiáng'₂, ca₂le₃jě₃ 'a₂ lia'₂ ηí'₂ dsei'₂, ca₂le₃jě₃ bí₂ quiáng'₂.”Š 31 Jē₁ca₂tě₂ tin₃ juá'₅ ně₃ juá'₂: “A₂jme₁'nióg'₄ dsa₂ mi₂güí₃ ríng'₂ ju₁lia'₂ 'niog'₂ 'ηiag'₂.”* Jñia'₅₄ lia'₂ a₂tin₃ ně₅ bá₄ juá'₅ a₂lě₅ a₂dse_n₅₄ guě₄ con'₂ guě₄ ca₂le₃jě₃ 'Éi'₃ Juá'₅ quió'₅ Diú₄.

32 Jaun₂ ca₂ηag₃ tě₅juá'₅ 'éi₂:

—Tě₅, 'ηio₅ dse₃ lia'₂ ně₂ηag'₅₄; a₂dsón'₂ bá₄ dsau₅ jan₂ bá₄ Diú₄ i₂chan₂, tsá₃ ma₃'ein₂ diú₄ sián'₂ chan₂. 33 A₂jaun₂ bá₄ a₂dse_n₅₄ guě₄ a₂jme₃'nio₃ dsa₂ Diú₄ ca₂le₃jě₃ dsí₅, ca₂le₃jě₃ jme₂dsí₂, ca₂le₃jě₃ bí₂ quió'₅; a₂jme₃'nio₃ dsa₂ riin'₅₄ ju₁lia'₂ 'nioi₃ 'ηiog₅. A₂jaun₂ bá₄ a₂quen₅ guě₄ con'₂ guě₄ ca₂le₃jě₃ 'e₂ niog₅ jén'₅ dsa₂ ne₄ Diú₄, o₃ 'e₂ a₂qui₂dsí'₂ dsa₂ ne₄chei₂ ně₃.

34 Jaun₂ jme₁ca₂nág₂ Jesús ca₂ηag₃ bá₄ dsa₂ 'éi₂ a₂ηí'₂ dse₃ dsí₅, jaun₂ ca₂juá'₂:

—Tsá₃ uíng₂ ηí'₂ ja₁gon₂ Diú₄.

Jaun₂ tě₂le₃ ne₄ ju₁ guě₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ηág₃ guě₄ 'e₂ ηag₃.

¿'Ein₂ tsi₁jon₂ quián₅ lín₅ I₂rě₂ 'ñ₁ quián₅ Diú₄?
(Mateo 22:41-46; Lucas 20:41-44)

Š 12:30 Deuteronomio 6:4-5. * 12:31 Levítico 19:18.

³⁵ Jaun₂ ca₂jéin'₃ Jesús jág₁ jë₄ jme₂tšin₂₃ dsa₂ i₁ dsi₅ guá'₅ templo, jaun₂ ca₂juá'₂:

—ǎ'_{A2} lia'₂ lě₅ juá'₂ tē₅juá'₅ a₂lín₅ tsi₁jon₂ David I₂rē₂'ín₁ quián₅ Diú₄, ³⁶ ton'₂ 'ñiog₅ bá₄ guē'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jñio₅ tē₂dsí₅:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá'₂ tē₂le₃ gu₃ ne₁,

ca₂lia'₂ ca₂tě₂ jmig₄

a₂tón'₁ jniá'₂ dsa₂ i₂'iog₅₄ o₄tag'₄”†

³⁷ ǎ'_{A2} bá₄ lia'₂ lě₅ jaun₂ a₂lín₅ tsi₁jon₂ David, ton'₂ 'ñiog₅ bá₄ guē'₂ David ca₂tě₃ “Te₁gui'₅₄ quiáng?”

Ca₂le₃jín₃ dsa₂ juin₅ 'éi₂ jme₁nag₂₃ 'ñio₂ dsí₅ jág₁ quió'₅.

*Chóg'₅ Jesús dso₄ juá'₂ 'a₂ lia'₂ niog₅ lín₅ tē₅juá'₅
(Mateo 23:1-36; Lucas 11:37-54; 20:45-47)*

³⁸ Tē₃jë₄ jme₂tšin₂₃ dsa₂, ca₂juá'₂:

—Ní₂ 'nia'₂, jmo₄ 'nia'₂ 'í₁ tsá₃ i₂can₂ 'nia'₂ jui₅ jui₁lia'₂ niog₅ lín₅ tē₅juá'₅. Ia₁ tē₅ dsí₅ i₂nioi₅₄ le₁qui'₂ 'mí'₂ chen'₅₄ jang₄, ton'₂ tē₅ dsí₅ qui₂cuag₃ dsa₂ Diú₄ jë₄ 'ma'₅₄, ³⁹ ton'₂ jmá'₃ lia'₂ ja₁dsen₅₄ bá₄ qui₂dsí₂tiain'₂ jui₁lia'₂ dsi₂néi₂ guá'₅ sinagoga, ton'₂ jmá'₃ lia'₂ ja₁dsen₅₄ bá₄ dsi₂toin'₅₄ ja₁dsi₂gué'₃ jui₁lia'₂ ja₁niog₅ jmig₄. ⁴⁰ Qui₂jniá'₂ 'ne₄ 'io₅₄ 'nág₂ ně₃, jaun₂ a₂jnia'₅₄ con'₂ 'ma₂₃ jlě₅ a₂jmo₂₃ jaun₂, chi₁lén'₂ Diú₄ uě₂ lín₃ tē₃jín₄ dsa₂. La₁ 'e₂ guē'₄ uig₅ cuē₃ Diú₄ quió'₅ i₂le₂'éi₂.

*Ca₂tó'₂ 'io₅₄ 'nág₂ te₂ñé₂ cu₄ quió'₅
(Lucas 21:1-4)*

† 12:36 Salmo 110:1.

41 Co₂ráun₂ guá₅ Jesús i₁dsi₅ guá'₅ cau₅ tsi₁gu₅ ja₁tó'₅ dsa₂ cu₄ ofrenda. Jaun₂ guá₅ jín₂ dsa₂ i₂dsi₂lén₂ dsi₂tio'₂ cu₄ 'ñió'₃ tsi₁gu₅. Jaun₂ ně₃, juin₅ dsa₂ cha₂ cu₄ dsi₂lén₂ dsi₂tio'₂ 'lióng₂ cu₄. 42 La₁ tē₃jě₄ jaun₂ ca₂dsióg₃ jan₂ 'io₅₄ 'nág₂ te₂ņé₂. Jaun₂ ca₂tó'₂ tin₃ njí guéin₂.† 43 Jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—A₂dsi₂jó'₃ juíg₂ jniá₂ 'nia'₂, 'lióng₂ guě₄ ně₂tió'₂ 'io₅₄ 'nág₂ te₂ņé₂ ně₅, lia'₂ con'₂ guě₄ ca₂le₃jín₃ i₂ma₂ně₂tió'₂ 'ñió'₃ tsi₁gu₅. 44 Ia₁ 'éi₂ ně₃ cu₄ a₂ma₂qui₂rě₂tsón₂ bá₄ jaun₂ quió'₅ cuě₂₃. 'Io₅₄ 'nág₂ ně₅ ně₃, ca₂le₃jě₃ bá₄ ně₂cuě₃, con'₂ a₂jme₁ron₅ quió'₅, 'nió'₄ a₂jme₁lá₃ a₂guě'₃.

13

Ca₂'ě₂ Jesús jág₁ a₂dsi₃'én₂ bá₄ guá'₅ templo

(Mateo 24:1-2; Lucas 21:5-6)

1 Con'₂ jme₁ma₂'ein₅₄ jui₅ o₂'iin₅ i₁dsi₅ guá'₅, jaun₂ ca₂juá'₂ jan₂ chi'₂ dsi₂guia₃-tín₂ quiáin₅:

—iTě₅, jag₄ 'e₂ guě₄ jlá'₁ ni₁cang₁ a₂le₁juí₄ a₂lě₅ guá'₅!

2 Jaun₂ ca₂ņag₃ Jesús:

—ǰJág'₂ 'né₅ ca'₅₄ a₂te₁'i₁ ně₅? Já₅ caun₂ jmig₄, 'i₁ca₂míg₂ ni₁cang₁ tsá₃ ma₃'e₂ le₁juí₄ lě₂.

Léi₄ a₂lé₂ jmig₄ jě₁ca₂tó'₂

(Mateo 24:3-28; Lucas 21:7-24; 17:22-24)

3 Jme₁ca₂dsióg₃ Jesús má'₂ Olivos a₂chí'₅ quióng₄ guá'₅, ja₁jaun₂ ca₂guá₂. Jaun₂ ca₂guan₃ Pe₄, Jacobo,

† 12:42 lit. “tin₃ njí lepta.”

quiain'₅₄ Juan'₅₄, Drě'₄ ně'₃, ca₂tsí'₃ Jesús con'₂ jě'₄ tē₃co'₅₄:

⁴ —Jua'₅₄ líg'₂ bá'₄ le₃ti₃ a₂juá'₂ 'ne₂ ně₅. 'Niog₂ jnia'₅₄ le₃ne₄. ħ'E₂ léi₄ a₂lé₂ né'₃ a₂tě₅₄ jmig₄ jaun₂?

⁵ Jaun₂ ca₂ŋag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅.

⁶ Ia₁ juin₅ i₂tě₁i₃nio₄ a₂juá'₂ i₂nioi₅₄ o₄quió₃ jniá₂, juá'₂: “Jniá₂ bá'₄ líng₅ 'éi₂,” jaun₂ juin₅ dsa₂ i₂qui₂jme₃gain₂₃.

⁷ Jě₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó₁ 'nia'₂ gang'₃, ia₁ le₂jaun₂ dsón'₂ lé₂ bá'₄. La₁ on₃jua'₅₄ jmig₄ jě₁ca₂tó'₂ jaun₂. ⁸ Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ guě'₂ ně₃ qui₃tóin'₃ m_i'₅₄ quín'₂ quian'₅₄ dsi₂tan₅₄ riin'₅₄ i₂chan₂ juig₂ siá'₂. 'Lióng₂ ja₁qui₂dsi₃bi₅₄ 'uě₃ lé₂, ton'₂ le₃cha₂ 'lióng₂ ja₁qui₂i₂nio₄ dsa₂ 'oin₅₄. A₂le₂'uig₅₄ jmi₁uig₅ bá'₄ guě'₄ ně₅, ju_ilia'₂ jan₂ 'io₅₄ i₂rě₂chan₂ guein₂ quián₅.

⁹ 'Rě₂ján'₁ 'nia'₂ chang'₂, ia₁ qui₃jín'₂ dsa₂ 'nia'₂ ne₄ dsi₂tan₅₄ quián₅ guá'₅ ia₁jaun₂ bóg₂ dsa₂ dsi₂néi₂ guá'₅ sinagogas. Jaun₂ dsi₁nó'₅ 'nia'₂ tē₃ne₄ dsi₄má'₂, ne₄ rag₅₄ ně₃, 'uig₅₄ quió₃ jniá₂; ja₁jaun₂ o₁jang'₄ 'nia'₂ jág₁ dsau₅. ¹⁰ Jág₁ quió'₅ Diú₄ de'₂ jniá₅ 'nió'₅ dsi₃ag₅ le₂con₂ mi₂güig₃. ¹¹ Jě₁ma₂tě₂ rě₁qui₃tě₂ dsa₂ 'nia'₂ a₂dsi₁jó₂ ne₄ dsi₂tan₅₄, tsá₃ jmó'₂ 'nia'₂ 'i₅ 'au'₂ tē₃jniá₅ 'e₂ ŋag'₅₄. La₁ ŋag₄ bá'₄ 'nia'₂ con'₂ jág₁ a₂ma₂ca₂ŋi'₂ 'nia'₂ hora jaun₂, ia₁ on₃jua'₅₄ guion'₅₄ 'nia'₂ a₂ŋag'₅₄ jág₁ jaun₂; Jme₂dsí₂ Jnió₅ bá'₄ i₂jmo₃. ¹² Ia₁ tón'₃ dsa₂ qui₃jín'₂ riin'₅₄ jmig₄ jaun₂, jaun₂ ŋag'₃ dsa₂; ju_ilia'₂ jmei₂ qui₃jín'₂

chi'₂ quiáin₅. Chi'₂ guë'₂ ně₃, jme'₃ŋiaᵢ₅₄ chog₅₄-jmei'₂; chan₂ guë'₂ i₂qui₂jme₃dsian₅ chog₅₄-jmei'₂ ně₃. 13 Ca₂le₃jín₃ dsa₂ jme'₃ŋiaᵢ₅₄ 'nia'₂ 'uig₅₄ quió'₃ jniá₂, la₁ jui'₁lia'₂ i₂tió'₃ náu₃ tiá₂ tē₂ jē₁ca₂tó'₂, tiin'₄ bá₄.

14 'Jaun₂ ně₃, já₅ jmig₄ a₂tē₅₄ ne'₅₄ 'nia'₂ a₂náu₃ jan₂ dsa₂ i₂ju'₁si 'lin'₅₄ ja₁tsá₃ 'i₄ 'éi'₃ náu₃, * —jaun₂ ju'₁le₂ŋí'₂ bá₄ i₂'₅ si₂ la₂—; jaun₂ ně₃, dsa₂ i₂tián'₅ le₂tan₅₄ 'uë₃ Judea, ju'₁cuing₁₂ ju'₁ má'₂. 15 Ju'₁lia'₂ i₂'en₅₄ guei'₅₄ 'ne₄, tsá₃ ju'₁sióin₄ jua'₅₄ a₂'uë'₃ 'e₂ 'uë'₃ dsi₂néi₂ quió'₅; 16 ju'₁lia'₂ i₂'en₅₄ ja₁nau₂ quió'₅ táng₃, tsá₃ ma₃ju'₁ŋioi'₅₄ jua'₅₄ a₂ja₃quián₂ tsi'₁mi'₂ dsióg₂ quió'₅. 17 ju'₁g₂ bá₄ ju'₁lia'₂ dsa₂ m'₂ i₂le₁quian₅ guein₂, ju'₁lia'₂ i₂chan₂ guein₂ bē'₅₄ i₂'ín'₂ dsi'₅₄ quió'₅ ně₃, jmig₄ jaun₂! 18 Mí₄ 'nia'₂ ne₄ Diú₄ tsá₃ ju'₁dsi₂ŋí'₂ 'nia'₂ a₂jaun₂ ju'₁lia'₂ jein₂ güig₂. 19 Ia₁ juá'₅ jniá₂, caun₂ o₂i₁ dsí₅ lín₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rē₃chá₃ ca₂le₃ ca₂nio₃ mi₂güig₃, on₃ guë'₂ ma₃niog₅ jmig₄ jua'₅₄ a₂le₃cha₂ guë'₄ cang₂. 20 Jua'₅₄ mei'₂ guë'₃ Te₁gui'₅₄ tsá₃ ma₂ca₂jme₃tē₃ jmig₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guë'₃ tsá₃ le₂jaun₂. La₁ ma₂ca₂jme₃tē₃ bá₄ jmig₄ jaun₂ o₄quió'₄ i₂quion'₅₄ quiáin₅.

21 'Nē₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “jag₄ 'nia'₂! La₂ bá₄ chén'₅ I₂rē₂'ín₁ quián₅ Diú₄”, o₃ ně₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂. 22 Ia₁ juin₅ dsa₂ i₂jme₃gau₅ ja₃lén₂ a₂juá'₂ lín₅ I₂rē₂'ín₁ quián₅ Diú₄, a₂juá'₂ ně₃ a₂lín₅ dsa₂ i₂'ě₂ jág₁ quián₅ Diú₄; 'lióng₂ léi₄ juë'₂ a₂o₂dsain₂

* 13:14 'Nio'₂ ja₁ton₅ Daniel 9:27; 11:31; 12:11.

jmo₃ a₂jme₃gain₂₃ dsa₂. Jua'₅₄ mei'₂ guě₃ lé₂, ca₂tě₂
dsa₂ i₂quion'₅₄ quián₅ Diú₄ jme₃gain₂₃. ²³ La₁ chan'₂
'nia'₂ rě₂jáng'₁, † jaun₂ le₂ně₅ ma₂ně₂juíg₂ jniá₂ 'nia'₂
ca₂le₃jě₃ tě₃ŋiá₅.

'A₂ lia'₂ guan'₂ Jaun₅ dsa₂ mi₂güig₃
(Mateo 24:29-35, 42—44; Lucas 21:25-36)

²⁴ Jě₁ma₂ca₂ŋag₅ jmig₄ o₂i₁ dsi₅ jaun₂,
'iog₂ ně₃ co₂dsia₅ le₃lia'₂,
tsi'₂ ně₃ tsá₃ ma₃tág₅ jnia₅₄;

²⁵ Nei₅ guě'₂ ně₃ qui₂tsi₃séi'₂; †
ca₂le₃jě₃ guě'₄ 'e₂ bí₂ cha₂ guei'₅₄ mi₂güig₃
qui₃guian'₃. §

²⁶ 'Tě₃jě₄ jaun₂ guě'₄ ně₃, jín₂ dsa₂ Jaun₅ dsa₂
mi₂güig₃, jŋi₁oi'₂ guei'₅₄ jě₄ jnei₅ quian'₅₄ ca₂le₃jě₃
jui₅bí₂ a₂'io₂₃ jláin'₁. ²⁷ Jaun₂ qui₃chein₃ ángeles
quián₅, a₂tě₂ dsa₂ i₂quion'₅₄ quián₅ i₂chan₂ ca₂le₃jě₃
juig₂ te₁'i₁ ca₂taun₂ ca₂taun₂ mi₂güig₃.

²⁸ 'Jme₁tin₅ 'nia'₂, ju₁le₂ŋí'₂ 'au'₂ jág₁ a₂jáng'₅
léi₄ ju₁lia'₂ ni₁'ma₂ a₂'ag₅ míg₂ higos; jme₁chéi'₂
gu'₂-nei'₅₄, qui₂ja₂'iá₃ mog'₅₄ ně₃, ŋi'₅₄ bá₄ 'nia'₂
a₂ma₂ja₂quián₃ jein₂ 'iog₂ bá₄ jaun₂. ²⁹ Le₂ně₅ bá₄
'nia'₂ jaun₂ ně₃, jě₁ma₂tě₅ ne'₅₄ a₂lě₂ ca₂le₃jě₃ a₂ně₅,
ju₁le₂ŋi'₅₄ bá₄ 'nia'₂ a₂ma₂ja₂quián₃, ně₂jag₄ bá₄
i₂ma₂chén'₅ o₄'né₄ bá₄ 'éi₂. ³⁰ A₂dsi₂jó'₃ juá'₅ jniá₂
juíg₂ 'nia'₂, tsá₃ dsi₃ŋí'₂ tsi₁jon₂ la₂,* ca₂lia'₂ ca₂lě₃
ca₂le₃jě₃ a₂ně₅. ³¹ Jaun₂ já₅ jmig₄, guei'₅₄ dsi₂güig₂

† 13:23 o₃, “ŋí₂ 'nia'₂”. † 13:25 Co₂'nió'₄ le₃jua'₅₄, caun₂ cosa a₂tsá₃
'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.
§ 13:25 Isaiás 13:10; 34:4. * 13:30 o₃, “né'₃ a₂dsián₃ dsa₂ i₂lín₅
raza la₂.”

quian'⁵⁴ mi₂güig₃ la₂ ñag₅, la₁ jág₁ quió'₃, o₁líg'₂ jmig₄ tsá₃ ñag₅ jua'⁵⁴ a₂tsá₃ le₃tí₃.

³² 'La₁ 'i₁jan₂ tsá₃ 'ein₂ ñi₅ 'e₂ 'ió'₄, 'e₂ hora lé₂ a₂jaun₂, on₃ guë'₂ ángeles i₂tion'⁵⁴ guei'⁵⁴ i₂juig₃, on₃ guë'₂ 'ñiog₅ Ja₁ñi'⁵⁴ Diú₄. Jñia'⁵⁴ lia'₂ 'ñiog₅ bá₄ Diú₄ Jmei₂ ñi₅.

³³ 'Chan'₂ 'nia'₂ rë₂jáng'₁, jme₁jnio₂ 'nia'₂ ne'⁵⁴, ia₁ tsá₃ ñi'⁵⁴ 'nia'₂ 'e₂ jmig₄ lé₂. ³⁴ Lé₂ jui₁lia'₂ jan₂ dsa₂ i₂o₂'in₅ dsi₂néi₂ quió'⁵, dsó₅ dsi₂ñí₃ úing₂; dsia₂₃ gu₂ dsa₂ i₂jme₂tí₃ ne⁵⁴ dsi₂néi₂ quió'⁵, le₂jan₂ le₂jan₂ 'éi₂ jma₃quén₅ ta₁ cuë'₅ con'₂ ca₂tíin₂, tsí'₅ mozo i₂jmo₅ 'í₁ o₄'né₄ a₂chain₂ rë₂jáin₁. ³⁵ Jaun₂ le₂në₅ bá₄ 'nia'₂ ján₃, rë₂jáng'₁ 'nia'₂ chang'₂, ia₁ tsá₃ ñi'⁵⁴ 'nia'₂ 'e₂ 'ió'₄ guan'₂ dsa₂ i₂quió'⁵ dsi₂néi₂, tē₂le₃ ca₂nei₂, o₃ dsi₃nei₅, o₃ jē₁ma₂ca₂'o₃ i₁tú₃, o₃ tē₂le₃ ca₂jnia₃ 'e₂, ³⁶ ia₁ con'₂ tsá₃ ñó₅ nē₁jua'₂ ca₂guáin'₃ co₂tiá₂, jo⁵⁴ rë₂güin'₃ 'nia'₂. ³⁷ Jaun₂ jág₁ a₂juig₂ jniá₂ 'nia'₂ la₂, juig₂ ca₂le₃jín₃: “iChan'₂ 'nia'₂ rë₂jáng'₁!”

14

Ca₂quin'₃ dsa₂jág₁ a₂tsáin'₂ Jesús

(Mateo 26:1-5; Lucas 22:1-2; Juan 11:45-53)

¹ Tin₃ jmig₄ né'₃ a₂tē⁵⁴ Jmig₄ Tē₂'in⁵⁴, a₂guë'₅ dsa₂ i₁ñí'₄ 'ua'₂ a₂tsá₃ jui₁ levadura quian'⁵⁴, jaun₂ juig⁵⁴ jme₂dsa₂, tē₅juá'₅ nē₃ ca₂'náu'₃ jui₅ 'a₂ lia'₂ tsáin'₂ Jesús quian'⁵⁴ caun₂ mai⁵⁴, jaun₂ jñag'₃. ² Jaun₂ ca₂dsia₃ jág₁, juá'₂:

—La₁ tsá₃ 'nió'₅ jmó₁ jniog₄ tē₃ niog₅ jmig₄, jme₁né₄, ia₁ con'₂ tsá₃ ñó₅ nē₁jua'₂ ca₂tó'₂ dsa₂ juig₂ mi'⁵⁴.

Jan₂ 'io₅₄ ca₂tsi_{in}₂ no_'₅₄ mi₂juig₂ Jesús
(Mateo 26:6-13; Juan 12:1-8)

³ Lia_'₂ con_'₂ 'ein_'₅₄ guě₄ juig₂ Betania ja₁ quió_'₄ i₂tě_'₂ dsa₂ Si₂mu_'₅₄ 'Mé_'₅ 'Iog₅, jaun₂ ca₂dsióg₃ jan₂ 'io_'₅₄ quian₅ caun₂ tsí₅ no_'₅₄ mi₂juig₂ a_'mu_'₅₄, a₂lě₅ jmá_'₃ no_'₅₄ quió_'₅ mi_'au₂ nardo. Jaun₂ ca₂niá₃ ni₁tsí₅, jaun₂ ca₂ág₂ no_'₅₄ mi₂dsi₄ Jesús. ⁴ Jaun₂ i₂lin_'₅₄ dsa₂ i₂tion_'₅₄ ja₁ jaun₂, dséin₂ ca₂tíin₂, jaun₂ ca₂dsia₃:

—Tsá₃ ne₄ 'e₂ lě₃ ně₂'éin₂ no_'₅₄ mi₂juig₂ quió_'₅.
⁵ Jua_'₅₄ co₂ņei_'₅₄ bá₄ ně₂'nag₃ quian_'₅₄ 'ni₅ 'ņiá₂-láu₂ 'éi_'₃ cu₄ denario, jaun₂ jme₁jme₂'oin_'₅₄ dsa₂ te₂ņé₂.

Jaun₂ ca₂dséin₃ quia_{in}_'₅₄ 'io_'₅₄ 'éi₂.

⁶ Jaun₂ ca₂juá_'₂ Jesús:

—Tsá₃ lě₁lein_'₅₄. ĸ'E₂ lě₃ cuě_'₂ 'nia_'₂ o₂me_'₅₄ dsi₅? A₂ně₂jmóg_'₂ ně₅, caun₂ a₂dse₃ bá₄ ně₅. ⁷ Ca₂le₃jě₃ jmig₄ bá₄ i₂nio₄ dsa₂ te₂ņé₂ jin_'₄ 'nia_'₂; lé₂ bá₄ jme₁'oin_'₁, chi₂jua_'₂ líg_'₂ 'niog_'₂ 'nia_'₂ jme₁'oin_'₁. La₁ jniá₂ ně₃ tsá₃ ma₃uě₂ 'en_'₅₄ jniá₂ quian_'₅₄ 'nia_'₂. ⁸ 'Io_'₅₄ ně₅, ně₂jmo₃ 'a₂ con_'₂ jñia_'₅₄ le₃qui_'₅₄ jmig₄ jmo₃. Ma₂ně₂tsáng₂ tē₂jñiá₅ no_'₅₄ mi₂juig₂ quió_'₃, ma₂ně₂jmóg_'₂ co₂jñia_'₅₄ jě₁matě₂ rē_'₁ong₃.
⁹ A₂dsi₂jó_'₃ juig₂ jniá₂ 'nia_'₂, ca₂le₂con_'₂ mi₂güig₃ ja₁'ě₂ dsa₂ jág₁ dse₃ quió_'₃, ján₃ bá₄ le₂jaun₂ dsiog_'₂ dsí₅ dsa₂ 'iin₃ 'io_'₅₄ ně₅.

Jmo₅ Judas caun₂ jág₁ a₂'ni₂₃ Jesús
(Mateo 26:14-16; Lucas 22:3-6)

¹⁰ Jaun₂ ně₃ Judas Iscariote i₂jme₁lín_'₄ jan₂ chi_'₂ dsi₂guia_'₃-tín₂ quián_'₅ Jesús, ŋei_'₅₄ i₁dsia₂ jág₁ quian_'₅₄ juig₅₄ jme₂dsa₂ a₂jáng_'₂. ¹¹ Jaun₂ 'io_'₂ jmo₅ dsa₂ can_'₅₄ jme₁ca₂nág₂, jaun₂ ca₂jén_'₃ cu₄. Jaun₂ guě₄ ně₃

ca₂'náu'₃ Judas dsí₅ 'a₂ lia'₂ cuin₅ jmig₄ a₂jíin'₂ Jesús,
jaun₂ tsáun'₂ dsa₂.

Má₃ jë₁ca₂tó'₂ quió'₅ Te₁gui'₅₄

1 Corintios 11:23-26)

¹² Jmig₄ le₂'uig₅₄ a₂nio₅ Jmig₄ Të₂'in₅₄ a₂guë'₅
dsa₂ i₁ñí'₄ a₂tsá₃ quian'₅₄ levadura, jmig₄
a₂jme₁jme₂dsian₅ dsa₂ já'₂ cha'₂ quián₅ jmig₄, jaun₂
ca₂ñag₃ chi'₂ dsi₂guia₃-tín₂ ca₂ñí'₃ Jesús:

—¿A₂já'₄ 'niog'₂ dsi₁jmo₁ jnia'₅₄ co₂jñia₅₄ má₃ Jmig₄
Të₂'in₅₄ quiáng'₂?

¹³ Jaun₂ ca₂chein₃ on₃ chi'₂ dsi₂guia₃-tín₂ quiáin₅,
ca₂juá'₂:

—O₂nó'₅ 'nia'₂ jë₄ juig₂. Ja₁jaun₂ jen'₂ 'nia'₂ jan₂
dsa₂ ñe'₂ i₂quion₂ jmig₂ quian'₅₄ ni₁dsig₁. Jaun₂
o₁'én'₃ 'nia'₂ dsa₂ 'éi₂. ¹⁴ Dsi₂néi₂ ja₁'í₂ 'éi₂, juig'₅₄
dsa₂ juig₅₄ dsi₂néi₂: “Le₂la₂ juá'₂ të₅, ¿Na₂ dsi₂néi₂
ja₁guë'₄ Jmig₄ Të₂'in₅₄ co₂lë₅ quian'₅₄ chi'₂ dsi₂guia₃-
tín₂ quiáng'?” ¹⁵ Jaun₂ 'éi₂ ně₃, 'ë₃ caun₂ dsi₂néi₂
juë'₂ ja₁lë₄ guei'₅₄ a₂ma₂lë₅ co₂jñia₅₄. Ja₁jaun₂ o₂jmo₄
'nia'₂ co₂jñia₅₄ má₃ que₅₄ jniog₄.

¹⁶ Jaun₂ ca₂l₃lén₂ bá₄ dsa₂ on₃ 'éi₂. Jme₁ca₂dsi₃lén₂
jë₄ juig₂ ně₃, ca₂dsó'₂ lia'₂ con'₂ lë₅ já₁ ca₂juá'₂ Jesús.
Jaun₂ ja₁jaun₂ ca₂jmo₃ co₂jñia₅₄ má₃ a₂guë'₃ Jmig₄
Të₂'in₅₄.

¹⁷ Jme₁ca₂nei₂ jaun₂, ca₂dsióg₃ Jesús quian'₅₄
ta₁guia₃-tín₂ chi'₂ dsi₂guia₃-tín₂. ¹⁸ Jme₁ma₂tiáin'₅
guë'₅, jaun₂ ca₂juá'₂ Jesús:

—A₂dsi₂jó'₃ juá'₅ jniá₂ la₂, jan'₂ 'nia'₂ i₂guë'₅ jniá₂
co₂lë₅ quiang'₅₄ bá₄ i₂jang'₂ jniá₂.

¹⁹ Jaun₂ ně₃ ca₂tá'₂ 'lia'₂ dsí₅ 'ñio₅ lín₃ tiáin'₅, jaun₂
ca₂jme₃lióg₃ ca₂ñí'₃ Jesús le₂jain₂ le₂jain₂, ca₂juá'₂:

—¿On₁jua'₅₄ jniá'₂ 'ág'₅?

²⁰ Jaun₂ ca₂ŋag₃ Jesús:

—Jan'₂ 'nia'₂ i₂lě₂ guia₃-tín'₂ i₂tiá'₂ mi₂gu₂ co₂lě₅ 'ŋió'₃ uing₅ quian'₅₄ jniá'₂. ²¹ Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ jui₅ dsó₃ lia'₂ con'₂ lě₅ juá'₂ ne₄ Si₂; la₁ i'e₂ guě₄ juig₂ dsa₂ i₂jáng'₂! Jme₁dse₃ quió'₅ jua'₅₄ co₂ŋei'₅₄ bá₄ tsá₃ ca₂rě₃cháin₃.

²² Tě₁lia'₂ tián'₅ guě'₅, ca₂ŋa'₃ Jesús i₁ŋí'₄, ca₂cuě'₃ ti₁'mag'₄ Diú₄, jaun₂ guě₄ ně₃ ca₂dsioin₃, ca₂cuě'₃ chi'₂ dsi₂guia₃-tín₂ quiáin₅. Jaun₂ ca₂juá'₂:

—Qué'₂ 'nia'₂, ia₁ ŋi₃ bá₄ jniá'₂ i₁ŋí'₄ la₂.

²³ Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsi₂guia₃-tín₂. Jaun₂ ca₂le₃jín₃ bá₄ ca₂'in'₃.

²⁴ Ca₂juá'₂ Jesús:

—Jmi₃ bá₄ jniá'₂ la₂, a₂li'₅₄ jág₁ 'mí₂ a₂tě₃ron₅₄,* a₂niog₅ dsi₃'o₅₄ o₄quió'₄ juin₅ dsa₂. ²⁵ Dsón'₂ juá'₅ jniá'₂, tsá₃ ma₃líg'₂ jmig₄ jua'₅₄ a₂gui'₅₄ guě₄ táng₃ vino ca₂lia'₂ ca₂tě₂ jmig₄ i₁gui'₄ táng₃ caun₂ vino 'mí₂ co₂lě₅ quiang'₅₄ 'nia'₂ ja₁gon₂ Diú₄.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Mateo 26:30-35; Lucas 22:31-34; Juan 13:36-38)

²⁶ Jme₁ca₂lě₃ 'ě₂₃ jme₂juin'₂ Diú₄, jaun₂ guě₄ i₃lěin₂ ju₅ Má'₂ Olivos. ²⁷ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂, 'ág'₁ 'nia'₂ caun₂-tín₃ 'au'₂; ia₁ rě₂ton₅ ne₄ Si₂ ja₁juá'₂: “Jŋí'₄ jniá'₂ dsa₂ i₂ŋia₅ já'₂ cha'₂, jaun₂ já'₂ cha'₂ ně₃

* **14:24** 'Nio'₂ ja₁ton₅ Éxodo 24:8; Jeremías 31:31-34; Hebreos 10:29; 13:20.

dsi₃lén₂ tsi₁rē₂jain₅₄.”† 28 La₁ cang₂jē₁ma₂ca₂jeng'₅₄
táng₃, nei₅₄ jniá₂ jniág₅ juí₅ Galilea lia'₂ con'₂ gué₄
'nia'₂.

29 Jaun₂ ně₃ ca₂ḡag₃ Pe₄:

—O₁jnia'₅₄ la₂ ca₂'ág₂ caun₂-tin₃ dsí₅ ca₂le₃jín₃
rín₃'₃, la₁ jniá₂, o₁líg'₂ jmi₄g₄ tsá₃ 'ag₅₄ caun₂-tin₃ dsi₃.

30 Jaun₂ ca₂juá'₂ Jesús:

—A₂dsi₂jó'₃ juá'₅ jniá₂, a₂'uē₂ ně₃, né'₃ a₂'ó₃
jē₁ca₂tě₂ tin₃ ráun₂† tē₁guí₄ dsó₂, hora jaun₂ dé₄
dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.

31 Jaun₂ ca₂ḡag₃ táng₃ Pe₄:

—O₁jnia'₅₄ la₂ ca₂dsau₃ jniog₄ co₂lē₅, o₁líg'₂ jmi₄g₄
jua'₅₄ a₂tsá₃ 'ín₄ jniá₂ 'ne₂.

Le₂jaun₂ bá₄ ca₂juá'₂ ca₂le₃jín₃ riin'₅₄ ján₃.

*Ca₂chi₃lén'₂ Jesús Diú₄ caun₂ ja₁chei₂ Getsemaní
(Mateo 26:36-46; Lucas 22:39-46)*

32 Jaun₂ ca₂dsi₃lén₂ caun₂ ja₁chei₂ Getsemaní.
Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

—Ja₁lá₃ tián'₂ 'nia'₂, tē₁lia'₂ i₁chi₁leng'₄ Diú₄.

33 Jaun₂ ca₂jñiai₃ Pe₄, Jacobo, Juan₅₄ ně₃. Jaun₂
ca₂rě₃lióg₃ ca₂tá'₂ quian₅ o₂i₁ dsi₅ 'ñio₅ lín₃. 34 Jaun₂
ca₂juá'₂ ca₂tsí'₃ i₂ún₂ i₂quian'₅₄:

—'Ñio₅ lín₃ quian₅₄ o₂i₁ dsi₅, ca₂lia'₂ jmá'₃ le₃jóng₂
tē₂ně₃. Ja₁lá₃ tián'₂ 'nia'₂ jme₁jnio₂ 'nia'₂ ne'₅₄.

35 Ca₂juig₄ bá₄ ca₂ḡó₃ gué₄ ne₄ juí₅. Ja₁jaun₂
ca₂tóin₂ tē₂ 'uē₃, ca₂mi₃ ca₂tsí'₃ Diú₄, jua'₅₄ lé₂ bá₄
le₃lé₂ a₂tsá₃ dsi₃ñí₂ uig₅ 'e₂ niog₅ dsi₃ñí₂ hora jaun₂.

36 Tē₃jē₄ chi₂lén'₂ Diú₄, ca₂juá'₂:

† 14:27 Zacarías 13:7. ‡ 14:30 A₂lin₅₄ chog₅₄ si₂ tsá₃ chi₁ton₅
“jē₁ca₂tě₂ tin₃ ráun₂.”

—Abba, § Tia₅₄ quiáng₃, ca₂le₃jě₃ bá₄ lé₂ le₃jmo'₂
'ne₂. Lio₄jniá'₂ 'e₂ a₂dsi₃ŋig₂ ně₃. La₁ tsá₃jui₁le₅₄ con'₂
'nio₃jniá'₂; jui₁le₅₄ bá₄ a₂ŋio₂ 'au'₂ 'ne₂.

³⁷ Jaun₂ ca₂dsiáin'₃ táng₃ ja₁tián'₄ 'éi₂, la₁ le₁güín₃
bá₄ 'éi₂ tián'₅ ně₃. Jaun₂ ca₂tě'₃ Pe₄, ca₂juá'₂:

—¿Rě₁güín'₃ bá₄ 'ne₂, Si₂mu₅₄? ¿Tsa₁ tiang'₃ jua'₅₄
caun₂ hora bá₄ jme₁jniog'₂ guě₄ ne'₅₄? ³⁸ Jme₁jnio₂
'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsí₃sén'₂
'nia'₂ dso₄. Dsón'₂ bá₄ 'ŋio₂ dsí₅ jme₂dsí₂ quián'₂
'nia'₂, la₁ ni₁ŋi'₁ guion'₅₄ bá₄ 'nia'₂ 'uan₅₄.

³⁹ Jaun₂ ŋó₃ bá₄ táng₃ i₁chi₂i₁lein'₄ Diú₄. Ján₃ bá₄
jág₁ le₂jaun₂ ca₂juá'₂ táng₃. ⁴⁰ Jaun₂ guáin'₃ táng₃
ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂
tián'₅, ia₁ a₂ŋí₄ lě₃ 'ŋio₅ lin₃ ma₂i₁güín₃. Jaun₂ tsá₃
'e₂ ŋi₅ ŋag₃. ⁴¹ Jaun₂ jme₁dsiáin'₃ táng₃ ja₁tián'₄ 'éi₂
jě₁ca₂tě'₂ 'nag'₂ ráun₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güíng'₃?
Co₂ně₅ bá₄ ně₃. Ca₂tě'₂ bá₄ hora ně₃. Ní₂ 'nia'₂.
Ma₂rě₂jín'₅₄ bá₄ Jaun₅ dsa₂ mi₂güíg₃ o₄gú₃ dsa₂
i₂le₁cán'₄ dso₄. ⁴² Nau₂ 'nia'₂ ně₃, ma₃, ia₁ ně₅ ma₂já₅
i₂jáng'₂.

Ma₂le₁te₂ dsa₂ Jesús

(Mateo 26:47-56; Lucas 22:47-53; Juan 18:2-11)

⁴³ Dsi₂jui₅ tějě₄ dsia₂₃ jág₁ jaun₂, ca₂dsióg₃ Judas,
i₂lín₅ jan₂ dsa₂ i₂guia₃-tín₂. Jui₅ lin₃ dsa₂ i₂ja₂lén₂
quiong'₅₄ qui₂le₁quian₅ ŋi₁tág₂, i₂le₁quian₅ ni₁'ma₂
ně₃, i₂chen₄ quián₅ juig₅₄ jme₂dsa₂, quian'₅₄ tějě₄juá'₅,
ca₂le₃jín₃ guě₄ dsi₂gui'₅₄ can'₅₄ ně₃. ⁴⁴ Jaun₂ Judas
ně₃, ia₁ ma₂ca₂jmo₃ bá₄ jág₁ le₂jjiá'₅ 'e₂ léi₄ jmo₃

§ 14:36 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

jë₁ma₂tě₂ rë₁jáng₂, jme₁ma₂juá'₂: “I₂chen₄ jniá₂ quió'₅, i₂'éi₂ bá₄ jma'₅₄ 'nia'₂, jaun₂ tē'₅₄ 'nia'₂, lě₅ 'í₁.”

⁴⁵ Jaun₂ dsi₂jui₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—¡Tě₅! —Jaun₂ ca₂chen'₃ quió'₅. ⁴⁶ Jaun₂ dsi₂jui₅ le₂jaun₂ ca₂jñau'₃ dsa₂, ca₂tág₃.

⁴⁷ La₁ jan₂ i₂jme₁chén'₄ cau₅ ně₃, ca₂dsi₂ ñi₁tág₂, ca₂ti₃ caun₂ rë₂gua₄ dsa₂ i₂jme₂ti₃ quián₅ jme₂dsa₂ dsen₅₄. ⁴⁸ Jaun₂ ca₂juá'₂ Jesús ca₂tsí'₃ dsa₂:

—¿Dsa₂ 'ang₂ líng₅, 'e₂ ja₂nó'₅ 'nia'₂ le₁quian'₄ ñi₁tág₂, 'ma₂ ně₃, a₂tě'₅₄ jniá'₂? ⁴⁹ Jua'₂ ca₂le₃jě₃ jmig₄ bá₄ 'eng₅₄ jin'₄ 'nia'₂, jme₂tíng₁ dsa₂ i₁dsi₅ guá'₅, tsá₃ ma₂ca₂chong'₂ guě'₂ 'nia'₂ ja₁jaun₂. La₁ lě₂ le₂ně₅, ia₁jaun₂ le₃ti₃ con'₂ lě₅ juá'₂ ne₄ Si₂.

⁵⁰ Jaun₂ qui₂ca₂cuing₃ bá₄ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Dsó₂ i₂ca₂cuing₃ tē₃rë₂ñí₅

⁵¹ Tě₃jě₄ jaun₂, ñó₃ jan₂ dsó₂ rë₂bóin'₅ caun₂ tsi₁'mí'₂ tíóg₃, 'ein₂₃ Jesús. ⁵² Jaun₂ jme₁ca₂jñau'₃ dsa₂, la₁ ca₂lóin₂ bá₄, jmá'₃ tsi₁'mí'₂ bá₄ ca₂lí'₃ dsa₂. Jaun₂ ñái'₃ bá₄ tē₃ rë₂ñí₅.

Ma₂chén'₅ Jesús ne₄ dsi₂tan₅₄ quián₅ guá'₅

(Mateo 26:57-68; Lucas 22:54-55, 63—71; Juan 18:12-14, 19—24)

⁵³ Jaun₂ ca₂tág₃ dsa₂ Jesús i₁jo₅₄ ne₄ jme₂dsa₂ dsen₅₄, jaun₂ ca₂ñi'₂ ca₂le₃jín₃ juig₅₄ jme₂dsa₂, quian'₅₄ dsi₂gui'₅₄ can'₅₄, tē₅juá'₅ ně₃. ⁵⁴ Pe₄ ně₃ ca₂ñó₃ uíng₂ tē₂quín₃ 'ein₂₃ Jesús ca₂tē₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂guá₂ cau₅ si₂ quian'₅₄ 'lióg₂, ca₂jme₃dsioin'₂.

55 Jaun₂ juig₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃, qui₂ca₂'náu'₃ jui₅ 'a₂ lia'₂ bóin'₂ dso₄ Jesús ia₁jaun₂ jŋag'₃. La₁ tsá₃ dso'₂ guë'₂ jui₅ 'e₂ dso₄ jme₃cáu'₂, ⁵⁶ ia₁ juin₅ i₂qui₂ca₂jmo₃ jág₁ të₂jág₁ a₂bóin'₂ dso₄ Jesús, la₁ tsá₃ të₃tsi'₅₄ guë'₂ jág₁ quió'₅ tiain'₅₄. ⁵⁷ Jaun₂ i₂lin₅₄ ně₃ qui₂ca₂nau₂ ca₂jmo₃ jág₁ të₂jág₁ a₂'ni₂₃ Jesús, ca₂juá'₂:

58 —Ma₂néi₁ jnia'₅₄ juá'₂ i₂ně₅: “A₂'éng₄ guá'₅ templo a₂ca₂jmo₃ dsa₂ mi₂güí₃, jaun₂ quian'₅₄ 'ni₅ jmig₄ jmóg'₄ táng₃ 'ŋi₃ caun₂ guá'₅ siá'₂, on₃juá'₅₄ lia'₂ lě₅ guá'₅ ně₅ a₂ca₂jmo₃ dsa₂ mi₂güí₃.”

59 On₃ guë'₂ quian'₅₄ jág₁ jaun₂ ca₂lí'₃ jág₁ rě₂.

60 Jaun₂ ca₂nau₂ jme₂dsa₂ dsen₅₄ të₃jě₄ tiain'₅₄ jaun₂, jaun₂ ca₂ŋi'₃ Jesús ca₂juá'₂:

—¿Tsa₁ 'e₂ ŋag'₅₄ 'i₁caun₂? ¿I₂'e₂ bá₄ jág₁ ně₅ jme₂cáu'₂ dsa₂ quiang'₂?

61 La₁ tei₄ bá₄ ca₂nau₂ Jesús, tsá₃ ma₃'e₂ ca₂ŋag₃. Con'₂ siá'₂ ca₂ŋag₃ táng₃ jme₂dsa₂ dsen₅₄, ca₂juá'₂:

—¿Dsón'₂ 'ne₂ líng'₅ dsa₂ I₂rě₂'ín₁, Ja₁ŋi'₅₄ I₂ŋi₅?

62 Jaun₂ guë'₄ ca₂ŋag₃ Jesús:

—Ján₅, jniá₂ bá₄ líng₅. Ján₃ bá₄ të₃ ne'₅₄ 'nia'₂ jě₁ma₂tě₂ rě₁guá₃ Jaun₅ dsa₂ mi₂güí₃ të₂le₃ gu₂ ne₁ quió'₅ i₂'uan'₂, jaun₂ ján₃ bá₄ jag'₅₄ 'nia'₂ jě₁ma₂tě₂ rě₁ŋi₅óí'₂ táng₃ jě₄ jnei₅ guei'₅₄.

63 Jaun₂ jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ŋiog₅,* jaun₂ ca₂juá'₂:

—¿'E₂ guë'₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₃ guë'₄ dsa₂ sián'₂ jág₁ dsau₅? ⁶⁴ Ma₂ně₂nei'₂

* **14:63** Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuë₂₃ léi₄ jě₁ma₂'í₅ 'nei₂ dsí₅, o₃ jme₁'í₄ qui'₂ dsí₅.

bá₄ 'nia'₂ guiong'₅₄ a₂ma₂ně₂juá'₂ i₂ně₅ 'iin'₂₃ Diú₄.
 ¿'A₂lia'₂juá'₂'nia'₂?

Jaun₂ ca₂le₃jín₃ dsa₂ ca₂juá'₂ tioen'₅₄, ca₂tíin₂ jóin₂
 bá₄.

⁶⁵ Jaun₂ ca₂jme₃lióg₃ i₂lin₅₄ qui₂ca₂'ñéi₃ quió'₅
 Jesús, qui₂ca₂lio₃ dsa₂ dsi₂ne₅₄, jaun₂ qui₂ca₂jnó'₂ ně₃
 tioen'₅₄, jaun₂ juá'₂:

—iDsi₄ jág₁ jua'₅₄ 'ein₂ ně₂quein₃ quiáng'₂!

Chi'₂ 'í'₅₄ quián₅ guá'₅ ně₃, ján₃ bá₄ qui₂ca₂cuē₃ ja'₂
 tioen'₅₄.

Tsá₃ ca₂tion₃ Pe₄ a₂cu₂iin₂₃ Jesús

*(Mateo 26:69-75; Lucas 22:56-62; Juan 18:15-18,
 25—29)*

⁶⁶ I₁dsi₅ ca₁'né₄ 'uē₃ bá₄ jme₁guá₄ Pe₄. Jaun₂
 ca₂dsióg₃ jan₂ 'io₅₄ i₂jme₂ti ta₁ ne₄ jme₂dsa₂ dsen₅₄,

⁶⁷ jaun₂ ca₂jín₂ Pe₄ guá₅ jme₂dsioin'₂, jaun₂ ca₂jág₂
 'io₅₄ tiá₂, ca₂juá'₂:

—¿Ján₃ guē'₂ jme₁quian'₄ 'ne₂ Jesús Nazareno ó₃?

⁶⁸ La₁ tsá₃ ca₂tion₃ Pe₄.

—Tsá₃ guion₅₄, on₃ guē₄ ñíg'₂ 'e₂ a₂juá'₂ 'ne₂.

Jaun₂ ca₂nau₂ Pe₄ ca₂o₃ 'iin₃ ca₂i₁nau₂ tē₂le₃ ca₁'né₄
 ja₁lě₄ corredor. Tē₃jě₄ jaun₂ ca₂'o₃ tē₂guí₄ dsó₂.

⁶⁹ Con'₂ siá'₂ ca₂jág₃ táng₃ 'io₅₄ ca₂jín₂ Pe₄, jaun₂
 ca₂juá'₂ ca₂tsí'₃ dsa₂:

—Jan₂ rin'₅₄ 'éi₂ bá₄ ně₅.

⁷⁰ La₁ ján₃ bá₄ le₂jaun₂ tsá₃ ca₂tion₃ Pe₄.
 Jme₁co₂lág₂ jaun₂, dsa₂ i₂tián'₅ quian'₅₄ Pe₄ ca₂juá'₂:

—Dsón'₂ rin'₅₄ 'éi₂ bá₄ líng'₅, ia₁ ján₃ bá₄ Galilea
 chang'₂.

⁷¹ Jaun₂ ně₃, Pe₄ ca₂'iin₃ Diú₄ ca₂mi₃ a₂dsi₃ñíi'₂ 'e₂
 dsi₃ñíi'₂, ca₂juá'₂:

—¿Tsá₃ cuíng₅ dsa₂ i₂'ín'₅ 'nia'₂!

⁷² Dsi₂jui₅ jaun₂ ca₂'o₃ táng₃ tē₁guí₄ dsó₂ a₂ca₂tē₂ tin₃ ráun₂. Jaun₂ gué₄ ně₃ ca₂dsáu'₃ dsí₅ Pe₄ a₂ca₂juá'₂ Jesús le₂ñiá₅: “Né'₃ a₂'o₃ jē₁ca₂tē₂ tin₃ ráun₂ tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jme₁ca₂dsáu'₃ dsí₅ jág₁ ně₅, jaun₂ gué₄ ca₂'o₃ 'ñio₅ lín₃.

15

Chén'₅ Jesús ne₄ Pilato

(Mateo 27:1-2, 11—14; Lucas 23:1-5; Juan 18:28-38)

¹ Dsi₂jui₅ jme₁jnia₃ táng₃ jaun₂, ca₂ñi'₂ juig₅₄ jme₂dsa₂ quian'₅₄ dsi₂gui'₅₄ can'₅₄, quian'₅₄ ca₂le₃jín₃ tē₅juá'₅, ca₂le₃jín₃ gué₄ i₂lín₅ dsi₂tan₅₄ quián₅ guá'₅ ně₃. Qui₂ca₂ñi'₃ riin'₅₄ ca₂jmo₃ caun₂ jág₁. Ca₂'néi'₂ Jesús tioin'₅₄, jaun₂ ca₂i₁jio₃ ne₄ Pilato. ² Jaun₂ ca₂ñag₃ Pilato:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂ně₅ bá₄, jui₁lia'₂ juá'₂ 'ne₂ ně₅.

³ Jaun₂ caun₂ qui₂ca₂'nag₃ gué₄ juig₅₄ jme₂dsa₂ 'lióng₂ ne₅₄ dso₄ ca₂bóin'₂ Jesús. ⁴ Jaun₂ con'₂ siá'₂ táng₃ ca₂ñag₃ Pilato ca₂ñi'₃ Jesús, ca₂juá'₂:

—¿Tsa₁ a₂ñag'₅₄? Ně₅ bá₄ nag'₂ 'ñiag'₂ 'lióng₂ dso₄ a₂bóg'₂ dsa₂.

⁵ La₁ tsá₃ ma₃'e₂ ca₂ñag₃ Jesús 'i₁caun₂. Jaun₂ jě₃ ca₂i₃gó'₃ dsí₅ Pilato.

Ca₂'o₃ 'ág₃ 'éi'₃ a₂jón₂ Jesús

(Mateo 27:15-31; Lucas 23:13-25; Juan 18:38--19:16)

6 Jmīg₄ jaun₂ jme₁chí'₄ tag₄ a₂lióin₂ ca₂le₃jě₃ ŋi₂ jan₂ dsa₂ i₂'en₅₄ né'₃ 'má₃, jme₁tě₅ Jmīg₄ Tě₂'in₅₄, 'ein₂ ca₂'in₃ dsa₂ juig₂ i₂lión₂. 7 Jaun₂ jme₁'en₅₄ né'₃ 'má₃ jan₂ dsa₂ i₂chen₂ Barrabás, quian'₅₄ dsa₂ i₂ma₂ca₂jme₃dsian₅ dsa₂ jme₁ca₂nau₂ 'nei₂. 8 Jaun₂ ca₂mi₃ dsa₂ juig₂ ca₂tsí'₃ Pilato a₂jmo₃ con'₂ lě₅ tag₄ chí'₅. 9 Jaun₂ ca₂ŋag₃ Pilato ca₂tsí'₃ dsa₂ juig₂:

—ǰ'Niog'₂ 'nia'₂ lon₄ jniá₂ Rag₅₄ quián₅ dsa₂ judíos?

10 Ia₁ ca₂rě₃lí'₄ bá₄ Pilato 'ŋiog₅ a₂'iog₅₄ uig₅ dsí₅ bá₄ juig₅₄ jme₂dsa₂ ca₂jíin'₂ Jesús ne₅₄. 11 La₁ juig₅₄ jme₂dsa₂ ně₃ ca₂toin'₂ jág₁ dsa₂, jaun₂ tóin'₃ co₂mi'₅₄ a₂mi₃ lión₂ Barrabás bá₄. 12 Jaun₂ ca₂ŋag₃ táng₃ Pilato ca₂tsí'₃ dsa₂ juig₂:

—ǰ'E₂ guě'₂ 'niog'₂ 'nia'₂ jmo₅₄ jniá₂ quian'₅₄ i₂tě'₂ 'nia'₂ rag₅₄ quiáng'₂?

13 Jaun₂ ca₂ŋag₃ dsa₂ juig₂ co₂mi'₅₄ tóin'₅₄, ca₂juá'₂:

—ǰTióin₃ cróg₄!

14 Jaun₂ ca₂juá'₂ táng₃ Pilato:

—ǰ'E₂ 'uig₅₄? ǰ'E₂ guě'₂ dso₄ ma₂'náu₂?

La₁ tě₂le₃ i₂juí'₂ guě'₄ co₂mi'₅₄ ca₂tóin'₂, ca₂juá'₂:

—ǰTióin₃ cróg₄!

15 La₁ Pilato ně₃, ia₁jaun₂ dsi₃lén₂ dsa₂ tei₄, ca₂lióin₂ bá₄ Barrabás i₂mi₅ dsa₂ lión₂. Jme₁ma₂ně₂dsí₃ Pilato 'éi'₃ a₂bán₂ dsa₂ Jesús, jaun₂ ca₂jáng'₂ o₄gú₃ dsa₂ juig₂ jaun₂ tion₃ cróg₄.

16 Jaun₂ ca₂tág₃ 'lióg₂ Jesús tě₂le₃ i₁dsi₅ ne₄ta₁, (co₂'nió'₄ caun₂ ja₁chei₂ Praetorio), jaun₂ ca₂ŋí'₂ 'lióg₂ ca₂le₃jín₃ riin'₅₄. 17 Jaun₂ ca₂quei'₃ dsa₂ caun₂ capa 'ui'₃,* jaun₂ ca₂jmo₃ caun₂ corona quian'₅₄

* 15:17 Color 'ui'₃ juí₁lia'₂ 'mi'₂ a₂qui'₅₄ rag₅₄.

chi,uíng₃ taun₅, ca₂tó'₂ mi₂dsi₄ Jesús. 18 Jaun₂ ca₂jme₃lióg₃ qui₂ca₂cuag₃ Diú₄ tioin'₅₄, ca₂juá'₂:

—¡Sian'₃ 'ne₂ Rag₅₄ quián₅ dsa₂ judíos!

19 Jaun₂ qui₂ca₂bá₂ mi₂dsi₄ Jesús quian'₅₄ ni₁'ma₂ ta₅, qui₂ca₂'ñéi₂ ně₃ tioin'₅₄, qui₂ca₂chi₃jnë₃ ně₃, a₂jme₂juag'₂. 20 Jme₁ca₂lě₃ a₂lě₁co₂jmóg'₂ jaun₂, ca₂dsein₂₃ táng₃ Jesús tsi₁'mi'₂ 'ui'₃ a₂jme₁ca₂quei'₃. Jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guě₄ ca₂jñiai₃ Jesús a₂dsi₃tion₃ cróg₄.

Ca₂tion₃ dsa₂ cróg₄ Jesús

(Mateo 27:32-44; Lucas 23:26-43; Juan 19:17-27)

21 Jaun₂ ca₂chi₃quiáin₂ jmig₄ jan₂ dsa₂ i₂'en₅₄ jui₅ jón'₅ ja₁nau₂, i₂chen₂ Si₂mu₅₄ i₂chan₂ juig₂ Cirene, i₂lín₅ jmei₂ Alejandro quian'₅₄ Rufo, a₂cán₂'éi₂ cróg₄ quió'₅ Jesús.

22 Jaun₂ ca₂jñia₃ dsa₂ Jesús caun₂ ja₁chei₂ Gólgota, (co₂'nió'₄ jein₅ jág₁ chei₂ Dsi₂con'₂ Ni₁mu₅ Mi₂dsi₄ 'Lag₄.) 23 Jaun₂ ca₂jén'₃ ne₄ Jesús vino a₂rě₂cón'₅ quian'₅₄ mirra, la₁ tsá₃ ca₂gue₃ 'éi₂. 24 Jaun₂ guě₄ ca₂tion₃ cróg₄. Dsi₂'lióg₂ guě'₂ ně₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂.

25 Con'₂ hora ñí₁ ñi₃ tē₂ o₃'iog₂, † ca₂tion₃ dsa₂ cróg₄.

26 Jaun₂ ca₂tióng₃ letra dsi₄ cróg₄ co₂'nió'₄ a₂juá'₂ 'e₂ dso₄ a₂bóin'₂ Jesús, a₂juá'₂: “RAG₅₄ QUIÁN₅ DSA₂ JUDÍOS.” 27 Ján₃ bá₄ ca₂tioin₃ guě₄ on₃ dsa₂ 'ang₂ co₂lě₅ quiong'₅₄, jan₂ tē₂le₃ gu₂ ne₁, jan₂ guě'₂ tē₂le₃ gu₂ jen₅. †

† 15:25 lit. “hora 'ni₅.” † 15:27 A₂lin₅₄ chog₅₄ si₂ chi₁ton₅ versículo 28, a₂juá'₂ le₂la₂: “Jaun₂ le₂jaun₂ ca₂rě₃tí₃ con'₂ lě₅ juá'₂ Si₂ quió'₅ Diú₄: ‘A₂jmá'₂ dsa₂ 'éi₂ jui₁lia'₂ jě₁jmái'₂ dsa₂ i₂rín₂ dso₄’ .” Isaiás 53:12.

29 Jaun₂ ca₂le₃jín₃ dsa₂ i₂qui₂ca₂ŋí₃ jui₅ jaun₂ qui₂ca₂jnú₂'₂ jág₁ uig₅, qui₂bí₂ dsi₅₄, ca₂juá'₂:

—Ia₁, ζon₁'ne₂ i₂juá'₂ a₂'éng'₄ guá'₅ con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄? 30 Nē₃ ně₃, lion₄ 'ŋiag'₂, ja₁tong'₂ ně₅.

31 Ján₃ bá₄ le₂jaun₂ a₂lē₁qui₂co₂jmóg'₂ juig₅₄ jme₂dsa₂, quian'₅₄ tě₅juá'₅, dsia₂₃ jág₁ qui₂tsí'₅ riin'₅₄, juá'₂:

—Ca₂lióin₂ bá₄ i₂sián'₂, la₁ 'ŋiog₅ bá₄ tsá₃ lé₂ le₃lióin₃. 32 Jui₁sión₄ cróg₄ I₂rě₂'ín₁ quián₅ Diú₄ ně₅, i₂juá'₂ lín₅ Rag₅₄ quián₅ dsa₂ juig₂ Israel, ia₁jaun₂ tě₅₄ ne₄ jniog₄, ia₁jaun₂ le₃'éin₂.

Le₂jio₅ dsa₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Mateo 27:45-56; Lucas 23:44-49; Juan 19:28-30)

33 Jme₁ca₂tě₂ dsi₃ŋí'₃, Š ca₂'ág₂ nei₂ le₂con₂ 'uě₃ jaun₂, ca₂lia'₂ ca₂tě₂ hora ŋí₁ 'ni₅ tě₂le₃ ca₂'láu₂.*

34 Hora jaun₂, ca₂'ŋia₂ guě₄ Jesús jág₁, ca₂juá'₂ tiá₂:

—Eloi, Eloi, ζlama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ζ'e₂ lě₃ ma₂ně₂téi'₃ jniá₂?†

35 I₂lin₅₄ dsa₂ i₂jme₁tió_{n2} cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—iNei₂! Elías i₂jme₁'ě₂ jág₁ quián₅ Diú₄ ma₂líg'₂ tě₂.

36 Jaun₂ ně₃ ŋó₃ jan₂ co₂chi'₅₄ i₁quian₅₄ caun₂ ni₁jaun₂ guion₅ jmig₂. Jaun₂ ca₂guioin₃ vino dsi'₃.

Š 15:33 lit. “hora jŋéi₂.”
Salmo 22:1.

* 15:33 lit. “hora ŋi₃.”

† 15:34

Jaun₂ ca₂chi₃dsí₂ nei⁵⁴ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂jme₁'ín'₂. Jaun₂juá'₂:

—O₁ne₄ chi₂jua'₂ jiá₃ Elías jaun₂ sió₂ quió'₅.

³⁷ Cón'₂ bá₄ ca₂'ñió₂ guě₄ Jesús tiá₂ lín₃, co₂tan₅₄ ca₂join₃. ³⁸ Hora jaun₂ dé₄ dsón'₂ co₂dsia₅ ca₂chen₃ ca₂tē₂ guei'₅₄ ca₂tē₂ 'uē₃ ca₂lě₃ tĩn₃ tsĩn'₅ tsĩ'₂ mi'₂ pa₁ a₂jme₁'ei₅ dsi₂ne₂i₂ guá'₅ templo. ³⁹ Jaun₂ juig₅₄ 'lióg₂ i₂jme₁chén'₄ cau₅ cróg₄, jme₁ca₂jág₃ 'a₂ lia'₂ ca₂jon₃ Jesús, jaun₂ ca₂juá'₂:

—Tě₃dsón'₂ bá₄ jme₁lín₄ dsa₂ ně₅ Ja₁ñi'₅₄ Diú₄.

⁴⁰ Jaun₂ bá₄ jme₁tión₂ i₂lín₅₄ 'io₅₄, jág₅ uing₂ ján₃. Jě₄ jaun₂ jme₁chén'₄ María chan₂ Magdala, quian'₅₄ María chog₅₄ i₂chen₂ José, quian'₅₄ i₂chen₂ Jacobo† i₂lín₅ i₂me'₂ guě₄, quian'₅₄ guě₄ jan₂ i₂chen₂ Salomé. ⁴¹ 'Io₅₄ 'éi₂ ma₂ja₂lén₂ le₂tan₅₄ 'uē₃ Galilea jme₂ti₃ ne₄ Jesús. Juin₅ bá₄ guě₄ 'io₅₄ sián'₂ i₂ma₂ja₂lén₂ 'ein₂₃ Jesús tē₂ Jerusalén.

Ca₂'on₃ Jesús

(Mateo 27:57-61; Lucas 23:50-56; Juan 19:38-42)

⁴² Jme₁ca₂tó'₂ nei₂ jmig₄ jaun₂, tion'₅₄ dsa₂ jmo₂₃ co₂ñia₅₄ jui₁lia'₂ 'ióg₃ jmig₄ jñi₅. ⁴³ Jaun₂ ca₂dsió₃ José i₂chan₂ Arimatea, i₂lín₅ jan₂ dsa₂ dsen₅₄ i₂quian'₅₄ dsi₂tan₅₄ quián₅ guá'₅. Ia₁ 'éi₂ ján₃ jme₁chi₁jñia₂₃ a₂'ín₂ dsí₅ a₂guá'₂ 'éi'₃ quió'₅ Diú₄. Jaun₂ ca₂dsia₃ tiá₂ dsí₅ ně₃, ñó₃ ja₁con₂ Pilato, ca₂i₁mi₁₂ 'lag₄ Jesús. ⁴⁴ Jaun₂ ca₂l₃gó'₃ dsí₅ Pilato jme₁ca₂nág₂ a₂ma₂jon₅ Jesús, jaun₂ ca₂tě'₃ juig₅₄ 'lióg₂ ca₂ñag₃ chi₂jua'₂ dsón'₂ ma₂join₂₃. ⁴⁵ Jme₁ca₂rě₃ñi₅ ca₂juá'₂ 'lióg₂, “Dsón'₂ bá₄ le₂jaun₂

† 15:40 o₃, Santiago.

ma₂ca₂lě₃”, jaun₂ ca₂jín'₂ 'lag₄ o₄gú₃ Sě₄ 'éi₂. ⁴⁶ Jaun₂ Sě₄ ně₃ ca₂i₁lia₅ 'mi'₂ tióg₃; quian'₅₄ a₂jaun₂ ca₂lioin₃ 'lag₄ Jesús jme₁ca₂sió₂ cróg₄. Jaun₂ ca₂to'₂ 'ñi₃ tau₂ 'ñio₅ a₂jme₁ma₂lě₅ dso'₂ ni₁'lau₂. Jaun₂ ca₂mói₂ ca₂míg₂ ni₁cang₁ 'í₂ pa₁, ca₂jne₃ 'o₄ tau₂ 'ñio₅. ⁴⁷ Jaun₂ María i₂chan₂ Magdala quian'₅₄ María chog₅₄ José, ca₂tě₂ ne₅₄ ja₁ca₂'on₃ Jesús.

16

Ca₂jen'₅₄ Jesús

(Mateo 28:1-10; Lucas 24:1-12; Juan 20:1-10)

¹ Le₃ca₂gú'₃ jmi₄g₄ jñi₅, jaun₂ María i₂chan₂ Magdala quian'₅₄ María chog₅₄ Jacobo,* quian'₅₄ guě₄ jan₂ i₂chen₂ Salomé, ca₂i₁lia₅ no'₅₄ mi₂juig₂ a₂jme₁dsi₃tsáng₃ ni₁ñi₁ 'lag₄ Jesús. ² Jaun₂ le₁né₃ guě₄ jme₁jnia₃ jmi₄g₄ le₂'uig₅₄ semana, ca₂i₃lěin₂ ja₁chi₁'on₅ Jesús, ca₂dsi₃lěin₂ con'₂ ma₂'en₅ ca₂la₂ 'iog₂. ³ Jaun₂ dsia₂₃ jág₁:

—¿'Ein₂ jme₃'o₅₄ jniog₄ mói₂ cau₅ ni₁cang₁ a₂chi₁jni₅ 'o₄ tau₂ 'ñio₅?

⁴ La₁ jme₁ca₂jág₃ ně₃, jua'₂ ma₂rě₂mu₅, cau₅ bá₄ ma₂chí'₅. Ia₁ a₂jme₁pa₁ lin₃ bá₄ ni₁cang₁. ⁵ Jaun₂ ca₂i₃toin'₅₄ 'ñi₃, jaun₂ ca₂jín'₂ jan₂ dsa₂ chi'₂ i₂qui'₂ 'mi'₂ chen'₅₄ tiog₂, guá₅ tě₂le₃ gu₂ ne₁ ja₁i₃lěin₂ jaun₂. Jaun₂ ca₂i₃gó'₃ dsí₅ 'io₅₄ ně₃. ⁶ La₁ ca₂juá'₂ dsa₂ 'éi₂:

—Tsá₃ jui₁dsi₂gó'₃ 'au'₂ 'nia'₂. A₂'na'₂ Jesús bá₄ 'nia'₂ i₂niog'₅₄ i₂ca₂jon₃ ca₂tion₃ dsa₂ cróg₄. La₁ ma₂ca₂jein'₅₄ bá₄. Tsá₃ 'éi₂ chan₂ ja₁lá₃. Ně₅ jag₄ 'nia'₂ ja₁ca₂quio₅ dsa₂. ⁷ Jaun₂ o₂nó'₅ 'nia'₂ o₂chei'₅₄ chi'₂ dsi₂guia₃-tín₂ quiáin₅, Pe₄ ně₃, a₂ma₂'ein₅₄ jui₅

* **16:1** o₃, Santiago.

ŋó₅ ŋŋiáí₅ lia'₂ con'₂ guě₄ 'nia'₂ jui₅ Galilea. Ja₁jaun₂ o₁jŋin'₄ 'nia'₂ con'₂ lě₅ jág₁ quió'₅ ma₂ca₂juá'₂.

⁸ Jaun₂ ca₂'u_{in}₂ tau₂ 'ŋio₅ i₃lein₃ cuing₂₃, dsi₂gó'₃ dsí₅ jlein₂₃. Tsá₃ 'ein₂ ca₂tsí'₃ le₂'i₄ jui₅, ia₁ a₂gó'₅ bá₄ i₃lein₃.

Ca₂jme₃ŋnia₅ Jesús ne₄ dsa₂ quiáin₅.†
(Juan 20:11-18)

⁹ Jaun₂ tē₂le₃ o₂'iog₂ jmig₄ le₂'uig₅₄ a₂ca₂rē₃lióg₃ semana a₂ca₂jein'₅₄ jaun₂, ca₂jme₃ŋniai₂₃ le₂'uig₅₄ ne₄ María chan₂ Magdala, i₂ca₂'u_{in}'₂ Jesús guion₃ je₂na'₅₄ quió'₅ le₂ŋŋiá₅. ¹⁰ Jaun₂ 'éi₂ ně₃ ca₂i₁chí'₄ dsa₂ i₂jme₁quian'₅₄ Jesús. 'Éi₂ ně₃, tioen'₅₄ 'lia'₂ dsí₅, qui'₂- 'o₂₃ bá₄. ¹¹ Jme₁ca₂nág₂ juá'₂ 'io₅₄ a₂ma₂chan₂ táng₃ Jesús, ia₁ ma₂nē₂jág₂ 'io₅₄, la₁ tsá₃ 'ein₂ ca₂rē₃'én₂ guě'₂ jág₁ jaun₂.

Ca₂jme₃ŋnia₅ Jesús ne₄ on₃ dsa₂ quiáin₅
(Lucas 24:13-35)

¹² Cang₂ jaun₂ táng₃ ca₂jme₃ŋnia₅ Jesús le₂siá'₂ ne₄ on₃ dsa₂ 'éi₂ quiáin₅, ja₁jme₁i₂nioi₅₄ ja₁nau₂. ¹³ Jaun₂ ca₂i₃lein₃ táng₃ ca₂i₁chí'₄ riin'₅₄. Ján₃ bá₄ le₂jaun₂ tsá₃ 'ein₂ riin'₅₄ ca₂rē₃'én₂ jág₁ a₂dsia₅ 'éi₂.

Ca₂chen₃ Jesús chí'₂ dsi₂guia₃-tín₂ i₂lě₂ guě₄
(Mateo 28:16-20; Lucas 24:36-49; Juan 20:19:23)

¹⁴ Cang₂ guě₄ jaun₂ ca₂jme₃ŋnia₅ Jesús jŋn₄ ta₁guia₃-ján₃ con'₂ i₂jme₁tén₄ guě'₅. Jaun₂ ca₂jí₂ ia₁ 'e₂ lě₃ ŋí₄ lě₃ cang₄ dsi₅₄, tsá₃ 'éin₂ a₂juá'₂ riin'₅₄ i₂ma₂ca₂tě₂ ne₄ a₂ma₂ca₂jein'₅₄ táng₃.

¹⁵ Jaun₂ ca₂juá'₂ ca₂tsí'₃ dsa₂ 'éi₂:

† 16:8 Chog₅₄ si₂ a₂lě₅ gui'₅₄ guě₄ tsá₃ le₁ton₅ versículos 9-20.

—O₂nó'₅ 'nia'₂ le₂con₂ mi₂güí₃, o₂'ě₃ jin₄ ca₂le₃jín₃
 dsa₂ jág₁ dse₃. ¹⁶ I₂'én₂, i₂jñó₂ jmig₂ ně₃, lióin₂, tíin'₄
 bá₄. I₂tsá₃ 'én₂ ně₃, le₃chain₂ tioin'₅₄ 'éi'₃ a₂dsi₃'éin₂.
¹⁷ Jaun₂ léi₄ la₂jme₃quian'₅₄ dsa₂'én₂. Tě₂le₃ quian'₅₄
 bí₂'éi'₃ quió₃jniá₂, 'uúin'₂ je₂na'₅₄, ton'₂ dsia₃ dsa₂ jág₁
 jmei₅ 'mí₂ ně₃. ¹⁸ Nė₁jua'₂ 'ein₂ ca₂jña'₃ dsimí'₂, o₃
 'ein₂ ca₂'in'₃ mí₅ 'lig'₅₄, la₁ tsá₃ 'e₂ jén'₄. Qui₂quiog₃
 gu₂ ne₄ quió'₅ dsa₂ dso'₅₄, jaun₂ 'lión₂ bá₄ dsa₂.

Ca₂uí₂ Jesús guei'₅₄ i₂juí₃

(Lucas 24:50-53; Hechos 1:6-11)

¹⁹ Jme₁ma₂lě₅ juá₂ Te₁gui'₅₄ Jesús le₂ně₅, jaun₂
 guě₄ ca₂roin'₂ nái'₃ guei'₅₄ i₂juí₃, jaun₂ ca₂guá₂
 tě₂le₃ gu₂ ne₁ quió'₅ Diú₄. ²⁰ Cang₂ jaun₂, dsa₂
 i₂jme₁quiain'₅₄ ně₃, ca₂'uúin₂ i₁lein₅₄ ca₂le₂con₂ juig₂
 i₁'ě₄ jág₁. Jaun₂ 'njog₅ bá₄ Te₁gui'₅₄ Jesús ca₂cuě₃ bí₂,
 ca₂jmo₃ léi₄ a₂dsón'₂ dsau₅ jág₁ quió'₅, tě₂le₃ quian'₅₄
 ca₂le₃jě₃ léi₄ juě'₂ a₂qui₂ca₂jmo₃ dsa₂ quiáin₅.

Co₂ně₅.

Jag₁ 'mí₂ a₂ma₂li'₅₄ quian'₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 30 Dec 2021

5c52af9e-3086-5d57-9b7e-2e495fea8899